

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

40 pes

Namba 947

Wik i stat long Fonde Ogas 27, 1992.

40 toea

Ileksen bilong 6-pela provins long Janueri

MESERY GUBAG i raitim

PROVINSAL ileksen bilong 6-pela provins bai kamap long mun Janueri long neks yia.

Ol provins ya em Sentrel, Simbu, Wes Niu Briten, Westen Hailans, Wes Sepik na Is Sepik. Opis bilong Ilektrik Komisen i bin makim ol dispela taim. Olgeta provins bai holim ileksen long wanpela de tasol.

Olgeta wok bilong ileksen bai stat long Desemba 3 (issue of writs) na pinis long Janueri 29. Namel long dispela taim bai i gat ol nominesen bilong ol kendidet i kamap na ol manmeri bai vot. Na ol opisa bilong Ilektrik Komisen bai kaunim vot na tokaut long husat kendidet i win.

Long Janueri 29, olgeta wok bilong ileksen bai pinis (return of writs).

Ol wan wan provins yet i bin makim ol nominesen fi bilong ol. Na fi bilong ol kendidet husat i laik sanap long ileksen long wan wan provins em: Sentrel K50, Simbu K1000, Wes Niu Briten K50, Westen Hailans K200, Wes Sepik K500, na Is Sepik em K50.

Long 1990, nesanel gavman i bin saspenim Is Sepik provinsal gavman. Na long dispela yia, Simbu provinsal gavman tu i bin kam aninit long saspenim bilong nesanel gavman.

Nesanel gavman i bin mekim dispela bihain long ol opisa bilong em i mekim ol wok painimaut na givim ripot i go long ol.



Tenkyu NCDC...Dispela ol mama na pikinini bilong Kaugere i amamas tru long kisim fri wara saplai bilong yusim long waswas, wasim ol klos na plet samting na bilong dring long Mosbi. Dispela paip wara i bin bruk longtaim yet na i stap. Na ol manmeri i save yusim fri tasol. Nogat man i save em i wok bilong husat long stretim. Foto: David Rom.

Timba kampani mas rejista

... nogat em no gat laisens tu

INSAIT

• Ol fainal i pinis long Hagen

• Ol boi Mosbi Brothers rausim nem nogut

• Ol Koiari wetim K1.05 milien...p3



RAGBI
LIG NIUS
• Motukea wel faktori...p17

• King Wally gat nupela wok wantaim Gold Coast

• Ol meri Madang na sik STD...p11

• Memba rabisim Wingti...p4

CLEMENT MIRIA i raitim

OLGETA 32 timba kampani insait long kantri nau i mas rejista wantaim Papua Niugini Fores Atoriti.

Las de bilong ol long mekim dispela em long Fraide. Sapos no gat, ol bai lusim laisens bilong ol long wok.

De tru bilong olgeta kampani long rejista em long Ogas 30. Na tupela kampani tasol i rejista pinis. Narapela 12-pela i salim tasol ol rejistresen pepa bilong ol i kam. Na ol i tok save long opis bilong Dairekta Jenerel bilong Papua Niugini Fores Atoriti long fax.

Dairekta Jenerel bilong PNGFA, Michael Komtagarea i tok em i laikim olgeta timba kampani long

rejista pastaim long Fraide. Ol 46 timba kampani nau i wok long kantri bihainim lista em PNGFA i givim em Fonsen Logging Pty Limited, Hugo Sawmilling, Cakara Alarm PNG P/L, Golden Bowl Pty Limited, Golden Square Pty Limited, Koiari Timbers Pty Limited, Magarida Timbers Pty Limited, Khiachi Chai Pty Limited, Maisi Trust Co P/L, Niugini Lumber Pty Limited, Pacific Rim Corporation P/L, Machuges Logging Pty Limited, Woiwoi Guavi Timber Co na Shisei Enterprises PNG P/L. Dispela em nem bilong olgeta kampani husat i stap wok long Nesanel Kapitel Distrik na Sentrel provins.

Long Oro, Galp na Milen Be provins em Ambogo Sawmill Pty Limited, Baimuru Sawmill Pty Limited, Ulabo Timber, Milne Bay Logging na Salva Investment Pty Limited. i go moa long pes 2



HINO. BOS BILONG OL HAIWE.

Hino

Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Kaunsol kotim plis na raiot skwat

JAMES KILA I raitim

KAUNSOL, Albert Kusal bilong ples Apupul long Hoskins insait long, Wes Nu Briten provins bai kisim plis na wanpela Mobail skwat yunit husat i stap nau long provins i go long kot.

Dispela i bihainim tasol sampela bagarap ol plis na mobail skwat i bin kamapim taim ol sekim ples Apupul long dispela mun. Kot bai kamap long Septemba 8.

Mista Kusal i tok ol plisman i bin kilim ol pik, kakaruk na kukim sampela haus long taim ol i go sekim ples.

Ol i paitim tu sampela man.

Ripot i kam long Kimbe i tok olsem ol plis i sekim ples Apupul bihain long sampela man bilong ples i go na bagarapim ol samting long Ambusa plantesis. Ol man bilong ples i bin kukim opis, wanpela ka bilong kampani na wanpela plis ka.

Wes Nu Briten Provincial Plis Komanda, Sief Suptenden Philip Solala husat i tokaut tu long dispela ripot, i tok ol plis i bin go sekap long painim ol lain husat i go pas long dispela trabel long Ambusa plantesis.

Dispela trabel long Ambusa plantesis i kamap bihainim tasol

tingting bilong menesa bilong Sinagigawa Pty Limited long salim plantesis i go long Ulawun Developmen Kopresen.

Ol lain long ples i bel hat bikos ol i no laikim

menesa long salim plantesis i go long arapela lain long provins. Ol i no laikim Ulawun Developmen Kopresen long baim plantesis. Ol i tok ol i no amamas long wok

em Ulawun Developmen Kopresen i mekim long sampela plantesis insait long provins. Ol lain long ples yet i gat tingting tu long baim dispela plantesis.

Plisman kot long bagarapim mama

NESENEL Kot long las wik Fraide, 21 Ogas i bin salim wanpela trafik plisman long Rabaul i go kalabus 6-pela yia.

Jastis Moses Jalina i bin kalabusim Michael Loskit, 28 krismas bilong ples Apoipi long

Kendrien, Wes Nu Briten provins long bagarapim wanpela meri taim em i wok i stap.

Stet prosekyuta, Nicholas Mirou long opis bilong Pablik Prosekyuta long Mosbi

i bin helpim meri ya long kot. Em i tokim kot olsem long 15 Me, Loskit i bin draivim plis ka na lukim meri ya i sanap long fran bilong wanpela stua klostu long Rabaul maket. Na em i tanim ka na tokim meri ya long kalap long ka.

Abrus long kisim meri i go long plis stesin, Loskit i karim em i go long ol bus arere long Rabaul ples balus na bagarapim em.


Dispela meri i wanpela maritmeri na em i gat tripela pikinini.

Meri ya i tokim kot olsem em i orait long Loskit long mekim wanem samting em i laikim long en. Bikos em i pret nogut Loskit i paitim em.

Stet prosekyuta, Nicholas Mirou i tokim kot olsem meri ya i bin kam salim kambang long maket long dispela moning long Me 15. Em i bin lusim sospen kambang wantaim liklik susa bilong em na i go long stua wantaim tambu meri bilong em long baim sampela plastik bilong skelim kambang.

Long dispela taim Loskit i kisim ka i kam na lukim em i sanap long fran bilong stua na toktok strong long em long kalap long ka.

Loya i makim Loskit i tokim kot olsem meri ya i save pinis long Loskit. Bikos Loskit i bin kisim em long wanpela taim na mekim i go moa long pes 4



• *Bikpela kago sip...Wanpela bikpela sip bilong Ovasis i sua long bris long Mosbi na ol wokman i rausim kago. Kaln sip olsem i helpim long trenspotim kago i go ovasis na i kam insait long Papua Niugini. Foto: Sam Vulum*

Didiman opisa winim kot long brukim edpos

WANPELA pablik sevan i bin kamap long ai bilong Daru Distrik Kot long sas bilong brukim na stilim marasin long wanpela edpos.

Kot i painim olsem Mabuli Dukawa, 35 krismas bilong ples Kawiapo, Westen provins i rong long brukim na go insait long wanpela edpos long Tapila gavman stesin.

Kot i harim olsem long Januəri 31, Mabuli i bin brukim edpos na stilim sampela marasin. Long dispela taim, Mabuli i go na stilim 9-pela marasin bilong sik malaria na 6-pela bilong skin i pen.

Mabuli i tokim kot olsem em i stilim dispela marasin long givim long wanpela sikman. Kot i bin painim olsem edpos odali i go long lip na Mabuli i laik tru long kisim dispela marasin bikos wanpela

lain bilong em i bin sik nogut tru.

Mejistret Stephen Oli i bin skelim dispela ol tok tok bilong Mabuli na painim olsem Mabuli i bin tingting long laip bilong wanpela man na em i mekim dispela samting.

Kot i no bin sasim em tasol ol i givim em strongpela tok lukaut long no ken mekim kain pasin olsem gen. Mejistret Oli i tokim Mabuli husat i wanpela DPI opisia long rispektim samting bilong ol arapela gavman dipatmen.

Ol timba kampani mas rejista

i kam long pes 1

W.T.K Realty P/L, Turama Forest Industries, Vanimo Forest Products, Timber Products and Marketing P/L, P.I Logging Pty Limited, Madang Timbers Pty Limited, Monarch Investment P/L, Laesin international P/L, Jant Pty Limited, Island Forest Resources P/L and Low Impact Logging em nem bilong ol timba kampani i stap wok long Sandaun, Madang, Isten Hailans na Morobe provins.

Ol timba kampani nau i stap wok long Nu Ailan, Is Nu Briten, Wes Nu Briten na Manus em Bismark Industries P/L, Catholic Mission Ulamona, G.S Model Construction, Elmere Legru Pty Limited, Lenai Development Pty Limited, KBK Pty Limited, Lomba Pty Limited, New Kavern

Plantation, Richard Gault Industries, Sopathin Development Corporation, Nam Yang Timbers P/L, Open Bay Timber Co P/L, Seal Manus Pty Limited, Stetin Bay Lumber Co P/L, Tasukolak Pty Limited, Temperoi Timber Pty Limited na Unevulg Development.

Aninit long hap 4 bilong nupela fores ekt, olgeta kampani i mas rejista pastaim long ol i ken aplai long kisim wanpela pemit, laisens o atoriti. Sapos ol kampani i no mekim olsem, PNGFA bai stapim wok bilong ol, na em i no inap oraitim ol long kisim pemit o laisens bilong wok.

Na sapos kampani i sakim tok na wok yet, ol bai kisim taim. Na ol inap sanap long sas bilong baim K100,000. Nogot ol bai kalabus inap long 5-pela yia.



MOSBI: Plis i bin holim tupela man long Sarere taim tupela i yusim strongpela samting bilong pait na stilim ol samting long Kaunamo Trading long Kaugere. Plis i bin go hariap long hap na holim dispela tupela man bihain long ol i ronim tupela. Dispela tupela man em James Marai, 19 krismas bilong ples Moro long Kokoda, Oro provins na Eddy Duban Willie, 22 krismas bilong ples Tokana long Mumeng, Morobe provins.

MOSBI: Plis long las wiken i holim na sasim 7-pela man long brukim ol bikpela lo olsem bilong kilim man, stil, ranawe long kalabus, holim spakbrus na draiv kranki na kilim man. Plis i bin sasim tu 18 man long brukim lo bilong trafik.

MOSBI: Wanpela man i stap nau long plis haus kalabus bihainim dai bilong arapela man long Tokarara las wik. Richard Mou, 35 krismas bilong Malalaua, Galp provins i bin paitim wanpela spakman na kilim em. Mou i bin go long plis stesin na givim em yet long han bilong ol plis.

POPONDETTA: Girua haus bilong pasindia bilong ol balus long Popondetta i bin paia long Mande nait na planti ol samting i lus taim ol raskol i kukimdispela hap. Nau yet ol i no inap tokaut long kos bilong bagarap em dispela paia i kamapim. Ron bilong ol balus bai stap yet tasol ol bai wokim ol liklik haus long stretim tiket bilong ol pasindia. Air Niugini bai kisim ol sekyuriti bilong was long ol balus.

DARU: Wanpela yangpela man Ihu long Galp provins i bin kot long stilim ka. Plis ripot i soim olsem Simon Perry i bin bihainim sampela man i go na stilim ka long ol Katolik misineri. Na ol i bin yusim tasol ka taim i no gat tok orait long en. Kot i bin givim em wanpela yia na 9-pela mun kalabus tasol ol i rausim dispela sas na larim em long 12-pela mun gut bihevia bon.

WEWAK: Plis i wok long painim ol lain husat i bin stapim wanpela PMV ka klostu long ples Holik long Yangoru na stilim ol samting. Plis ripot i tok olsem dispela ka i bin kisim samting bilong tred stua long Wewak na i laik go long Maprik. Tasol 5-pela man i stapim draiva long rot na stilim ol samting we i kos moa long K1,700 wantaim K900. Ol dispela lain i bin yusim olpela gan bilong ol Japan long henspapim draiva.

WEWAK: Tupela man i bin dai long las wiken taim ka bilong tupela i baimim ol kokonas klostu long bungrot bilong Wom na Yarapos. Dispela tupela ya draiva Mathew Sage, 30 krismas bilong ples Urindokum long Wewak na Saobeli Francis, 50 krismas bilong ples Palia-aul long Passam. Tupela i bin stap long Aitape na i laik i kam long Wewak taim tupela i bungim dispela birua. Dispela birua i bin kamap long 1 klok moning long Sande. Plis bai painimaut long as bilong dispela birua.

MOSBI: Long Sarere nait, ol raskol i bin brukim stua bilong Steamships kampani long taun na stilim planti samting na sampela hanwas long Chin Hoi Min. Ol raskol i bin brukim glasdo na pretim ol sekyuriti wantaim gan na sampela strongpela samting bilong pait. Ol i kisim ol samting na ranawe long wanpela liklik bas.

HAGEN: Long Tunde Ogas 25, tupela man i dai bihain long tupela ka i bam long Okuk Haiwe. Plis i tok wanpela ka i karim ol pasindia i bin traim long abrusim narapela ka taim birua ya i kamap. Ol man i bin dai bihain tasol long ka i bam. Plis i wok long painimaut yet long lukim husat i rong long dispela taim.

ENGA: Bikpela pait long Maramuni distrik long Enga provins i stap yet. Pait ya i stap inap tripela mun nau. Plis i tok ol i no gat mani long go insait long provins ya long sekap long wanem ol bagarap i kamap. Bikos i no gat rot i go insait long dispela distrik. Na sapos ol i laik go, ol i mas flai i go long helikopta. Maramuni i stap long boda bilong Enga na Is Sepik provins.

Ol Koiari wetim yet K1.05m dinau mani

CLEMENT MIRIA i raitim

NESENEL Gavman i gat K1.05 milien dinau long ol pipel bilong Koiari long Sentrel provins.

Dispela em long kompensesen bilong graun na wara we Elkom i save yusim long givim pawa long ol pipel bilong Mosbi. Olpela gavman i bin promis long givim dis-

pela mani long ol pipel bilong Koiari.

Long las yia, ol pipel i bin askim gavman long K90 milien kompensesen mani. Na gavman i bin promis long helpim ol lain ya olsem wampela rot bilong kompesesen long ol dispela rot:

- givim K500,000 long kamapim Koiari Dvelopmen Atoriti na Sirinumu Dem Dvelopmen Atoriti.
- Gavman i tok Papua Niugini Ilek-

trisiti Komisen long helpim long statim ol dispela kampani. Na tu ministri bilong Helt, Lens na Fisikel Plening, Edukesen na Egrikalsa bai helpim long kamapim ol narapela projek;

- gavman bai givim K520,000 olsem ren mani i go long ol lain bilong Sirinumu. Dispela em long Janueri 1991 i kam inap nau. Na em bai baim K130,000 long olgeta yia inap long 1995 we bai ol i

sekim gen dispela agrimen;


- ELKOM bai baim K260,000 long ol pipel bilong Koiari. Em bikos ol i save yusim Sirinumu wara long wokim pawa na saplaim long ol pipel long Mosbi.

Gavman i bin mekim dispela ol promis long taim ol i bin bung wantaim delegesen bilong bilong Koiari long Novemba las yia. Miting ya i bin kamap bihain long ol pipel i bin givim wampela petisen i

go long gavman.

Bihain long ol i givim petisen ya, ol i go stapim wok bilong Rauna 1,2,3,na 4 pawa stesin. Na Mosbi siti i bin gat blakaut inap long tripela aua.

Long 1962, gavman bilong Australia i bin mekim dispela dem long Sirinumu long mekim pawa bilong saplaim Mosbi. Ol i bin wokim antap long graun bilong 13 Koiari klen.



• Nupela developmen long Mosbi....Ol wokman i sanapim nupela bilding bilong Eksais na Kastom long Daun Taun Mosbi. Foto: Sam Vufum

Ol papa graun bilong Mt Kare les long opim main

OL papa graun bilong Maun Kare i no laikim CRA long opim gen Maun Kare Gol Main.

Olsem na ol bai bringim dispela i go long kot. Ol bai mekim dispela aninit long nem bilong Kare - Puga Dvelopmen Koporesen (KDC). Ol papa graun i gat 49 pesen sea insait long dispela kampani.

Siaman bilong KDC, Simon Kambe i tok main ya i mas pas inap ol i stretim pinis ol arapela toktok. Em i tok ol representativ bilong KDC na Maun Kare Aluviel Maining (MKAM) i no bin sindaun wantaim na stretim tok long opim gen main.

Em i tok long Ogas 8, insait long wampela miting namel long ol lain bilong KDC na MKAM, ol i bin senisim tripela long ol 6-pela representativ bilong Paiela. Na bihain ol i bin senisim tripela memba bilong Tari.

Kambe i tok CRA i bin stapim mausman bilong KDC long sindaun

long miting bilong bod bilong MKAM. Na em i raitim wampela leta i go pinis long sekreteri bilong MKAM, Peter Coleman. Em i tok Coleman i no orait long ol senis ol i mekim, bikos em tok em i no save long wanem rot ol representativ i bin yusim long makim ol nupela man.

Em i tok CRA mas larim ol representativ bilong KDC long sindaun insait long ol dispela miting.

"I luk olsem CRA i laik kirapim narapela Bogenvil long hia. Ol i mas luk-save long ol Papua Niugini pipel olsem ol papagraun na wankain olsem ol yet. Na ol i mas no ken abrusim ol olsem ol samting nating.

"CRA i mekim em yet olsem wampela bos bilong bipo taim mipela i no kisim independens yet. Bikos ol i wok long abrusim ol papa graun husat i wankain olsem ol yet. Samting mipela i laikim long em, em long ol long givim mipela sans long

i go moa long pes 17

Sekyuriti long Bogenvil em bikpela

RUDOLF AYU i raitim

HEVI bilong Bogenvil i stap bikpela yet. Namel long ol hevi em sekuriti.

Dispela em i wampela bilong ol bikpela samting em Foren Afeas na Tred minista bilong Autralia, Gareth Evans bai toktok wantaim PNG gavman long Mosbi.

Taim em i kamap long Mosbi asde, Evans i tokim ol niusman olsem em i kam long PNG bilong painimaut long wanem tingting na ol lo bilong nupela gavman. Na tu long wanem ol wok em gavman i tingting long mekim.

Em i tok wampela bikpela samting tru long Autralia em gutpela pren em i gat wantaim Papua Niugini. Evans i tok Autralia i laik helpim

Papua Niugini i develop na kamap bikpela. Na long mekim olsem, em i mas wok klostu tu wantaim nupela gavman.

Long taim em i stap long kantri, Evans bai toktok wantaim gavman naol bikman long ol kain kain samting long Papua Niugini. Sampela bilong ol dispela toktok em ol wok kamap insait long kantri, sekuriti na hevi long Bogenvil ailan.

Long bekim askim bilong dispela helikopta em ol ripot i tok Papua Niugini Difens Fos i bin yusim long pait long Bogenvil, Evans i tok dispela samting nau i bilong Papua Niugini. Na em i ting tasol olsem dispela bai stap olsem.

Wokabaut bilong Evans em i namba wan bilong wampela minista bilong Autralia long kam bihain long nupela gavman i kisim opis long mun Julai.

Mt Kare gol bai kapsait gen long Septemba

DOMINIC KAKAS i raitim

PASIFIK Minerels bai givim wan milien kina i go long Maun Kare Aluviel Maining Pty long opim gen Maun Kare gol main insait long Enga provins.

Na Placer Niugini Pty Limited, wampela hap han bilong Placer Pacific Limited, bai i kamap olsem menesa bilong dispela gol main insait long hap han bilong Placer-Maun

Kare Pty Limited.

Tasol Placer bai i no inap long kisim ekwiti insait long Maun Kare Aluviel Main. Na tu em bai i no inap long askim ol long baim em long ranim dispela gol main.

Bod bilong Maun Kare Aluviel Main long Tunde i opim gen main bihain long em i bin pas taim 15-pela man i go long main sait na

bagarapim ol samting kos inap long tri (3) milien kina olgeta.

Wok insait long main i no longtaim bai i go het gen na ol bai kisim gol bai stat long mun Septemba.

Menesing dairekta bilong Placer, Vic Botts i tok olsem kampani bilong em i gat tupela as tingting long lukim olsem dispela gol main i mas statim wok ken.

Namba wan as tingting em kampani bilong em i no laikim koros na pait, papagraun long kros tumas na tu mas i

gat stabiliti insait long main.

Namba tu as tingting em i bikos Placer i gat tingting long go insait na kamap patnasip wantaim CRA, Hailans Gol na RGC.

Mista Botts i tok em bai bung wantaim ol mausman bilong Kare-Puga Dvelopmen Kopresen, kampani bilong ol papagraun husat i gat 49 pesen long Maun Kare gol main, long tok long opim gen dispela gol main. CRA i gat 51 pesen long dispela gol main.



WANTOK
NIUSPEPA BILONG OL PAPA NIUGINI STRET

Daunim pe i go inap long we

Sampela tokwin i kamap gen olsem Minimem Wejes Bod i laik surikim ol mak bilong pe i go daun yet.

Tasol dispela nau i bringim bikpela askim long het bilong yumi ol liklik man na meri. Hamas tru bal yumi kisim long pe na hama bai go longol takis samting? Na tu, hama bai yumi yusim inap long naraoela potnait?

Long ol kain ples olsem Mosbi, dispela i hat tru.

Toktok bilong Jenerel Seketeri bilong AGWU i tru. Dispela nupela mak bai mekim save tasol long ol tarangu manmeri olsem yumi na larim ol risman na meri i stap ham-bak long antap.

Bos bilong bod wantaim ol lain bilong em i laik kamapim wanem kain samting taim ol i mekim olsem. I tru olsem dispela kain ol bodi na komiti i stap bilong helpim mipela ol grasrut manmeri i stap bilong helpim ol yet na ol poro bilong yu.

Sapos dispela kantri i laik kirap na go het, wanpela las samting bilong mekim em long daunim pe bilong ol wokman i go liklik tru.

Bikos taim dispela i kamap, ol bosman na meri bilong ol kampani bai amamas tasol long lusim liklik mani long ol pe na larim planti winmani i stap. Ating nupela gavman i mas lukluk nau long dispela na kamapim nupela lo i banisim ol kain bodi olsem. Nau bai ol inap wok stret long helpim ol pipel.

Memba krungutim toktok bilong Wingti long helpim ol pipel long Bogenvil

KONIO SENEKA i raitim

MEMBA bilong Saut Bogenvil, Michael Laimo i sapotim askim bilong ol pipel bilong em long bringim olgeta sevis i go bek long Bogenvil.

Laimo i sapotim dispela askim bihain long em i toktok wantaim wanpela grup bilong Bogenvil husat i stap long Mosbi nau long toktok long gavman long wanem samting i kamap long Bogenvil.

Wok bilong bringim olgeta sevis bilong gavman i go long Bogenvil i gutpela. Na planti manmeri i go pinis long kea senta long kisim helpim bikos ol i pret long go long

gaden long wok o kisim kaikai. Dispela apil em i bikpela samting. Na olgeta manmeri bilong Papua Niugini i mas helpim long stretim dispela hevi.

"Hevi bilong Bogenvil em i hevi bilong olgeta manmeri. Em i no hevi bilong ol pipel bilong Bogenvil tasol long stretim. Olgeta man i mas helpim long stretim ol pipel bilong Bogenvil bikos gavman bilong Prais Minista Rabbie Namaliu i no mekim wanpela samting long stretim dispela hevi," Laimo i tok.

"Wingti bin promis tu olsem hevi bilong Bogenvil bai wanpela bikpela samting long gavman bilong em. Tasol

mipela i no lukim wanpela nais bilong dispela promis bilong Wingti. Wingti i mekim wanpela giaman toktok namel long ai bilong ol manmeri bilong Papua Niugini."

Nau Wingti i kamapim ministri bilong Bogenvil Afeas. Tasol i luk olsem dispela ministri em i bilong givim wok long ol boi husat i wok nau long dispela dipatmen. Na em i no putim Bogenvil long lista bilong em long ol bikpela wok.

Laimo i tok dispela nupela ministri em i wanpela bilas nating bilong gavman bilong em. Bikos ministri i no gat man na lo bilong em.

"Olgeta wok bilong dispela

ministri i stap aninit long dipatmen bilong Provinsal Afeas. Dispela em i wanpela bikpela fani samting na ol manmeri bilong Papua Niugini i no ken ting olsem dispela em i tripela ministri," Laimo i tok.

Nau yet Wingti i putim praivetaisesen olsem wanpela bikpela samting long lis bilong em na Bogenvil i go las. Tasol nau ol pipel bilong Bogenvil i laik tok bikpela amamas long ol sekyuriti man husat i mekim gutpela wok long Bogenvil long lukautim ol pipela na tu long bringim olgeta sevis bilong gavman i go long ailan.

Posai i amamas long ol NGO

MINISTA bilong Hom Afeas, Andrew Posai i amamas long wok bilong ol non-gavman oganaisesen long givim aut ol sosol sevises.

Mista Posai i tok em i amamas long ol sios na welfea oganaisesen long givim aut ol welfea sevis i go long ol manmeri husat i nidim dispela kain ol sevis.

Em i soim amamas bilong em long las wik

taim em i toktok long draf polisi bilong sosol sevis insait long dipatmen bilong em we ol i bin kamapim insait long Goroka long stat bilong dispela yia.

Em i tok em i laikim olsem gavman na dispela kain ol oganaisesen i mas wokbung wantaim long bringim ol dispela sevis i go long ol manmeri husat i nidim tru.



Mis PNG bilong 1991, Marcia Muir na ol meri husat i resis long kamap Mis PNG bilong dispela yia. Foto: Ivan Bayagau

Plisman kot long bagarapim mama

i kam long pes 2
wankain pasin long em. Loskit i bin slip wantaim dispela meri 6-pela de i go pinis pastaim long dispela trabel long Me 15.

Loya i tokim kot olsem meri ya i no laik kotim Loskit tasol em i pret nogut tambu bilong em bai kotim em long man bilong em.

Olsem na em i kotim Loskit. Tambu bilong em i bin go long plis stesin na askim long meri ya. Olsem na meri ya i pret na kotim Loskit.

Tasol meri i tokim kot

olsem em i no bin larim Loskit long bagarapim em long Me 15. Bikos Loskit i kisim em i go long bus em i no gat ol haus o man i stap klostu.

Meri i tok, em i no bin

singaut o tingting long ranawe bikos em i pret nogut Loskit i paitim em.

Jastis Moses Jalina i bin painim Loskit i rong long bagarpim meri ya.

Isten Hailans gat komiti bilong stretim ol hevi long ol famili

SAPE METTA i raitim

ISTEN Hailans i kamap namba wan provins bilong makim wanpela komiti bilong traim helpim na daunim ol hevi insait long famili.

Dispela em ol kain hevi bilong papa na mama i pait, mama o papa i paitim na krosim nating ol pikinini na mani rausim meri wantaim ol pikinini o meri i ranawe na go marit long narapela man.

Dispela komiti bai kisim olgeta sapat, mani na ol arapela samting em i nidim long mekim wok bilong em.

Long mekim ol wok bilong en, komiti bai wokbung wantaim ol gavman na non gavman oganaiesen. Na ol bai kamapim ol program, givim ol toktok na edvais long ol famili, skulim, tok save na traim stretim hevi namel long ol famili. Ol inap kotim tu husat man o meri insait long famili i asua.

Komiti bai wok strong tu long kirapim sindaun namel long ol famili, painim ol kain kain rot bilong kisim marasin sapos i gat sik we i kamapim dispela ol hevi na ol kain samting olsem.

Man husat i go pas long dispela komiti

insait long Isten Hailans provins em wanpela tisa long Goroka Tisa Koles, Advent Melkisede. Namba tu bilong Advent em Naomi Yupae bilong Probesen Sevis na Dickson Kiragi bilong Lo Faundesen opis. Long mekim dispela wok, ol bai painim mani na opis bilong wok. Na tu ol memba bilong ol kain bodi olsem long plis, dokta, loya na ol sosol woka long helpim ol.

Planti oganaisesen na grup insait long Isten Hailans i bin kibung na toktok long dispela kain hevi insait long famili. Olsem na ol i orait long wokim dispela komiti.

WANTOK
NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

HAZ BIABIA TINGTING LONG DINAIUM SAMPELA MONI LONG BENK... TASOL EM INOGAT MONI LONG AKAUNT BILONG EM...

BAI MI OVA-DRAFTIM AKAUNT BILONG MI... OL MENESA LONG BENK BAI GIVIM TASOL... YU, SAVE.. MI BIKMAN YA!

YES MAI DIA.. INAP MI LUKIM MENESA IN SASE?

OKE.. NA NEM BILONG YU I HUSATZ...

IER.. TOKIM EM, MINISA FO HOM E EKONOMIKS SE BIABIA!

NAU MENESA I KAM NA TUPELA I TOKTOK...

ER.. MAI PREN... MILAIK DINAIUM K20,000 LONG.. ER.. BAIM NUPELA MITSUBISI PAJERO..

OKE!.. ER.. YU GAT HAMAS I STAP LONG AKAUNT BILONG YU?

KAMON MAI PREN! YU DON HEV TO KWESTAN MAI INTAGRITI!.. YU, SAVE AM A BIKMAN.. YU RISPEK MI ANGIW MI DA MONI, ORAIT?

OK MISTA INTAGRITI! PSS-OFF!



□ Kanage wantaim kandre bilong em i pilai ragbi wantaim Megusa tim bilong Morata. Kanage i putim namba 13 na kandre bilong em i putim namba 7. Gem i pinis na su bilong kandre bilong Kanage i bruk olsem na em i askim Kanage. Bai mi baim wanem kain glu long putim long su bilong mi na em bai holim strong su bilong mi.

Kanage i paul long nem bilong Supa glu na tokim em Elepen glu. Bihain kandre bilong Kanage i go na painim elepen glu long olgeta stua long taun. Bihain em i askim ol stuakipa na olgeta i paul tu.

Charlie Koru
BARAMANDI KANTRI

┘ Kanage i bin go long dokta long wanpela taim na askim em long sekamsaisim em. Tasol em i paul na tokim dokta long kastretim em. Dokta i tingting planti na tokim em i go long haus long tingting pastaim na i kam bek long em.

I no long taim Kanage i kam bek na tokim dokta, em skin bilong mi na mi laikim yu kastretim mi. Dokta i pasim ai na kastretim Kanage. Bihain poro bilong Kanage i kam na askim dokta long sekamsaisim em. Hariap tru dokta i kastretim em. Bihain dokta i salim em i go long slip wantaim Kanage long wod 2. Kanage i lukim poro bilong em pilim pen na slip antap long bed na askim em, poro yu olsem wanem. Poro bilong kirap na tokim Kanage, bara nau tasol mi kam na dokta i sekamsaisim mi. Kanage kalap nogut na tok "Oh thats the word." Em i let bikos dokta Kanage kastretim em pinis.

Kanage i belhat na tok nogutim dokta.

Bronco Herman
KAVIENG

┘ Bos i givim wok long wanpela bikman bilong Kerema long penim pos bilong hangamapim PNG pilak. Olsem na moning taim tru bikman i kalap i go antap long pos na penim pos i stap.

Bikpela win i kam na srukim pos i go kam olsem na bikman Kerema i pret nogut em bai pundaun i kam daun long graun. Em i lusim pos na i kam daun kaikai buai i stap.

Bos i kam lukim na tokim em, bilong wanem na yu amamas sindaun i stap na yu no pinis wok bilong yu? Bikman i harim tasol em i pret long i go antap gen. Olsem na em i tokim bos, "Bos yu klaim? Yu no klaim, yu wife." Taim bos i harim olsem em i kilim skin stret long lap.

Bronco Herman
KAVIENG

■ KANAGE na wanwok bilong em i pasim tok long hait long ol meri bilong ol na go danis long Moonlight disko haus. Long apinun pastaim long wok i pinis, tupela i go hariap long haus na kisim ol klos hait na i go bek long opis. Tupela i ringim ol meri na tokim ol olsem tupela i gat wok long Islander Travelodge Hotel long Waigani. Orait bihain long wok, tupela i go sindaun long 8 Bells long Islander i stap i go na i laik apinun, tupela i go insait long toilet, senisim ol klos na kisim teksu i go long Moonlight. Teksi i lusim tupela na ol i spit nating i go insait na givim stret antap long ples bilong danis i stap. I no long taim, ol man na meri insait long disko ples i stat lap na singaut na wokim pani nabaut. Em nau wanwok bilong Kanage i lukluk gut long poro bilong em na lukim olsem bikman ya i putim klos bilong meri bilong em, na i no siot bilong em. Kwiktai em i kirap na tokim Kanage, "Kas, yu putim klos bilong meri bilong yu ya. Em i no siot bilong yu." Kanage i sem pipia stret na kirap bikmaus long olgeta manmeri, "Yupela tok, em stail siot bilong husat? Wan gol bilong yupela olgeta."

Peter Muth,
Bialla, W.N.B.P.

Ariako senisim gen ol minista

BEN TAUMAI i raitim

PRIMIA bilong Madang, Andrew Ariako i senisim ol minista bilong em na makim 6-pela nupela memba long holim wok olsem ol minista long Fraide.

Ol dispela nupela minista bipo i bin stap long oposisen. Na taim ol i muv i go long gavman, primia i givim ol wok minista insait long kabinet bilong em.

Nem bilong ol dispela 6-pela nupela minista em Benny Ulul (Edukesen),

Henry Warawai (Lokol gavman na Jastis), Tony Sauba (Sosol Sevises na Spot), John Opan (Pramerit Industri), Sabing Gong (Helt) na Nambera Gau (Provinsal Afeas).

Mista Ulul i kisim ples bilong Teddy Tamone. Teddy nau i wok olsem minista bilong Fainens. Henry Warawai i kisim ples bilong Andrew Kamindai. Tony Sauba i kisim ples bilong Bernard Kikumbe. Sabing Gong i kisim ples bilong Korokoro Kopara. Na Nambera Gau i kisim ples bilong namba tu primia Markus Kavov. Mista

Kavov i kamap olsem minista bilong Woks.

Long Fraide taim dispela ol nupela minista i tok promis long wok, namba tu primia Markus Kavov i toktok makim primia husat i go long nesenel konprens bilong ol primia long Alotau.

Em i tokim ol nupela minista olsem long wok olsem minista i no isi. Em i tokim ol long ol i mas wokbung wantaim ol asisten seketeri bilong wan wan dipatmen bilong ol. Dispela em i bilong kamapim gutpela nem bilong gavman na provins long kisim ol gutpela sevis.

Mista Kavov i tenkim tu ol olpela minista long wok bilong ol na sapot ol i bin givim long gavman.

Provinsal Spika Sir Angmai Bilas i tokim ol nupela minista olsem em i laik lukim sampela senis insait long provins. Long wanem insait long las 7-pela yia i go pinis, nogat wanpela senis i bin kamap long provins.

Long makim maus bilong ol nupela minista, Benny Ulul i tok em yet wantaim ol narapela 5-pela minista i tok tenkyu long primia Ariako wantaim namba tu bilong em i go moa long pes 7

Luluai bilong Gembogl na Kundiawa i dai

WANPELA olpela luluai na lida bilong ol lain wanpisin bilong Inaugl Silkukane long Gembogl eria bilong Simbu provins i bin dai long 14 Ogas.

Dispela bikman em Kunda Du husat i bin dai long ples bilong em long Pombemere. Em i winim pinis 74 krismas, i marit na i gat 4-pela pikinini na planti tum-buna tru.

Long taim Papua Niugini i bin stap aninit long lukaut bilong Australia gavman, ol i bin makim em olsem wanpela luluai stat long 1956 i go inap long 1965. Dispela em long taim namba wan lokol gavman i bin kamap long Gembogl eria.



• Sampela bilong ol lain husat i bung bilong krai na sori long bodi bilong lapun Du long ples Pombemere.

Yut lida toktok long spakbrus bisnis long krismas

GODFRIED NIAKA i raitim

WANPELA yut lida insait long Goroka taun i tok planti spakbrus i save lusim Isten Hailans provins na go long Lae na Madang.

Dispela yut lida i tok krismas i kam klostu na

planti spakbrus i lusim Goroka na go long Lae na Madang.

Em i tok planti yangpela man i save karim ol spakbrus i go na salim long Lae Na Madang. Na ol i save salim long ol yangpela man long kisim ol samting olsem redio,

su, trausis, klok na vidio masin.

Em i tok long nau yet, planti yangpela man long dispela tupela hap i save smokim spakbrus. Na dispela i save kirapim tingting bilong ol long mekim ol kain kain bikhet pasin nabaut.

Dispela yut lida i tok ol plisman insait long Isten Hailans provins i mas banisim ol rot namel long Goroka, Lae na Goroka, Madang haiwe na sekim ol PMV bas na ol narapela ka long olgeta de.

Long wanem planti PMV na ol narapela ka i save karim spakbrus i go long Lae na

Madang.

Em i tok sapos ol plisman i no mekim dispela samting, orait, planti spakbrus bai i lusim yet Isten Hailans na go long Lae na Madang.

Dispela yut lida i tok provinsal gavman i mas traum na painim sampela kain ol rot long stapim dispela samting.

Kerema haus sik sot long K700,000

CLEMENT MIRIA i raitim

GALP provins i mas painim moa long K700,000 long stretim haus sik bilong en.

Ol helt inspekta i bin pasim haus sik ya long las mun bikos ol wud na opis i bagarap tru.

Primia bilong Galp, Paul Apio i tok nesenel gavman i mas givim sampela mani long provins long stretim haus sik.

Long 1990, nesenel gavman i bin givim sampela mani long stretim dispela haus sik. Tasol em i senisim gen tingting na putim dispela mani i go long ol narapela wok.

Em i tok Kerema haus sik i wanpela bikpela projek we gavman i mas givim mani long ranim.

"I gat ol sampela arapela bikpela projek tu long Kerema em gavman i mas lukluk long givim mani long ranim. Wanpela bilong ol dispela em Kerema bris. Wesan i karamapim dispela bris inap long tupela yia nau. Na gavman i mas lukluk long stre-

tim," Apio i tok.

Em i tok olsem bikos i no gat gutpela rot na bris, Kerema i no save kisim gutpela developmen. Em i laikim gavman long lukluk tu long Hiritano Haiwe. Haiwe ya i ron namel long Mosbi na Kerema.

Apio i tok nau ol pipel i pret long ron long dispela haiwe, bikos planti raskol pasin i save kamap. Na ol pipel long Kerema i no save kisim moa kaikai bilong i go salim long Mosbi. O baim kaikai long Mosbi na kisim i go long Kerema.

Long dispela yia tasol, ol raskol i bin stapim wanpela PMV ka na sutim wanpela man i dai. Na nau ol lain famili bilong dispela man i laikim Galp provinsal gavman long baim K50,000 kompensesen. Olsem na Apio i laikim ol nesenel minista bilong Plis na Trensport long helpim em na stretim dispela hevi long rot.

Em i tok tu olsem em i laikim gavman long helpim provins na opim gen Malalaua na Kerema haikul. Ol tupela skul ya i bin pas bikos ol klasrum bilong ol i bagarap tru. Na ol studen i stap nating nau long ples.

Ol papa graun oraitim Lufa haikul long stap op

OL papa graun bilong hap em Lufa haikul i stap long en wantaim provinsal gavman i orait long larim skul i op. Na ol bai bihainim stret lo long askim gavman long baim dispela hap graun bilong ol.

Ol papa graun i bin bung wantaim ol provinsal minista na opisa bilong gavman. Long dispela taim, ol lain bilong gavman i soim ol papa graun ol hap pepa we i tok olsem provinsal gavman i bin baim dispela hap graun long 1985.

Dispela hap graun i karamapim samting olsem 20 hekta. Na mausman bilong ol lain bilong provinsal gavman, provinsal minista bilong Edukesen, Andrew Korarome i tok gavman bilong Yanepa long dispela taim i bin baim hap graun ya long K12,100.

Em i tok mak bilong ol man husat i kisim dispela mani i stap long ol pepa bilong gavman.

Tasol siaman bilong ol papa graun, Ken Lelegave i tok dispela hap mani i no inap. Ol i laikim narapela K49,000 gen antap long en.

Na em bai askim lens komisen long makim Lufa haikul olsem i stap long graun bilong stet. Long dispela rot, ol papa graun inap askim gen gavman long baim ol gut.

TU MINIT TINGTING

MASKI LONG TENKYU

Ol arapela 9-pela man ol i stap we?" (Luk 17:17)

TUDE yumi tingting stori bilong Luk 17:11-19, we Jisas i oraitim sik lepra bilong 10-pela man, na wanpela tasol i bin kam bek tenkyu long Jisas.

Long laip bilong yumi olgeta, i gat kain kain taim we yumi i no save tenkyu long gutpela samting yumi bin kisim nating long han bilong narapela man o meri. Namba wan taim olsem, em i long taim yumi smolpela yet na yumi stap long haus na famili. Inap long 10-pela yia samting yumi bin hangamap olgeta long papamama bilong yumi long kaikai na klos na haus na skul fi na olkain samting olsem. Tasol ating long dispela taim, yumi i no bin gat pasin bilong tenkyu long tupela. Yumi olsem dispela 9-pela lepraman; yumi kisim pinis planti gutpela samting na yumi wokabaut tasol i go.

Tasol nogut yumi putim hevi hia long ol manki na yangpela; ol bai i no ritim dispela tok. Mobeta yumi bikpela manmeri i ting long pasin tenkyu bilong yumi yet i go long

lapun papamama bilong yumi. Ating yumi sindaun long gutpela wok na gutpela haus na yumi stap gut. Na papamama i sindaun long ples long olupela rabis haus. O ating papa o mama i go lapun tru na i no save helpim em yet. Yumi save bekim olsem wanem long tupela long dispela taim, we tupela i nidim yumi?

Na yumi tingting tu hamas taim ol pipel nabaut long yumi i save mekim gutpela samting long yumi, na kwiktam tumas yumi lus tingting long dispela. Yumi save tok o ting olsem: "Dispela man o meri ya, i MAS mekim dispela samting long mi. Mi bin baim em. Bilong wanem na mi mas tenkyu long em?" Yes, yu bin baim PMV o bas draiva bai em i bringim yu i go long wanpela ples. Tasol ating em i smail na i givim gude long yu

na i helpim yu long kam insait long bas. Em i no mas mekim dispela. Yu no bin baim dispela naispela pasin bilong em. Bilong wanem yu no laik tenkyu long em?

Sampela taim yumi praut tumas long tenkyu long man o meri i bin sevim laip bilong yumi. Yu ting long dokta o nes long haus sik. Mi ting nau long wanpela eksampel we wanpela manki i ron long baisikol bilong em na i popaia long wanpela bris na i kapsait i go daun long wara. Em i no save swim. Wanpela man i lukim em i wok long dring wara, nau em i hetwin i go daun sevim em. Bihain long sampela de, dispela man i bungim papa bilong dispela boi, na papa i no tenkyu liklik long man ya. Em i askim em tasol, "Taim boi bilong mi i bin pundaun

long wara, em i gat wanpela hat long het bilong em. Hat i stap we?"

Wataim yumi yet i save tenkyu long God? Olgeta samting yumi gat long dispela laip, yumi bin kisim nating long han bilong God. Ating yumi bin beten strong moa, long wanem yumi wok long dai na yumi hangamap tasol long strong na pawa bilong God. Orait, nau God i mekim gut long yumi. Na yumi bin tenkyu olsem wanem? Nogut yumi putim hevi long 9-pela lepraman bilong stori bilong Gutnius. Ating yumi i wankain tasol.

Profet Aisaya long Olpela Testamen i statim buk bilong em olsem: "Ol bulmakau i save long papa bilong ol, na ol donki i save long ples papa bilong ol i save givim kaikai long ol. Tasol ol man-



FRANK MIHALIC I RAITIM

meri bilong mi, em ol Isrel, i no gat save. Save bilong ol bulmakau na donki i winim save bilong ol." (Ai 1:2-3).

Mobeta yumi bihainim beten bilong Sam namba 103, ves 2. Em i go olsem: "Mi mas lipitapim nem bilong Bikpela, na mi no ken lusim tingting long ol gutpela samting em i bin mekim long mi."

I gat senis long ol nupela lain Buk Baibel

NORM MUNDHENK i raitim

BUK Baibel long Tok *pinis* i bin kamap namba wan taim long 1989.

Long dispela taim, Baibel Sosaiti bilong Papua Niugini i bin wokim planti buk tru, inap long 120,000. Baibel Sosaiti i no save sapos ol manmeri bai baim planti na pinisim hariap o nogat. Tasol ol i ting, nogut ol buk i pinis hariap tumas. Olsem na ol i wokim dispela bikpela lain buk.

Tasol Buk Baibel em i bikpela buk, na pe bilong buk tu i bikpela liklik. Planti manmeri i gat bikpela laik long kisim Buk Baibel, tasol mani bilong ol i sot na ol i no baim hariap. Isi isi tasol ol i baim ol buk, na nau long 1992, olgeta dispela 120,000 buk i laik pinis. Olsem na long dispela yia, Baibel Sosaiti i wokim sampela buk moa bilong ol manmeri long baim.

Stretim sampela hap tok

Insait long dispela tripela yia, ol manmeri i ritim Buk Baibel na ol i lukim sampela hap tok i no stret tumas. Olsem na ol i bin rait i go long Baibel Sosaiti na tok save long ol dispela hap ol i laik bai Baibel Sosaiti i mas stretim. Olsem na taim ol dispela nupela lain buk i kamap, yu bai lukim planti liklik senis i stap long en.

Wanpela senis i no liklik tumas. Long Luk 1.26, Buk Baibel i gat tok olsem: "Long namba 6 mun bilong Maria i gat bel, God i salim ensel Gebriel i go long wanpela taun bilong Galili." Ol i bin raitim olsem, tasol long dispela hap man i bin raitim tok, em i bin lukluk gut long samting em i raitim, na em i raitim kranki tru.

Dispela hap tok bilong Gutnius Luk i raitim em i stori long ensel Gebriel i kam tokim yangpela meri Maria olsem Maria bai i gat bel.

Tasol long lain 26, Maria i no gat bel yet. Meri i gat bel em Elisabet tasol, na bilong stretim tok, yumi mas raitim tok olsem, "Long namba 6 mun bilong Elisabet i gat bel, God i salim ensel Gebriel i go long wanpela taun bilong Galili."

Taim ol nupela Baibel i kamap, yu bai i no inap lukim dispela nem "Maria" i stap moa long dispela lain. Ol i stretim pinis, na yu bai lukim nem "Elisabet" tasol i stap.

Dispela asua long Luk 1.26 em i bikpela samting liklik, tasol planti asua em ol i liklik samting tasol. Wanpela eksampel em long Matyu 1.11. Buk Baibel i gat tok olsem, "Ol i givim gol na gutpela sanda na paura bilong kamapim smok smel i gat gutpela smel." Tasol long dispela hap, mobeta yumi raitim dispela tok "smel" wanpela taim

tasol. Maski long raitim "smok smel" na bihain raitim gen "gutpela smel."

Olsem na long ol nupela Baibel, yu bai lukim tok bilong Matyu 1.11 i tok olsem, "Ol i givim gol na gutpela sanda na paura bilong kamapim smok i gat gutpela smel." Dispela senis i no bikpela senis olsem long Luk 1.26. Tasol long Matyu 1.11, sapos yumi senisim tok liklik, em i mekim tok i kamap klia.

Narapela eksampel i stap long Matyu 9.13. Long Buk Baibel, las sentens bilong dispela lain i tok olsem, "Mi kam bilong singautim ol man bilong mekim sin." Dispela em wanpela tok Jisas yet i bin autim. Tasol em i wanem kain tok tru? I luk olsem tok i no klia tumas, na ating sampela man bai ritim na ol bai ting Jisas i laik tok olsem, "Mi kam bilong singautim ol man bai ol i ken mekim sin."

Tasol yumi save, mining tru bilong dispela lain i no olsem. Nogat. Long dispela lain Jisas i laik tok olsem, "Mi save, i gat ol man bilong graun i wok long mekim sin, em ol man bilong mekim sin. Orait mi kam bilong singautim ol dispela lain, bai ol i ken lusim pasin bilong mekim sin na kamap ol stretpela lain manmeri bilong mi yet."

Orait long ol nupela Buk Baibel yu bai lukim dispela tok i senis liklik na i tok olsem, "Mi kam bilong singautim ol man i save mekim sin." Sapos yumi raitim olsem, ating ol manmeri i no inap paul taim ol i ritim.

Baibel Sosaiti i sori tru long ol dispela tok i no stret i bin i stap long ol namba wan lain Buk Baibel. Tasol yu save, dispela wok bilong redim bikpela buk em i no isi. Na maski sapos ol man i ritim planti taim bilong painim ol tok i stret, i luk olsem sampela liklik asua bai i stap yet bilong ol man i mas stretim bihain.

Olsem tasol long Buk Baibel. Bipo ol i bin wok hat long stretim olgeta tok, tasol sampela samting ol i bin lukim pastaim. Bihain, taim ol buk i kamap pinis na ol manmeri i lukim ol dispela tok i no stret, orait Baibel Sosaiti i hariap long stretim. Na ol dispela nupela lain Buk Baibel klostu i laik kamap, ol bai i gat gutpela tok ol man i bin stretim pinis.

Ol piksa

Tasol i no ol dispela hap tok tasol bai i senis insait long ol dispela nupela



Ol yangpela wok misin... Ol memba bilong CRC slos bilong Australia i kam wok misin long Papua Niugini. Ol i kam stap long CRC Bethel Senta long Mosbi.

Foto: David Rom.

i senis insait long ol dispela nupela lain Buk Baibel. Nogat. Ol piksa tu bai i senis. Ol manmeri i save amamas tru long lukim ol gutpela piksa bilong kantri Isrel i stap long Buk Baibel, na Baibel Sosaiti i no gat laik long senisim ol dispela piksa. Tasol ol dispela piksa i stap nau long Buk Baibel, ol i no piksa bilong Baibel Sosaiti. Na papa bilong ol piksa i bin tok olsem, olgeta taim Baibel Sosaiti i laik wokim ol nupela lain buk, ol i mas baim bikpela mani bilong yusim ol dispela piksa.

Baibel Sosaiti i les long tromoi nating bikpela mani bilong yusim ol dispela piksa. Olsem na ol i tokim wanpela man i save mekim wok bilong Baibel Sosaiti long Inglan, na dispela man em i go long kantri Isrel. Na piksa dispela man i bin wokim, nau ol i putim insait long Buk baibel bilong senisim ol dispela piksa nau i stap.

Taim yu lukim gut ol nupela Buk Baibel, yu bai lukim ol gutpela piksa i stap olsem bipo. Tasol ol dispela piksa i no wankain tumas olsem ol piksa i stap long ol namba wan lain Buk Baibel.

Tupela kain Buk Baibel

I gat tupela kain Buk Baibel i stap. Ol buk i gat retpela kava, ol i bikpela liklik, na ol buk i gat grinpela kava, ol i liklik. As bilong dispela i olsem. Olgeta kristen i no gat wankain tingting long wanem ol buk i mas i stap long dispela hap bilong Baibel yumi kolim Olpela Testamen. Ol Katolik na ol Engliken na sampela Luteran, ol i save yusim sampela buk ol arapela kristen i no save yusim. Ol buk olgeta lain kristen i save yusim, em ol namba wan lain buk

bilong Olpela Testamen. Na ol buk sampela lain tasol i save yusim, yumi kolim ol namba 2 lain buk bilong Olpela Testamen.

Orait long taim ol i wokim ol Buk Baibel, Baibel Sosaiti i wokim sampela buk i gat ol dispela namba 2 lain buk, na ol i wokim sampela buk i no gat ol dispela namba 2 lain buk. Olsem bai ol wan wan sios i ken kisim Baibel ol i save laik long yusim.

Bilong mekim isi long ol man i ken save long wanem kain Buk Baibel ol i baim, Baibel Sosaiti i bin putim narapela narapela kala long ol buk. Ol retpela buk i gat ol dispela namba 2 lain buk bilong Olpela Testamen, na ol grinpela buk i not gat ol dispela arapela buk. Wanpela kampani long kantri Koria i bin wokim ol dispela buk, na bikpela lain buk ol i bin wokim gut. Tasol sori, long taim ol i wokim sampela buk, ol i bin paul na putim kava kranki. Olsem na sampela buk i gat retpela kava ol i wankain stret olsem ol grinpela buk. I no planti buk i bin stap olsem, na ating ol manmeri i baim ol dispela buk i bin save long wanem kain buk ol i baim.

Ol Stall kava

Taim ol nupela Buk Baibel i kamap, yu bai lukim sampela i gat ol naispela stall kava i stap. Na sampela kava bai i gat pulsen tu, bilong pasim buk gut. Tok i stap insait long ol dispela buk bai i wankain stret olsem tok i stap long ol arapela buk. Kava tasol bai i narakain. Na pe bilong ol dispela buk bai i antap liklik. Planti buk bai i stap wankain olsem nau. Tasol sapos yu gat laik long baim Buk Baibel i gat spesel kava long en, dispela kain buk tu bai i stap.

Manus So i kamap gen

WINIS MAP i raitim

MANUS So i bin kamap long Ogas 25. Dispela i go wantaim provinsal de bilong Manus.

Dispela em i namba wan so ol i holim bihain long olgeta tupela yia. Bipo ol i save holim Manus provinsal so long olgeta yia long amamasim provinsal gavman de. Tasol nau ol i holim dispela

so bihain long tupela yia. So bilong dispela yia i gat planti ol senis. Namel long ol em ol kain kain pilai bilong amamasim dispela so.

Ol lain husat i go pas long redim ol samting bilong so i mekim gutpela wok tru long putim kamap ol gutpela samting. Long olgeta moning stat long Tunde 25 i go inap long Fonde 27 Ogas i gat ol lain i autim Tok bilong God long 5 klok moning long

Redio Manus long statim ol progrem bilong wan wan de. Long spot ol i brukim i go long tupela kain, wanpela em bilong ol tumbuna na narapela em spot bilong ol waitman. Spot bilong ol tumbuna i gat ol kain pilai olsem resis long kanu, ronim pik, selim drai kokonas na planti moa.

Na spot bilong ol waitman i karamapim ol pilai olsem soka, basketbal, volibal, resis long moto kanu na planti

moa. I gat singsing tumbuna na ol pipel i soim tu ol samting bilong bipo. Ol i senisim kaikai na ol sampela tumbuna samting wantaim ol arapela pipel long Manus.

Ol gavman dipatmen bilong Manus i soim wok bilong ol i go long pabilk. Ol plis, ami na ol lain long Jastis dipatmen i bin skulim tu ol pipel long gutpela pasin bilong lukautim lo na oda.

Olpela plis saiden Komyuniti plis daunim hevi kot long stilim mani bilong lo na oda long Nu Ailan

WANPELA olpela plis saiden long Rabaul i kisim 9-pela mun kalabus bihain long Nesenel Kot jas, Jastis Moses Jalina i painim olsem em i kisim mani bilong Kokopo Yut grup. Na i nogat gutpela tok orait bilong ol memba na eksekutiv.

Nem bilong dispela man em Jack Diek. Em i gat 43 krismas na i bilong ples Napapar namba 5 long hap bilong Gasel Peninsula.

Nesenel Kot long Rabaul i painim olsem Diek i bin kisim nating mani bilong Kokopo Yut Grup tripela taim olsem presiden bilong yut grup.

Kot i harim olsem Diek i kisim samting olsem K180 long 24 Disemba long 1990. Long 16 Januari long las yia, em i kisim gen K200. Na long 22 de Februari, em i kisim K110.

WOK bilong lo na oda long Nu Ailan provins i kamap gut nau bihain long nupela Spesel Komyuniti Plis Konstablari i kamap.

Stat long taim ol i kisim ol man long wok olsem ol Spesel Plis Konstabil, sindaun bilong ol pipel long Kavieng taun i wok long kamap gut. Bikos ol pipel i no moa pret long ol raskol.

Taim ol dispela spesel konstabil i kamap long mun Julai, namba bilong ol raskol pasin tu i pundaun. Provinsal Plis Komanda, Titus Pamben i tok raskol pasin long Kavieng i go daun tru.

Na em i amamas long lukim ol sios, komyuniti grup na komyuniti gavman i wok klostu wantaim plis long stretim hevi

long ol ples na taun. Wankain ripot tu i bin kam long Namatanai. Plis Komanda Pamben i givim bikipela tok amamas bilong em i go long ol pipel insait long provins long wok bung wantaim plis. Na em i laikim dispela kain sapat long go het yet.

PLIS RIPOT



ENGA: Ripot i kam long Enga plis i tok olsem wanpela stil pasin i bin kamap long boda bilong Enga na Westen Hailans provins. Plis i tok ol sekyuriti husat i save sekim ol ka long kisim ol bia o strongpela dring i bin mekim dispela trabel. Plis i tok ol i bin stapim wanpela ka long hap, taim em i laik go long Wabag. Ka ya i bin kam long Hagen. Ol sekyuriti i askim ol pasindia long ka long rausim ol kago bilong ol. Na ol i bin kisim olgeta samting bilong ol na bagarapim ol narapela we i stap antap long ka. Kos bilong ol dispela samting em inap long K6000. Na plis i painimaut yet long dispela.

HAGEN: Hagen plis i painimaut nau long dai bilong wanpela man long ples Kalanga long Banz. Plis i tok menesa bilong Kupal plantesin, Andrew Kupo husat i gat 26 krismas i bin dai bihain long foapela man i paitim em. Ol i tok Kupo wantaim wanpela pren bilong em i wokabout i go long haus bihain long ol i dring long klab, taim fopela man i haitim pes bilong ol i go na paitim ol. Ol i bin yusim ol stik, ston na poket naip long bagarapim ol. Kupo i kisim bikipela bagarap taim ol lain bilong em i painim em na kisim em i go long Kudjip hau sik. Em i bin dai long neks de.

Ariako senisim gen

i kam long pes 5 long i gat bilip long ol na givim ol wok minista long lukautim.

Mista Ulul i tokim ektim primia Markus Kavo olsem ol i no kam insait long kabinet long kamap minista long nem na long bilas tasol.

Ulul i tok ol i gat bilip long holim olgeta memba bilong provinsal aembli na sapatim gavman bilong primia Ariako i go inap long neks provinsal ileksen long 1994.

Dispela mov bilong ol memba long oposisen sait long go long gavman nau i lusim tupela memba tasol insait long Madang provinsal asembli. Tupela memba husat nau i stap long oposisen em Max Moeder na William Sawong.

Wanpela sinia provinsal gavman opisa i tok dispela i soim olsem long nau yet i no gat gutpela oposisen long Madang. Na dispela i luk nogut tru.

Dispela nau i min olsem wanem tingting o polisi em gavman i laik wokim bai i isi tasol. Long wanem gavman i gat namba long vot na tok orait long wanem tingting o polisi em i gat laik long en.



Kumu i sot.... Ol mama bilong Bilbil long Madang i resis long baim ol kumu samting long Mildas Maket long Sande, 16 Ogas. Drapele san i hat na kukim nabaut ol kumu long gaden. *Poto: Ben Taumai.*

Opis bilong Indonesia long Vanimo bai op long neks mun

MESERY GUBAG I raitim

INDONESIA bai opim opis bilong ol (konsulet) long Vanimo long neks mun.

Wanpela kampani long Vanimo i bin kisim kontrak long wokim dispela opis. Na ol i wokim pinis. Dispela kampani ya em Kipma Bildas bilong Vanimo.

Sampela lain long Vanimo i tok olsem long nau, ol wokman i wok long stretim insait bilong opis ya. Ol i movim ol sia, tebol, kompyuta na ol kain samting olsem.

Wanpela mausman bilong Inonesian Embesi long Mosbi i tok ol i wet tasol long olgeta wok i pinis bai ol i ken opim dispela opis. Em i tok ol i tingting long opim opis ya long neks mun.

Na ol i askim pinis Praim Minista Paias Wingti long go taim ol i opim

opis ya. Dispela opis bai mekim wok bilong ol opisa bilong Indonesia isi. Bikos ol bai inap long stretim kwik pepa bilong ol lain husat i laik go long Indonesia na kam long Papua Niugini.

Long las yia, PNG gavman na Indonesia gavman i bin sainim wanpela pepa o agrimen. Na dispela i bin givim tok orait long Indonesia long opim wanpela opis long Vanimo.

Dispela i kamap long mekim wok bilong stretim ol 'tok orait' pepa bilong ol pipel husat i laik raun insait long tupela kantri ya i isi. Na tu long helpim ol lain long boda long go lukim ol lain bilong ol long arapela sait.

Agrimen ya i toktok long tupela kantri bai wokbung long kamapim gutpela sindaun bilong ol pipel bilong ol. Na helpim ol yet long sait bilong bisnis na sosol developmen.

LAE'S NO.1 USED CARS

PNM Motors

"No.1 Car of the Week"

Mazda B2600 4x4
 Rego. No. AFY 353. Marine Blue.
 AM/FM Radio Cassette. Air Conditioning.
 Power Steering **K12,500.00**

In our yard we have quality, used cars at Bargain Prices, so don't delay...


Toyota Landeruiser Coffee Body, Rego No. AMA 843	K12,000.00
Toyota Dyna Coffee Body Reg. No. LAB 193, Green	K8,500.00
Daihatsu Truck AFY 303 2 Tonne Workhorse	K7,500.00
Toyota Dyna 250 Truck 12 months Rego Excellent Condition	K9,500.00
Daihatsu Rocky 4x4 A/C 207 Air Conditioning AM/FM Radio Cassette	K8,500.00
Holden Utility Rego. No. ABT 808, Red - A Big V8	K4,000.00

PNM MOTORS


This weeks specials apply to PNM MOTORS - LAE only



Refuji bilong Somalia... Long Somalia insait long Afrika, samting olsem 1.5 milien pipel bai dai sapos i no gat kaikai. Olsem na Yunaited Nesens i save helpim ol long olgeta de. Na long foto, ol i sanap lain long Baidewa kem long kisim ol kaikai bilong ol.




Marlboro Man i dai... Long olgeta sigaret peket na ol niuspepa bilong bipo i gat piksa bilong dispela man. Em Wayne McLaren wantaim hos bilong em. Bihain long em i kisim kensa long lang, em i givap long dispela na toktok planti long sik bilong sigaret. Na em i dai pinis bihain long em i winim 51 krismas.



Kalabus nating... Dispela kalabusman bilong Bosnia i go kalabus bikos em i bin stap long rong hap long rong taim. Bikpela askim nau em sapos ol kantri olsem Amerika bai toktok na pait long rausim dispela kain ol man.



Pikinini i nogat rong... Wapela pikinini i krai i stap baksait long dispela glas bilong wapela em ol katres i bin pas long en. Dispela bas i bin karim ol pikinini husat i no gat papamama i go klostu long Stup long Sarajevo.



Pasindiaman kisim pe... Dispela man nem bilong em Sid i olsem wapela pasindiaman. Na hia em i kam long kisim mani bilong em long Yunaited Kingdom. Na dispela i kamapim bikpela kros tru namel long ol asples lain.



Las pen... Dispela soldia bilong Kambodia i sindaun krai na pilim las pen bilong em long graun. Na bihain liklik tasol em i dai. Dispela em long 1970. Bikpela pait i kamap na i stap yet.



Plis holim Mafia... Ol plisman bilong Rasia i holim dispela memba bilong wapela biknem raskol grup long Yurop, Mafia. Ol i tok dispela ol lain i save wokim planti raskol pasin tru long hap.



• Wapela paitman bilong ol lain Sebia Kristen fos i maillim gut birua bilong Muslim bilong kilim.

Man Morobe amamas long lusim Mosbi siti

JIMMY JOHN i raitim

LAIP long Mosbi em i dia tumas long ol manmeri husat i stap nating na lukluk long ol wantok long kaikai na haus slip.

Dispela em ol toktok bilong Kusu Tawac bilong Morobe provins.

Tawec i gat 38 krismas na i gat 5-pela pikinini. Em i bin wok wantaim Hebou Construction kampani olsem wanpela draiva bilong ol bikpela trak inap long 12-pela yia olgeta.

Tasol em i tok laip i hat long Mosbi bikos olgeta kaikai na samting bilong stua na maket i dia tumas. Nau em i lusim wok na i laik go long ples bikos kampani i no lukautim em wantaim famili gut long Mosbi.

Tawec i stap nating liklik taim tasol na em i lukim laip bilong em na famili i nogut olgeta.

Long dispela as, Tawec i laik lusim siti na i go bek long provins bilong em yet. Bikpela toktok Tawec i laik tokaut em long gavman i mas tingting gut na putim sampela mani long rausim olgeta manmeri husat i stap nating long ol arapela provins.

Bikos nau, namba bilong ol manmeri i stap nating i bikpela tumas long namba bilong ol manmeri husat i wok. Olsem na planti i mekim raskol pasin na pasin bilong paulim meri o man bilong narapela meri long kisim mani.

Sampela i kirapim liklik wok olsem long baim buai na salim gen long kisim mani na i stap long siti. Dispela ol manmeri i mas go long ples.

Tawec i tok em i amamas long go bek long ples bikos long ples em bai slip, kaikai na sindaun gut wantaim ol famili bilong em. Na ol pikinini bai i gat gutpela kaikai na gutpela sindaun long taim bihain.



└ Kusu Tawac

Lukaut long ples kesavaka

OL pipel bilong Kesavaka insait long Henganofi distrik long hap bilong Isten Hailans i givim tok lukaut i go long ol man husat i save baim kopi na ol PMV opereta husat i no klia gut long Dunantina eria long lukluk gut taim ol i go long dispela hap.

Dispela tok lukaut i kam long ol pipel bilong Kesavaka bihain

tasol long ol stilman i bin nensapim wanpela man bilong baim kopi. Na tu i bin i gat ol rot blok na planti ol manmeri i bin kisim bagarap.

Wanpela lida bilong Kesavaka, Bono Azanifa i tok givim dispela tok lukaut na i tok ol man bilong ples Fayantina na Kafetina husat i save baim kopi i bringim dispela trabel

taim ol i save go long Dunantina long baim kopi.

Em i tok ol man bilong ples Dunantina husat i save baim kopi i no bin painim dispela kain hevi insait long Kesavaka rot. Long wanem ol i save gut long dispela eria. Na tu ol man long ples Duna i no save go long Kafetina na Fayantina long baim kopi.

Isten Hailans luksave long bikpela wok insait long famili

PRIMA bilong Isten Hailans provins, Robert Atiyafa i askim pinis olgeta oganaisesin insait long provins long helpim na givim ol aidia na samting long stapim ol hevi bilong ol marit.

Em i tok tingting bilong ol sampela oganaisesin insait long provins long fomim wanpela provinsal komiti long helpim na stretim dispela hevi i gutpela tru. Long wanem famili yunit em i as na strong bilong sosaiti.

Mista Atiyafa i tok kros na ppait insait long marit na famili i save stapim gutpela developmen na sindaun bilong man na i save kamapim krungut komyuniti.

Em i tok Isten Hailans em i wanpela provins we i gat ol gutpela na strongpela famili yunit i save stap long en.

Em i tok ol sios na ol profesenel kaunseling sevises i no bin go insait long ol ples long helpim long pait na daunim ol bikhet pasin.

Primia Atiyafa i tok bikpela wok kamap i mas stap long helpim ol manmeri husat i kisim bagarap long hevi bilong famili. Na husat ol manmeri i bagarapim famili i mas go long kot na bai ol i ken luksave long rong bilong ol.

Long nau yet em i tok, provinsal gavman i kamapim pinis wanpela 5-yia developmen plen. Na wok bilong Domestik Vaiolens komiti bai bihainim plen bilong gavman long bringim kamap gutpela sosol developmen insait long provins.




Winner of the 1990 KOOL INDEPENDENCE SAFARI RALLY
3rd PLACE - The 1991 KOOL INDEPENDENCE SAFARI RALLY


PNG'S No. 1 RALLY DRIVER

TELLS HOW TO WIN COMPETITIONS
(AND PEACE OF MIND)

"Fuel starvation - if it's going to happen it'll be just when you need all the power you can get!" Andrew English, winner of the 1990 Independence Safari Rally and 3rd behind Australian ace Murray Coote in the 1991 event. A dedicated Mazda driver, he makes sure his engine gets all the fuel it needs by fitting genuine fuel filters.



Genuine



Non-Genuine

Here's why Andrew insists on the genuine part:

- Built-in water trap separates water from the fuel and retains it in the filter body.
- Extra large surface area with "edge to edge" filter medium construction gives maximum filtration with maximum flow rate throughout the recommended servicing interval.
- No water trap-water will be drawn into the intake causing poor combustion, misfiring and consequent loss of power.
- Small surface area of low quality filter medium - this filter will block easily giving all the symptoms of fuel starvation early in its life.



Keep the power where you need it - when you need it - use the genuine part

CL LIKLIK WOL NIUS


Olgeta ami bos pinis long wok

□ **TAILEN:** Intarim ministra bilong Tailan, Anand Panyarachun i rausim olgeta ami sief husat i go pas long pait egensim ol man husat i protes long nupela demokratik gavman. Em i rausim Sief Edvaisa bilong ol balus, Masal Kaset Rojananii Suprim Komanda bilong Air Fos na Air Komanda In-Sief. Narapela man tu em Panyarachun i rausim long wankain taim em Gen Issarapong Noonackdee husat i pinis tu long wok bilong em olsem Ami Komanda In-Sief.

Mama i askim kot long paitim pikinini bilong em

□ Misis Hazel Arrowood i askim kot long paitim pikinini man bilong em bikos em i sasim em K1,300 long wokim ka bilong em. Pikinini i bin stretim ka bilong mama na bihain askim mama long baim em K1,300. Tasol mama i no baim na em i kotim em long Nesenel Kot long Klivenlen long Jojia.

"Em i stap aninit long lukaut bilong mi inap long 40 yia. Na olgeta hat wok bilong mi em i no bekim yet," Arrowood i tok.



Bun bilong Libia... Man husat i go pas long salim na baim ol strongpela samting bilong pait, Khashoggi long lephan i laik yusim ol lain bilong olupela ami bilong Saut Afrika, bihain stail bilong ol SAS. Mani bilong dispela bai kam long han bilong Gadaffi long raithan.



Ingraham win long Bahamas...

Ol sapota bilong Hubert Ingraham i apim han bilong em na amamas wantaim taim em i winim olupela praim ministra bilong Bahamas inap long 25 yia, Sir Lynden Pindling long jenerel ileksen.



•Wanpela fama long Peskado long Kolombia i makim ol klao bilong kaikai long salim long ol manmeri husat i stap klostu long em. Na tu bilong lukautim bilong sampela taim long bihain taim.



Sapotim Bush... Wanpela paniman bilong Kansas long Amerika i sapotim Presiden Bush long winim gen dispela wok. Bikpela ileksen bilong Amerika bai kamap klostu nau. Na olgeta lain i wok long kempen raun.



Amamasim ol win... Lintord Christie bilong Ingran i amamasim win bilong em long 100 mita na long sait em meri bilong Chris Boardman i kam bungim em bihain long Chris i winim wanmen wilwil resis.

Ol meri Madang toktok long ol STD sik

GLORIA PARI i raitim

OL meri bilong Kristen Rivaivel Kruzet insait long Madang i bin holim wanpela "Meribung" long 20 Jun.

Na ol i toktok long ol hevi bilong ol sik ol i kolim STD. Dispela ol sik i save kamap taim ol manmeri i slip wantaim. Dispela em ol sik olsem VD, gonoria na sipilis.

Tu handet meri i bin bung

na harim wanpela opisa bilong disis kontrol long Madang i toktok long ol kain kain STD sik, we dispela ol sik i ken kalap i go long ol narapela, we bilong yusim kondom long stopim ol dispela sik long no ken kalap long ol narapela na tu long we dispela kain ol sik i ken mekim ol meri i no inap karim pikinini.

Dispela ol lain husat i bung long dispela Meribung i bin go long ol liklik grup na toktok long tripela hevi. Dispela

tripela hevi em we bilong banisim ol pikinini meri long kism ol STD sik, wanem samting long mekim sapos susa o wanpela wanpisin i kism STD sik na wanem samting ol meri i ken mekim sapos ol i ting olsem ol man bilong ol i gat STD sik.

Long dispela ol liklik grup, ol i tok olsem wan wan famili i mas toktok long ol STD sik na i mas luksave olsem dispela ol sik i wanpela hevi long sait bilong helt insait long ol famili.

Ol i tok taim ol yangpela meri i redi long go long haikul, ol mama i mas toktok long ol long ol STD sik em ol i ken kism sapos ol i slip wantaim ol man.

Ol mama i no ken sem long

toktok long ol pikinini meri long dispela samting. Sapos ol i no klia tumas long ol STD sik, orait, ol i mas askim wanpela klinik sista long toktok long ol pikinini meri bilong ol.

Bikpela samting em long ol mama i skulim ol pikinini meri long lukautim bodi bilong ol.

Sapos ol yangpela meri insait long ol famili i kism ol STD sik, orait, ol famili memba i mas tokim em long go long haus sik.

Na sapos wanpela meri i ting olsem man bilong em i gat dispela kain ol sik, em i mas askim o tokim em long yusim kondom taim em i laik slip wantaim em. Na tu em i mas askim em long go long haus sik na kism sut na marasin.

Ol meri Is Sepik les long seketeri na edministreta

IS Sepik Kaunsil Bilong ol Meri na Grup Bilong ol Meri husat i save was long developmen long provins na ol pipel i laikim nesenel gavman long rausim edministreta na seketeri bilong Is Sepik.

Ol tok ol i laikim wanpela administreta husat i gat planti save long we bilong ranim provins na husat i ken toktok gut wantaim ol pipel bilong provins. Na tu man ya i mas wanpela man we ol pipel i ken rispektim na wokbung wantaim em. Seketeri bilong Is Sepik nau em Vincent Maragau.

Ol i tok long nau i luk olsem i no gat lida long provins. Planti hevi nabaut i wok long kamap insait long taun na ol setelmen.

Long wanpela wok painimaut, dispela tupela grup i painimaut olsem ol plis i slek long wok bilong ol. Na dispela i wanpela samting i helpim long kirapim ol hevi long provins. Ol pipel i tokim ol grup ya olsem, planti taim ol i save go ripot long plis long ol stil pasin na ol arapela trabel, tasol plis i no save mekim wanpela samting long dispela.

Tupela grup ya i laikim nesenel gavman long stapim ol pipel long salim bia long provins.

Ol Enga long Mosbi bai toktok long lo na oda

MESERY GUBAG i raitim

OL pipel bilong Enga bai bung long Yunivesiti bilong Papua Niugini long Fraide nait. Ol bai toktok na painim sampela we long helpim daunim lo na oda hevi long provins.

Krais Komiti bilong ol Enga studen long UPNG i go pas long holim dispela bung.

Siaman bilong komiti, David Ezekiel i tok ol i raitim pas i go pinis long Plis Minista, Sief Jastis, Deputi Spika bilong Palamen Ben Okoro, na ol nesenel memba bilong Enga long kam long dispela kibung.

Ezekiel i tok ol i makim pinis wanpela grup husat bai rekotim olgeta samting i kamap long dispela miting. Na bihain bai ol i mekim wanpela ripot na givim i go long olgeta ejensi bilong lo na oda insait long kantri long lukim.

Em i tok ol lo na oda trabel i wok long kamap long Enga nau i no gutpela na i sem pasin tru.

"Dispela lo na oda trabel tasol i wok long suvim Enga i go bek long sait bilong developmen. Olsem na olgeta pipel bilong Enga wantaim ol provinsal na nesenel memba i mas wokbung na painim sampela we long stapim ol dispela trabel," Ezekiel i tok.

Em i tok Pogera Gol Main na Maun Kare i stap long Enga provins. Na dispela ol trabel insait long provins bai bagarapim sans bilong ol tupela kampani long wok gut na kamapim gutpela sindaun bilong ol pipel.

Melanesian Faundesen givim 100 skul tebol

MELANESIAN Faundesen (MF) i givim pinis 100 tebol bilong skul i go long sampela komyuniti skul insait long Papua Niugini.

MF i wanpela grup husat i save givim helpim long ol grup na ol pipel long ol ples husat i sot long ol samting.

Wanpela dairekta bilong MF, Janet Barter i tok grup bilong em i skelim dispela ol tebol i go long ol sampela komyuniti skul long Wara Sepik long Is Sepik provins, Begisin long Madang provins na Kiriwina long Milne Be provins.

Barter i tok ol pasindia antap long sip *Melanesian Discoverer* i bin givim mani long mekim ol dispela tebol bilong rait. Long taim ol i bin raun antap long sip ya i go lukim ol ples, ol i bin lukim olsem sampela skul long ol provins ol i raun long en i sot long ol tebol bilong rait. Olsem

na ol i bin bungim mani na givim i go long MF long helpim ol dispela skul.

Melanesian Discoverer i wanpela sip i save karim ol turis i go raun long ol provins taim ol i kam long Papua Niugini. Dispela turis sip i bilong bisnismen na provinsal memba bilong Madang, Peter Barter.

Melanesian Faundes i bin givim kontrak long wanpela vokesenel skul long Angoram, Is Sepik provins long wokim ol dispela tebol bilong rait. MF i givim moa long 100 tebol i go long ol skul nabaut insait long las 5-pela yia.

Barter i tok wok bilong MF i long helpim ol lain husat i stap long ples we dispela sip *Melanesian Discoverer* i save go long en. Em i tok dispela i wanpela we ol turis i save tok tenkyu long ol pipel husat i stap long ol ples ol i go raun long em.

Yes! GOOD YEAR radials cut running costs!

Teio Ila (seen here with Boroko Motors Goodyear Port Moresby Manager Ola Ila) is a Commercial Fisherman from Hood Lagoon who has proved the value of Goodyear Radials.

"With frequent trips between Hood Lagoon and Port Moresby I do a lot of tough miles in my 4WD NISSAN and the tyres take a real beating.

A set of standard cross ply nylon tyres used to last me only 17,000 kilometres.

Now with Goodyear radials, I have already done over 25,000 kilometres and they're still only half worn!

That's a big saving on running costs "Thanks to Goodyear".



GOOD YEAR
G.33 RADIALS available from

BOROKO MOTORS
THE GOOD GUYS FOR BEST BUYS

PORT MORESBY: 255255 LAE: 421144 RABAUL: 922777 KIMBE: 935666 MADANG: 822433 MT. HAGEN: 521433 HIGATURU: 297175

Rausim provinsal govman na kisim LGC

Dia Edita,
Mi laik autim tingting bilong mi i go long ol

Kolim stret ol nem

Dia Edita,
Mi no amamas long wanpela komplek Dickson Mamafi i bin raitim long *Wantok Niuspepa* olsem na mi laik bekim dispela pas bilong em. Dickson i olsem manmeri bilong Papua Niugini em ol kanaka stret bikos ol i raitim nem long pepa mani. Dispela pas bilong em i bin kamap long Fonde, Februari 30, 1992.

Dickson, mi no amamas long toktok bilong yu bikos yu kolim olgeta manmeri long Papua Niugini kanaka. Sapos yu no wanbel long ol man husat i raitim nem long pepa mani, yu mas kolim nem bilong ol. Na maski long bagarapim nem bilong olgeta manmeri long Papua Niugini.

Nau mi laik Dickson olsem sapos em i laik toktok long wankain samting gen long niuspepa, em i mas kolim nem bilong ol man stret. I no yu tasol i bel hat long dispela pasin, nogat. Mipela sampela manmeri bilong Papua Niugini tu i no amamas. Olsem na tingting gut na raitim pas na no ken traim long bagaram nem bilong ol man.

Benny Walter KIMBE

pipel bilong lsten Hailans provins long lukim.

Mi laikim olsem dis-

pela sistem bilong provinsal gavman insait long lsten Hailans i mas pinis.

Long wanem bipo long yumi kisim dispela sistem bilong provinsal gavman, olgeta sam-

ing i bin wok gut tru. Nau long taim bilong dispela sistem bilong provinsal gavman, ol provinsal memba i no save wok gut.

Olsem na rausim dispela sistem bilong provinsal gavman na kirapim bek sistem bilong lokol gavman kaunsil.

Long nau yet, provinsal gavman insait long provins i no save mekim gut wok long bringim developmen i go long olgeta manmeri. Planti ol samting olsem rot, bris, skul na rurel edposi bagarap pinis.

Warren Safaro, Bonta Plentesin, P O Box 262, KAINANTU.

No ken tok baksait long ol arapela sios

Dia Edita,

Mi no amamas long pasin na toktok ol kristen manmeri bilong dispela kantri i save mekim long ol arapela sios.

Planti kristen manmeri i save toktok planti long pasin ol arapela kristen manmeri bilong ol narapela sios long taim bilong lotu.

Olgeta sios i gat stail na pasin bilong ol long lotu. Na wanpela kristen man o meri i no ken tok baksait o mekim ol toktok nabaut egensim ol arapela sios. Yumi gat kain kain tingting na pasin bilong lotu tasol yumi olgeta i lotu long wanpela God.

O! sios olsem Katolik, Engliken,

Yunaited, Luteran, SDA, Jehova Witnes na PNG Baibel Sios i gat ol stail bilong ol yet. Olsem na yumi ol kristen manmeri i no ken toktok olsem long ol arapela sios.

Nau mi harim na lukim olsem planti sios i tok baksait long ol arapela sios husat i yusim mani bilong kolekta long statim bisnis. Dispela em i no gupela pasin long ai bilong mi.

Husat man save toktok baksait long ol kristen brata na sista bilong yumi long ol arapela sios i mas stapim ol dispela pasin.

Simon Imnadai MOSBI.

Ol bos save giaman

Dia Edita,
Mi wanpela boi Vanimo long Wes Sepik provins. Mi stap nau long Mosbi. Mi gat liklik bel hevi long sampela bos bilong ol liklik na bikpela kampani long Papua Niugini, olsem na mi laik autim long *Wantok Niuspepa* na ol i ken lukim.

Wari bilong mi em long ol kampani husat i save kisim ol yangpela meri long mekim wok bilong ol man. Planti taim mi lukim dispela pasin na i no gupela long mi. Bikos mipela ol yangpela man i go askim long wok bai ol i tok i no gat wok. Tasol bihain ol meri i go askim, hariap tru bai givim ol i wok. Kain pasin olsem i save bagarapim planti yangpela meri long wok bilong ol.

Nau planti yangpela man i save mekim raskol pasin bikos ol bos bilong ol dispela kampani i no save tingting long ol. Na tu planti kampani i save edvetaisim posisen long niuspepa tasol bihain ol i kisim ol meri tasol long wok. Mi laik tokaut olsem sapos ol kampani i laik edvetaisim posisen long niuspepa, ol i mas tokaut stret long wanem posisen em bilong ol man na wanem em bilong ol meri.

Planti taim mipela ol man i save westim taim long raitim pas na bihain ol kisim ol meri long dispela wok. Mi bin lukim dispela pasin olgeta taim olsem na mi no amamas.

Simon Boni, MOSBI

Memba bilong Seim i stap we

Dia Edita,

Mi paul na mi no save long wanem hap memba bilong Seim konstituensi i stap long en olsem na mi raitim dispela pas.

Nau yet mi no save harim nem bilong em na mi gat bikpela wari long ol pipel. Bikos mipela bai sindaun wankain i go inap narapela nesenel ileksen i kamap.

Planti taim long pala-

men, mi save harim nem bilong ol arapela memba i pait long eria bilong ol. Tasol mi no harim nek bilong memba bilong Seim Konstituensi. Dispela memba i stap or nogat? Sapos yu stap yet long haus palamen long Mosbi, orait mipela olgeta pipel bilong Seim konstituensi i laik harim maus bilong yu. Maski long pasim mau bikos olgeta manmeri long Seim

konstituensi bai no inap lukim wanpela developmen sapos yu pasim maus olsem.

Yu mas save olsem taim palamen, i bung, olgeta manmeri long konstituensi bilong yu i putim redio na ol i laik harim wanem samting bai yu toktok long nem bilong ol. Olsem na plis no ken pasim maus long taim bilong palamen.

Bonny George KIMBE

Nem Tambaka i no bilong pilai nabaut

Dia Edita,

Mi laik komplek long wanpela nem ol i kolim long *Tambaka*.

Dispela nem *Tambaka* em i wanpela spesel nem insait long Enga provins.

Tambaka em i nem bilong wanpela man husat i dai pinis. Tasol mi bin lukim long *Wantok Niuspepa* olsem wanpela man Kompian insait long Enga provins i bin yusim dis-

pela nem na resis long nesenel ileksen long Enga open.

Em i bin yusim nem Wali *Tambaka*. Dispela man i painim dispela nem *Tambaka* long wanem hap tru na yusim long sanap long ileksen.

Traim na yusim nem bilong yu yet na sanap long ileksen. Maski long stilim nating nem bilong narapela man nasanap long ileksen long win. **John Plangen, KIMBE.**

Joe Api Handy Man P O Box 300 KOKOPO

PMV sasim tumas ol skul boi

Dia Edita,

Mipela tripela i save skul long Sen Mary's haikul long Is Niu Briten provins.

Mipela i laik autim wari bilong mipela long sampela PMV bas draiva long Rabaul. Ol draiva i save tokim mipela long baim ful pe olsem ol bikman na meri.

Na mipela i no amamas long dispela. Mipela i no bikman na bai baim ful pe. Ol i mas sasim mipela hap pe tasol. Neks taim sapos ol i askim mipela long baim ful pe, mipela bai no inap baim bas. Tenkyu.

Vincent Pochie Mathias Vovore Benny Gregory RABAU

Provinsal memba bilong Yangkok i slek tumas

Dia Edita,

Mi laik komplek long memba bilong Yangkok long Sandaun provinsal gavman.

Mi lukim olsem memba bilong Yangkok i no save toktok hat long wokim Bimon-Lalui rot. Nogat tru.

Em i mas save olsem em i sanap long maus bilong ol pipel na i mas traim long toktok na Sandaun provinsal gavman inap wokim dispela Bimon-Lalui rot.

Long nau yet, em i slek tumas long bringim developmen i go insait long eria bilong em long Yangkok.

Cletus Turuku, WES SEPIK.

Bihainim tok save na tambuim smok olgeta

Dia Edita

Long olgeta wik, mi save baim *Wantok Niuspepa* na lukim ol piksa bilong smok.

Antap long piksa ol i save raitim olsem: Smok i no gupela long helt bilong man.

Na mi laik tok olsem. Inap long Dipatmen bilong Helt i toktok na rausim dispela. Sapos nogat, orait, gavman i mas pasim wanem dispela kam-

Yumi yet inap tru

Dia Edita,

Mi laik autim wari bilong mi i go long ol lida bilong yumi long Papua Niugini.

Mi laik askim gavman bilong yumi long no ken larim ol ovasis kampani i kam wokim gol, kopa na katim timba insait long kantri.

Ol i save stilim bikpela mani bilong kantri long ol dispela samting na karim i go long kantri bilong ol.

Na tu ol i save yusim kain kain ol marasin nogut we i save bagarapim ol wara.

Jimmy Palal, RABAU.

Ol tisa i save wansait tumas

Dia Edita,

Mi no amamas long pasin sampela komyniti na haikul tisa long Papua Niugini i save mekim olsem na mi laik autim tingting bilong mi long ol i lukim.

Planti taim ol marit na yangpela tisa i save paulim ol maritmeri na singel meri tisa long skul. Dispela em wan-

pela samting we mi lukim i rong long ai na bel bilong mi.

Namba tu em long ol komyniti skul tisa. Planti bilong ol i save wantok sistem tumas na givim mak long ol sumatin husat i no gat save. Na pasim ol narapela gupela studen long go long haikul.


Olsem na mi laikim dipatmen bilong Edukesen long lukluk gut long dispela kain pasin. Planti sumatin olsem i save go long haikul na pundaun bikos ol tisa giaman nabaut long pusim ol i go antap long haikul.

Baibel i tokaut klia pinis olsem, olgeta samting yu mekim long

tudak bai i kam ausait long lait. Olsem na ol tisa i mas tingting gut long dispela pasin.

Em tasol liklik wari bilong mi na yu husat brata o susa i laik sapotim o daunim dispela pas i welkam tasol.

Blake Kezafong MOSBI



Ol 10-pela minista tu bai kot long nesanel ileksen

TENPELA gavman minista bai i go long kot long banisim sia ol i winim long nesanel ileksen long mun Jun.

Spika bilong palamen, Bill Skate na namba tu bilong em, Ben Kerenga Okoro tu bai kamap long kot. Ol minista husat bai go kot em Roy Yaki long Trempot, Francis Koimanrea long Helt, Albert Kipalan long Pablik Sevis, John Kaputin long Foren Afeas, Michael Ogio long Bogenvil Afeas, John Jaminen long Hausing, Timothy Ward long Lens, Thomas Pelika long Eneji na Sains, Masket langalio long Mains na Petroleum, Avusi Tanao long Plis, na Albert Karo long Woks.

Namba bilong olgeta nesanel memba husat bai kamap long kot bilong ileksanem 60 man. Ol bai go kot bikos ol kendidet husat i lus i no amamas long we ol memba i win. Ol i bilip olsem sampela paul pasin i bin kamap long ileksen taim. Na hia em nem bilong ol lain husat bai go kot.

Nesanel Kapitel Distrik

Vincent Serei Eri na Robert Samai wantaim Robert Suckling na Ilektrik Komisen - Mosbi Not Wes; Hugo Berghuser wantaim Bill Skate na Ilektrik Komisen - Nesanel Kapital Distrik; Raymond Agonia wantaim Albert Karo na Ilektrik Komisen - Mosbi Saut; Albert Yali na John Tari wantaim David Unagi na Ilektrik Komisen - Mosbi Saut.

Westen provins

Kala Swokin wantaim Dere Wamoro na Ilektrik Komisen - Westen provinsal; Philip Dipai wantaim Bob Bubec na Ilektrik Komisen - Not Flai.

Galp provins

Robert Hora, Maerana Daniel Itu wantaim Tom Koraea na Ilektrik Komisen - Kerema; Jacob Kairi wantaim Christopher Haiveta na Ilektrik Komisen - Galp provinsal.

Sentrel provins

Philip Bourega, Galeva Kwarara na 5 - pela arapela man wantaim Dibara Yagabo na Ilektrik Komisen - Rigo; Desmond Baira na Vagi Mae wantaim Jack Genia na Ilektrik Komisen - Abau

Oro provins

David Beu wantaim Dokta John Waiko na Ilektrik Komisen - Sohe.

Morobe provins

Benjamin Philip wantaim Thomas Pelika na Ilektrik Komisen - Menyama; Michael Bandui wantaim Bart Philemon, Albert Pogo na Ilektrik Komisen - Lae.

Madang provins

Joseph Francis Koroma wantaim Ilektrik Komisen - Usino Bundi; Peter Yama wantaim Peter Barter na Ilektrik Komisen - Madang provinsal; Bernard Mollock wantaim Timothy Ward na Ilektrik Komisen - Bogia; Paul Kamod wantaim Stanley Pil na Ilektrik Komisen - Madang open.

Is Sepik provins

Luke Misah wantaim Paul Wanjik na Ilektrik Komisen - Wosera Gaui; John Wauwia wantaim John Jaminen na Ilektrik Komisen - Yangoru Sausia; Joe Keni wantaim Philip Laki na Ilektrik

i go moa long pes 18



Fri wara saplai...Ol mama na pikinini bilong Kaugere long Mosbi i amamas tru long kisim fri wara saplai. Na long poto, wanpela paip i bruk na ol mama wantaim pikinini i kam yusim long waswas, wasim ol klos na plet samting. Poto: David Rom.

OPM tok ol Wutung i spaiman

FELIX RAMRAM i raitim

OL pipel bilong ples Wutung long Wes Sepik provins nau i wok long kisim toktok olsem ol i spai bilong ol Indonesia ami na Papua Niugini gavman.

Dispela i bihainim dai bilong wanpela OPM lida, Martinus Prawar. Ol soldia bilong Indonesia ami i bin go long kem bilong ol OPM na sutim ol.

Long dispela taim, ol i kukim Prawar taim em i stap insait long haus bilong em. Dispela samting i bin kamap long Me 31.

Long dispela taim, 7-pela man i bin ranawe na tupela tasol i kamap long ples Wutung. Wanpela man long ples i lukim ol na kisim ol i go long haus sik bikos ol i bin kisim bikpela bagarap tru.

Ol OPM i wanpela grup bilong ol paitman long provins bilong Irian Jaya long Indonesia. Na ol pipel ya i olsem ol Papua Niugini. Dispela grup i save pait wantaim ol ami bilong Indonesia bikos ol i laikim Indonesia long givim independens

long ol bai ol i kamap wanpela kantri.

Olsem na nau planti ol OPM paitman i wok long tingting planti long raun ples klia long ai bilong ol pipel bilong Papua Niugini long ol boda ples. Ripot i bin kam olsem ol Indonesia soldia i bin kalapim boda na kam insait long hap bilong PNG na kilim ol OPM paitman.

Wanpela mausman bilong OPM, Max Tago i tok olsem wanpela asples man i bin kamap long dispela kem bilong ol pastaim long ol Indonesia soldia i go na kilim ol OPM man ya. Olsem

na dispela i mekim ol i bilip olsem ol PNG pipel i wok olsem ol spaiman.

"Dispela i klia piksa tru bilong ol spaiman. Sampela lain long hia i mas toktok na ol Indonesia soldia i kam na kilim ol lain OPM na kukim Martinus Prawar olsem wanpela wail abus," em i tok.

"Long putim brata long han bilong ol birua i no soim pasin bilong ol Melanesia. I nogat tru kristen pasin long dispela rot na dispela i no karim nem kristen olsem Papua Niugini i save tok oltaim," Tago i tok.

i go moa long pes 15

NOKEN PEIM MOA LONG OL STOA!



10t



10t



10t



10t



5t

Sapos ol askim moa... go long narapela stoa!

Mosbi Brothers i save pilai wantaim belhat

Dia Edita,
Mi wanpela oltaim
sapota bilong Brothers

ragbi lig klap long
Mosbi. Nau mi laik
komplen long ol pilai

long rabis pilai ol i save
kamapim.
Sampela wik i go

pinis, mi bin go lukim
wanpela gem bilong
Brothers wantaim

Westis. Man, dispela
gem i no kamap stret.
Ol pilai bilong Brothers
i bel hat nating long
ol Westis pilai na i laik
paitim ol.

Dispela i bin mekim
mi bel hat long ol pilai
bilong Brothers. Mi
lukim ol boi West i
pilaim gutpela na klin-
pela gem. Na ol pilai
bilong Brothers i bel
hat nating.

Tasol mi no ken sutim
tok long olgeta pilai. I
no olgeta pilai i save
mekim dispela pasin. I
gat wan o tupela pilai
i save bagarapim gem
bilong Brothers.

Mi askim ol dispela
lain long senisim rabis
pasin bilong ol long
pilai. Na kamapim sam-
pela klinpela gem na
amamasim mipela ol
sapota.

Jimmy Taylor Koi,
MOSBI.



Ol memba bilong Morobe mas wok wantaim

Dia Edita,

Mi laik sapotim toktok bilong Suma
Andum em i bin kamap long Redio
Morobe.

Suma i bin askim olgeta nesanel
membra bilong Morobe long wok
wantaim.

Mi sapotim tru toktok bilong Suma
bikos long taim bilong Utula Samana
na ol lain nesanel memba bilong
Morobe, mi no lukim wanpela wok-
pung em ol memba i mekim long
provins.

Planti bilong ol i bin tingting long ol
yet na lus tingting long ol pipel. Mi

askim ol nesanel memba bilong nau
long wok wantaim na lus tingting
long wanem bel hevi ol i gat long en.

Ol nesanel memba i mas wok wantaim
Morobe provinsal gavman. Na
ol i no ken sutim tok long Morobe
Tutumung long i no stretim wok.
Olgeta lida i mas wok wantaim long
kamapim developmen long provins.

Mi askim Jerry Nalau long bungim
olgeta nesanel memba bilong
Morobe na stretim liklik hevi bilong ol
na wok wantaim.

Guti Kawa,
WAU.

Kimbe taun kaunsil mas wokim haus long 21 Maket

Dia Edita,

Mi laikim Kimbe taun kaunsil long
wokim haus maket long 21 Maket.
Mi save lukim ol mama i salim kaikai
long graun. Olsem na mi askim taun
kaunsil long wokim bet na ol mama i
ken salim gut kaikai.

21 Maket i winim tru taun maket na
planti ol manmeri i save laik go baim

kaikai long hap. Olsem na taun
kaunsil i mas helpim ol pipel na
wokim wanpela gutpela haus maket.

Planti man i no save go long taun
maket, ol i save laikim 21 maket.
Olsem na taun kaunsil i mas stretim
ples long maket.

Joseph Savlu
KIMBE.

Putim pes bilong Julie Toliman long EM TV

Dia Edita,

Long nau yet insait long kantri bilong yumi Papua
Niugini, i no gat planti ol meri i save putim kamap
ol singsing long kaset.

Wanpela meri husat i winim tru namba em wan-
pela meri Tolai ol i kolim long Julie Toliman.

Olsem na mi laik askim ol wokmanmeri bilong
EM TV long putim kamap sampela singsing bilong
em long program bilong *Mekim Musik* long olaeta

Trinde nait.

Planti ol manmeri i save harim ol singsing bilong
em tasol na ol i no save long pes bilong em.

Olsem na inap long EM TV i ken putim sampela
singsing bilong em long *Mekim Musik* program na
mipela i ken lukim pes bilong em.

Paulus Panabas,
MOSBI SITI.

Ol lain long Wes Taraka mas baim gut ol PMV bas

Dia Edita,

Mi lukim planti manmeri bilong Wes
Taraka i no save givim stret bas pe
long ol PMV bas. Bas pe bilong Wes
Taraka i go long Lae taun em 30t.

Tasol ol lain husat i save ron long
bas namel long Wes Taraka na Lae
taun i no save givim gut bas pe.
Sampela i save givim 20t o 10t tasol.
Na sampela bikhetman i no save
baim bas.

Ol i ting olsem PMV bas i fri ka na

ol i laik raun nating. Yupela ol pasin-
dia i mas sori long ol tarangu papa
bilong PMV bas. Ol i save lusim
bikpela mani tru long baim ka.

Sampela i save kisim taim tru long
painim mani bilong stretim ka taim
em i bagarap.

Traim na baim bas pe stret bikos
30t i no bikpela mani. Sapos yu no
gat mani, maski long kalap long bas.

Martin Manga
LAE.

Amamas long Nipa Dick Mune

Dia Edita,

Mi laik tok amamas long Nipa Dick Mune long
kamap rijinol memba bilong Sauten Hailans.

Mi gat bikpela amamas long ol pipel bilong Saut-
en Hailans long makim gutpela lida olsem yu. Mi
save olsem yu wanpela lida husat bai helpim ol
pipel na pait long developmen bilong provins.

Dick i no wanpela bisnisan na em bai helpim
tru ol pipel. Na mi save olsem planti pipel i bin
amamas taim Mune i kamap memba. Bikos ol i
save olsem vot bilong ol bai i no inap lus nating.

Bikpela tok amamas bilong mi i go long olgeta
Sauten Hailans manmeri husat i bin givim vot long
Dick. Vot bilong yupela em i bikpela samting tru.

Nau mi askim memba long wok klostu wantaim
provinsal gavman na ol pipel long developim
provins.

Robert Percy Pip,
MOSBI.

Ol stonhet man bikhet nabaut long Westen Hailans

Dia Edita,

Mi save raun long
maket, so graun na
long rot na lukim ol
man i spak na holim ol
meri.

Na tu ol i save sanap
long rot na tok nogut
na pasim ol ka na
askim ol draiva long
givim ol mani.

Mi les tru long lukim
dispela kain ol rabis
pasin. Dispela kain ol
man em het bilong ol i

olsem stonhet.
Nangin . W,
BANZ.

Redio Kimbe i wansait

Dia Edita,

Mi laik autim wari
bilong mi long ol
anaunsa long Redio
Kimbe.

I luk olsem ol i save
mekim wantok sistem
long ol laik bilong wan
wan program bilong ol.
Bikos taim mipela i
save raitim leta long ol,
ol i no save ritim ol leta
bilong mipela. Ating ol i
save tromoi long dram
pipia ya.

Na taim ol i lukim ol
pas bilong ol wantok
bilong ol, ol i save
anaunsa ol nem
bilong ol long redio.
Ating ol i no laik kolim
nem bilong ol man
bilong narapela provins
long redio bilong ol.
Dispela i no gutpela
pasin. Yupela i mas
ritim nem bilong olgeta
lain husat i raitim leta i
go long yupela.

Demiong Klau,
KIMBE.



narapela man gen. Yu mas amamas
tasol long dispela na givim sans long
arapela man long kamap memba.

Robin Komave,
GOROKA.

Ol Tobou pipel i mas lukluk gut

Dia Edita,

Mi laik autim tingting nogut na bel
hevi bilong mi i go long ol papa na
mama insait long Tobou eria long
hap bilong Pindiu long Morobe
provins.

Yupela i mas save olsem long taim
bilong provinsal ileksen, yupela i
mas lukluk gut na votim wanpela
man bilong Tobou stret. Na em bai i
karim ol hevi bilong yupela.

Na tu em bai i ken bringim develop-
men i go insait long ol ples.

Yupela i no ken seksek long ol
mani samting bilong ol man long
narapela hap na votim ol.

Long wanem nau yet, yumi ol pipel
bilong Tobou i stap olsem ol Tum-
buna bilong mipela long bipo.

Pele Levo,
FINSAFEN.

Yusim Tok Pisin long Redio Kalang

Dia Edita,

Mi laik komplem long Redio Kalang.

Redio Kalang i redio bilong ol Papua Niugini.
Tasol olgeta taim ol i save toktok long inglis tasol.
Olsem wanem, em tok ples bilong yumi ol PNG o
wanem? Sapos dispela redio stesin i bilong PNG,
orait ol i mas toktok long tok ples bilong mipela

stret em Tok Pisin.

Yumi no ken bihainim pasin bilong ol waitman na
toktok long inglis. Sapos yu tanim redio i go long
sampela ovasis kantri, yu bai harim ol i yusim tok
ples bilong ol stret.

Lori Mara
KIMBE

Nupela lain bilong Hagahai bai go tu long Goroka So

MOA long 130 singsing grup long olgeta hap bilong kantri i soim laik bilong ol long kamap long Goroka So long dispela yia.

So bai stat long 11 na pinis long 13 Septemba.

Wan wan singsing grup bai baim K400 fi. Olsem na Goroka So komiti i daunim namba bilong ol singsing grup i kam long 80.

Wan wan singsing grup bai i gat

20 memba. Na dispela i min olsem ol manmeri husat i go long lukim So bai i lukim samting olsem wan tausen na 6 handet manmeri (1,600) insait long ol dispela singsing grup.

Long mekim pasin bilong jasim ol singsing grup i kamap gut, So komiti i putim ol singsing grup long 4-pela grup; Isten Hailans, ol

narapela hailans, Momase na Niugini Ailan. Husat singsing grup i kam namba wan bai kisim tri tausen kina (K3000), namba tu ples em tu tausen kina (K200) na namba tri bai kisim wan tausen kina (K1000).

Goroka So i bin stat long 1960. Na em i olsem wanpela spesel na narakain so long olgeta narapela rijinol so insait long

kantri.

Bikos long dispela so, komiti bai tambuim ol singsing grup long yusim ol samting olsem hanwas,

aiglas, ol bilas samting bilong krismas na tu ol narapela waitman samting long singsing. So komiti bai givim prais i go long grup husat i yusim stret bilas bilong ol tumbuna.

Ol pipel bilong "Hagahai" insait long Madang provins we ol wokman bilong Institut bilong Medikel Reses i bin painim ol i no long-taim bai i kamap tu long Goroka So long dispela yia.

Dispela em i namba wan taim bilong ol long lusim ples na go long narapela hap. Na tu em bai namba wan taim bilong ol long


kam aut long pablik.

Tupela man husat i stretim rot bilong ol long kamap long So em Mcg Taylor, ambeseda bilong Papua Niugini long Amerika na Dokta Carol Jenkins bilong Institut bilong Medikel Rises long Goroka.

Long Fonde nait, 10 Septemba, ol manmeri husat i stap long Bird of Paradise Hotel long Goroka bai lukim ol dispela lain i kaikai long hap.

Praim Minista Paias Wingti bai i opim So long Fraide, Septemba 11, long wan klok apinun.

Tinman bilong Mosbi



• Kinanam lane i raun painim ol tin i stap long Waigani Draiv long Mosbi.

OLGETA man, meri na pikinini long Mosbi i save lukim dispela man (poto) i wokabaut i stap long Mosbi.

Na oltaim em i save karim ol bikpela beg, gras tantanim na i doti nogut tru. Sampela lain i save ting olsem em i longlong man. Tasol em i gat tingting bilong painim mani na kaikai.

Dispela man em Kinanam lane.

Wok bilong Kinanam em long mumutim ol emti tin bilong ol sofdring. Em i save pulimapim pinis long beg bilong em na i go salim long ol sofdring kampani. Long wanpela beg we, i pulap olgeta, Kinanam bai kisim 80 toea.

Planti taim em i save raun long hap bilong Waigani na Hohola na Godens bilong painim ol emti tin.

Dispela em wanpela rot tasol bilong Kinanam long bungim inap mani bilong baim liklik skon wantaim botol sofdring bilong em. Na em i no man bilong pait o kros nabaut. Em i save stap isi tru.

OPM sutim tok

i kam long pes 13

Em i tok olsem ol pipel bilong ol boda ples i save wokabaut i go i kam long Jayapura bihainim pasin tumbuna. Planti i save wokabaut gut tasol ol liklik lain tasol i save wok olsem ol spai bilong ol Indonesia ami. Em i tok ol i save painimaut long ol wok bilong OPM na bes bilong ol na ripot long Indonesia ami.

Long bekim toktok bilong Tago, ol pipel bilong Wutung i tok dispela kain toktok i no gutpela. Bikos em inap long kamapim sampela trabel namel long PNG na Indonesia gavman. Na tu namel long ol OPM na ol asples pipel long boda.

Wanpela man bilong Wutung, Mark Ando i

tok planti toktok i bin kamap bihainim dai bilong Prawar. Olsem na ol i no klia long wanem toktok i tru na wanem i no tru. Em i tok ol lain husat i wok long mekim ol kain toktok nabaut i no save stap klostu long kem bilong ol OPM. Olsem na ol i no save long wanem samting tru i bin kamap. Na ol kain tok olsem i ken kamapim trabel.

Ando i tok sapos dispela tok bilong spai i tru, orait, gavman i mas lukluk long en. Bikos dispela i bikpela samting tru. Olsem na dispela toktok bilong gavman long wokim rot long Vanimo i go joinim Jayapura long Indonesia i gutpela tru. Na ol i mas kamapim kaikai long toktok bilong ol.

**Inogut
long stap
natin
long
TUDAK...**

**Baim pawa bil
nau na pawa
bai istap
oltaim**

ELCOM
Stap gut wantaim pawa.

WANTOK BISNIS LONG PAPUA NIUGINI WANTOK

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

	Smoke	F.M.S	Hot Air
SAMARAI	K231	K233	K236
KANDRIAN na NAMATANAI	K228	K230	K233
BUKA	K227	K229	K232
FINSCHAFEN	K223	K225	K228
LORENGAU	K198	K200	K203
KEREMA	K220	K222	K223
KARKAR	K200	K202	K205

CMB nau bai i no inap long kisim moa prais sapot long Gavman. Dispela i stap long Janueri 1, 1992

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
17/08	18/08	19/08	20/08	21/08

Pe ol baiya sasim long papa bilong fementri

K691	K689	K722	K738	K721
------	------	------	------	------

Sapot prais

K495	K495	K495	K495	K495
------	------	------	------	------

Prais ol papa bilong fementri i kisim

K1186	K1184	K1217	K1233	K1216
-------	-------	-------	-------	-------

KOPI

Pe bilong drai arabika na robusta kopi long wanwan kilogram long Aug 20, 1992. Dispela i karamapim prais bilong kopi long dua bilong faktori, na i no long sait bilong rot.

Arabika :

Kainantu	K0.92 to 100
Goroka	K0.90 to 93
Minz na Banz	K0.83 to 85
Hagen	K0.83 to 85
Lae	NQ
Mumeng	NQ
Wau/Bulolo	NQ
Madang	K0.75

Ol ripot i kam long Kopi Industri Kopresen. Mipela i no kisim ripot bilong Kunduwa, Wapenamanda, Mendi, Erap, Aseki, na Wasu.

Robusta :

Is Sepik	K0.60
Madang	K0.50

Ripot bilong ol arapela senta husat i save groim robusta kopi i no kamap.

RABA

Gavien faktori (ESP) - 21 1/2 kg
Doa faktori (Sentrel) - 36 1/2 kg inap long 39kg

KADAMON

Prais bilong kadamon em A. T. Agri Ejenji Pty Ltd long Madang i tok aut long en i stap olsem; Draji long san em namel long K0.80 na K1.10. Draji long fektori em namel long \$6.50 na \$8.00. A. T. Agri i lukaetim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	51.9 toea
Disil	38.8 toea
Kerosin	43.0 toea



Is Nu Briten win long wokim kopra

JAMES KILA i raitim

MAK bilong kopra em Is Nu Briten provins i bin kamapim long namba wan 6-pela mun long dispela yia i antap tru.

Ripot i kam long Kopra Marketing Bod i soim olsem Is Nu Briten i bin kamapim 19,798 tan kopra.

Bihain long Is Nu Briten em Madang wantaim 10,013 tan. Dispela mak i karamapim ripot i

kam long Madang na Karkar tasol.

Orait bihain long Is Nu Briten na Madang em Wes Nu Briten husat i kamapim 6,126 tan kopra. Na dispela ripot tu i karamapim tasol ol mak bilong kopra i kam long Kimbe na Kendrien.

Dispela ripot bilong CMB i tok Is Nu Briten i kamapim planti kopra bikos em i gat gutpela taim bilong san na ren na graun tu i gutpela. Olsem na ol diwai kokonas i karim gut tru. Long

mun Me, mak bilong kopra em ol plantasin i autim long Is Nu Briten i bin antap tru, inap long 3,937 tan. Na long mun Janueri i bin stap daunbilo tru inap long 2,041 tan.

Is Nu Briten provins tu i pulap tru long ol kokonas plantasin. Na ol dispela plantasin i no lukluk. Ol i bikpela tru. Dispela kain ol plantasin i stap long Kokopo, Duk ov Yok ailan na ol ples long Gazelle Peninsula.

Long bipo, Madang i save kam bihain long Not Solomons

provins long wokim kopra. Tasol hevi bilong Bogenvil i pasim ol wok kopra long Not Solomons, olsem na Madang i kalap i go antap.

Long nau yet wanpela depo tasol long Buka i wokim kopra bihain tasol long PNG ami i tekova long hap.

Ol bikpela kopra plantasin bilong Madang i stap long Karkar ailan, Sumgilbar na ol ples long Bogia distrik.

Ol wok long Ramu Suga go het gut

KLOSTU Ramu Suga bai kamapim mak bilong suga em i laik wokim long pinis bilong dispela yia. Na dispela em long 35,000 tan.

Dispela i kamap bikos kampani i wok long traim ol planti gutpela kain kain pikinini suga long ovasis. Na tu kain san na ren long Ramu i gutpela bilong diwai suga long kamap.

Jenerel menesa bilong Ramu Sugar Limited, Alexander MacGillivray i tok kampani i kamautim pinis tupela bikpela hip suga long Ramu na Gasup. Na nau em i wok long go het yet.

Em i tok long dispela yia, kampani i bin baim sampela kain kain pikinini suga long Australia bilong traim planim. Na long ol dispela, i bin gat 4-pela tasol we inap kamap gut long Papua Niugini. Na ol sik samting tu i no inap bagarapim.

Bikpela hevi bilong Ramu Suga olsem long 1986 em long ol kain kain binatang na sik nabaut. Long dispela taim, wanpela kain sik i bin kamap na bagarapim wanpela plantasin suga olgeta long Ramu.

Long nau yet, kampani i no save yusim moa ol marasin bilong kilim ol binatang na sik samting. Nau em i yusim tasol ol samting bilong graun yet long mekim olsem. Na dispela em i gutpela.

Narapela hevi tu em long draipela san.



Nupela haus maket...Klostu dispela nupela haus maket bilong salim ol kaikai long Goroka bai pinis. Dispela haus bai stap klostu long bikpela Goroka Maket. Na em bai i isi long ol manmeri long kam salim na baim ol samting. Foto: Sape Metta..

Yunien tok mak bilong nupela pe i no gutpela

JENEREL Seketeri bilong Amalgamated Jenerel Wokas Yunien, Andrew Kandakasi i tok olsem sapos mak bilong ol pe i senis, ol lain daunbilo tru bai kisim K45.92.

Kandakasi i mekim ol dispela toktok bihainim sampela tokwin i kam long Mimimem Wejes Bod. Siaman bilong bod em Margaret Elias.

Em i tok dispela mak bilong mani i soim olsem long nau yet, bod i no wari tumas long ol wokman na meri insait long kantri. Dispela i soim olsem em i stap bilong helpim ol risman na meri tasol. Na ol lain husat i save kisim mani antap long dispela mak.

Ol boda distrik no gat telipon

OL boda distrik bilong Oksapmin na Telefomin long Wes Sepik provins i no gat telipon.

Na dispela i no gutpela long ol wok sekyuriti long boda.

Rijonal memba bilong Wes Sepik, John Tekwie i tok long bipo yet i kam inap nau, dispela tupela

Jenerel Seketeri i tok dispela nupela mak i bilong helpim tasol ol gutpela wokman na meri. Na i no ol lain husat i save kisim pe aninit long dispela mak.

Em i tok sapos senis i kamap long mani bilong ol wokman na meri, orait, wankain samting tu i mas kamap long ol Konsuma Prais Indeks. Dispela em i bilong sapatim ol wokman na meri husat i save kisim mani aninit long liklik mak em bod i putim.

Em i tok tu olsem long nau yet, prais bilong ol kaikai samting long ol stua insait long taun i antap tumas.

hap i no bin gat telipon sevis.

Ol stesin long ol dispela distrik ya em Idam, Yapsie, kambi, Wasengla na Wutung. Olsem na memba i salim pinis wanpela pas i go stap wantaim minista bilong Komyunikesen, Martin Thompson long lukluk long dispela long baset bilong neks yia.

Eben Kaunsil amamas long 5-yia plen bilong Rabaul taun

RABAU L Taun Komisen i bin tokaut long namba wan 5 yia kopret plen bilong en taim ol lain bilong Eben Kaunsil i holim kibung bilong ol long Wes Sepik provins.

Insait long dispela plen i gat planti ol bikpela projek. Na dispela bai helpim long bringim moa long K5 milien i go insait long wok bilong komisen.

Wanpela praivet konsalten, Nelson Paulias i kamapim dispela plen. Na komisen wantaim ol arapela lain long provins i amamas tru long dispela plen.

Wankain toktok tu i bin kam long ol taun

siaman na menesa long dispela plen bilong Rabaul Taun Komisen. Tasol ol liklik taun kaunsil i tok dispela plen bai kostim bikpela mani moa.

Long dispela taim, siaman bilong Eben Taun Kaunsil, Raphael Doa i givim bikpela tok amamas i go long Rabaul Taun Komisen long dispela plen bilong en. Na em i askim tu ol arapela taun kaunsil na komisen long kamap wantaim kain plen olsem.

Long ol toktok bilong em, siaman i tok em i bikpela samting olsem olgeta taun kaunsil na

komisen i mas gat plen. Dispela bai helpim ol long save long wanem samting bilong mekim long wan wan yia.

Doa i askim tu olgeta kaunsil memba long wokwung wantaim provinsal gavman long painim ol rot bilong bringim mani i go insait long ol kaunsil na komisen bilong ol yet.

Kerema Taun Kaunsil tu i bin stap long dispela kibung bikos em i memba pinis. Olsem na dispela i bringim namba bilong ol memba kaunsil na komisen i go antap long 17.

WANTOK

BISNIS LONG PAPUA NIUGINI

WANTOK

PE BILONG
AIR NIUGINI LONG
PNG.TASOL

KISIM LONG I GO LONG PE BILONG	PE BILONG	KAGO
POM	Alotau	K101
POM	Daru	K117
POM	Goroka	K114
POM	Hoskins	K140
POM	Kavieng	K234
POM	Kundiawa	K113
POM	Lae	K95
POM	Madang	K129
POM	Manus	K206
POM	Mendi	K136
POM	Misima	K155
POM	Mount Hagen	K132
POM	Popondetta	K59
POM	Rabaul	K187
POM	Tabubil	K189
POM	Tari	K153
POM	Vanimo	K234
POM	Wapenamanda	K141
POM	Wewak	K180

Ol kago em hevi abrusim 16kg bai gat pe

Motukea ailan wel fektori i no stret yet

NESENEL gavman i mas tingting long laip bilong ol pipel pas-taim long em i go het wantaim plen bilong wokim dispela wel fektori long Motukea ailan ausait tasol long bikpela bris long Mosbi.

Wanpela mausman bilong ol papa graun na tu wanpela bisop bilong Yunaited Sios, Gagoa Gaigo i mekim dispela toktok bihain long em i harim olsem gavman bilong Praim Minista Paia Wingti bai go het wantaim plen bilong olpela gavman long wokim dispela fektori long Motukea ailan.

Bisop Gaigo i tok sapos gavman bilong Wingti i no lukluk

long wanem ol samting bai kamap long ol pipel bilong dispela hap taim fektori i wok, orait, dispela i soim olsem gavman i no mekim gutpela wok.

Seketeri bilong Tred na Industri, Robert Igara i bin sainim dispela agrimen bilong wokim dispela wel fektori long mun Jun long dispela yia.

Taim ol i sainim dispela agrimen, Robert Igara i bin makim gavman na siaman bilong Maldonado Pty Limited Fred Pepena Karava i makim Consortium Partness husat bai wokim dispela wel fektori.

Ol hap papa bilong Maldonado Pty Limited, em Tasman Pacific

International Pty Limited, Cur-tain Brothers (PNG) Pty Limited, PetroFact Incorporated bilong Texas, Amerika, Petimex Pty Ltd bilong Australia, Loius Dreyfes Energy Asia Pacific Pty Limited bilong Singapo na CMPS Oil na Gas bilong Australia.

Reveren Gaigo i tok toktok bilong wokim dispela wel fektori i bin kamap long wanpela bisnisman nem bilong em Tom Daure Jones. Em i bin tingting long em yet na i no tingting long laip bilong ol manmeri bilong dispela hap we fektori bai i kamap long en.

Na tu em i tok Jones i bin sanap long nesenel ileksen long

dispela taim.

Taim Jones i bin sanap long nesenel ileksen, em i askim Reveren Gaigo na ol narapela manmeri long dispela hap long sapotim em long ileksen bikos long dispela wel fektori.

Wanpela narapela papa graun na tu Jenerel Seketeri bilong Pasifik Kaunsol ov Sios, Reveren Dick Avi i tok ol toktok bilong Jones i bin kamap bikos dispela i bin ileksen taim. Na tu em i no wanpela papa graun.

Reveren Avi i tok em i bin kisim wanpela pas i kam long Jones. Insait long dispela pas, Jones i tok Bisop Gaigo i bin egensim em.

Kopi Industri Kopresen bai larim Pangu Grup i wok na bekim dinau

KOPI Industri Kopresen i tingting pinis long kisim bek 11.7 milien kina dinau mani bilong em long Panga Grup ov Kampani.

Kopresen na tu risiva bilong dispela kampani grup, Deloitte Ross Tohmatsu i tok orait pinis long bekim dispela mani.

Long namba 4 de bilong mun Jenuari long dispela yia, Panga i bin painim bikpela hevi. Em i bin gat bikpela namba bilong mani long baim ANZ beng na Kopi Stebelaisesen Fan.

Ol kampani husat i stap aninit long Panga Kampani Grup em Panga Coffee Pty Limited, Pous Trading Company Pty Limited, Kum Farming and Trading Company Pty Limited na Rui Planta-

tion Pty Limited.

Kopi Industri Kopresen na Panga Kampani Grup i bin kamap pinis wantaim wanpela tok orait bihain long tupela i stretim sampela ol samting bilong Panga Kampani Grup.

Siaman bilong Kopi Industri Kopresen Bod, Peter Kewa i tok long taim tupela i stretim ol toktok Kofi Industri Kopresen bai i givim sans long Panga long mekim wok bisnis bilong em na bekim dispela mani i go bek long Kopresen.

Mista Kewa i tok tupela wantaim i tok orait olsem risiva Deloitte Ross Tohmatsu bai baim 7 toya (toea) long wan wan kilogram i go long kopresen long olgeta kopi Panga i salim i go long ol narapela kantri.



• Long lephan em Jenerel Menesa Clive Taylor na Mil Menesa Collin Porter long raithan. Baksait long tupela em han bilong Poliamba Pty Ltd Wel Pal Mil long Lakuramau. Dispela mil i statim wok pinis long mun Julai long dispela yia. Mil i stap 80 kilomita ausait long Kavieng taun. Foto: Tony Sapan

Aitape asosiesen i askim long Maps Konstraksen

OL mausman bilong Aitape Wes Asosiesen i laikim memba bilong Aitape/Lumi i tokaut long hap em Maps Construction i bin kisim K30,000.

Na tu ol ripot i tok ol pipel i no klia long dispela konstraksen kampani na em i bilong husat tru.

Ol ripot em Aitape Wes Asosiesen i kisim i

tok memba Paul Mambei i bin aplai aninit long 1992 maina trenspot program bilong nesenel gavman na kisim K30,000. Na em i givim dispela mani i go long Maps Construction.

Mausman bilong Aitape Wes Asosiesen, Benedict Akuire i tok Maps Construction em i wanpela kontrak kam-

pani. Na sapos memba i kisim mani na givim ol, orait em i mas tokaut klia nau long mining bilong kampani Maps, husat em ol papa na dispela kampani i stap wok long wanem hap long Wes Sepik provins.

Akuire i tok long save bilong ol, i no gat wanpela kampani wantaim dispela kain nem i wok

nau long provins. Na ol i laik save sapos dispela i tru o nogat.

Sapos nogat, memba i mas tokaut klia long wanem hap dispela mani i go long en. Nogut em i giaman na kisim dispela mani.

Wantok Niuspepa i traime long kisim ol tok tok bilong Paul Mambei long dispela samting tasol i bin no inap tru. Long wanem em i no bin stap long opis bilong em long nesenel palamen na long ilektoret bilong em.

Ol papa graun bilong Mt Kare les long opim main

i kam long pes 3

kamapim gutpela wok wantaim ol.

"Mipela laikim maining i go het. Tasol mipela i no laikim ol lain husat i save giaman nabaut," Kambe i tok.

Olpela memba bilong Koroba-Lake Kupiago, Aruru Matiabe tu i no laikim main long op gen. "Mi belhat long gavman bilong Wingti bikos ol i no laik go pas long stretim dispela hevi. Samting mi laik lukim kamap em CRA mas baim kompensesen long ol lain bilong man plis i bin sutim long sampela wik i go pinis," em i

tok.

Em i tok ol i mas stretim ol olpela hevi pastaim orait ol i ken opim gen main. Em i tok gavman i wok long pasim maus long dispela taim. Na ol i no klia long tingting bilong em.

Maun Kare i bin pas long Januari bihain long sampela man i bin go bagarapim main ya. Klostu long 15 man i bin go na bagarapim ol samting long main inap long kos bilong K3 milien.

Helt inspekta rausim ol gavman opisa bilong Ihu long ol haus

OL pablik sevan bilong Ihu long Galp provins i gat hevi long haus.

Planti haus long Ihu i bagarap na i no gutpela bilong yusim.

I luk olsem planti opisa long Ihu distrik bai lusim haus bilong ol bikos dispela ol haus i no gutpela long ol man i stap long ol.

Helt Inspekta bilong Kerema i oraitim pinis Helt Ekstensen Opisa (HEO) long Ihu, Moses Uvaipi long sekim ol haus. Na stapim ol lain long stap long ol haus em i no gutpela long ol man i yusim.

Wanem ol lain i sakim tok bilong Helt Dipatmen long lusim ol haus bihain long 10-pela de bai sanap long kot.


Namba wan man long lusim haus em Distrik Fores opisa, Bonny Ando. Ol i bin painim haus

bilong Ando i bagarap na tokim em long lusim haus.

Ando wantaim famili i bin lusim haus na nau em stap wantaim sampela pren long Kerema.

Uvaipi i askim tu ol arapela HEO long ol arapela distrik olsem long Kikori, Baimuru, Kaintiba na Malalau long sekim ol haus. Em i tok sapos ol i wokim wok bilong ol long sekim ol haus, dipatmen bilong Galp i mas mekim sampela samting long stretim dispela hevi. Em i tok sapos dipatmen i no inap mekim, planti wokman bai lusim wok bilong ol.

Nau yet presiden bilong PEA long Galp, Gabi Gani i sapotim tru toktok bilong ol opisa. Ol pablik sevan i tingting long lusim wok sapos dipatmen i no stretim hevi bilong ol long haus.



• Nupela haus bilong gas wantaim olgeta mesin bilong holim gas. Dispela haus i stap long Porgera long Enga provins.

Pablik Akauns Komiti laikim nupela lo long stapim pasin bilong paulim ol pablik mani

PABLIK Akauns Komiti bai holim ol kibung wantaim Odita Jenerel na Seketeri long Dipatmen bilong Provinsal Afeas long 15 Septemba.

Long dispela kibung, komiti bai traim kisim ol ripot long wanem samting em opis bilong Odita Jenerel i mekim

long strongim seksen 5 bilong Odit Ekt. Dispela ekt i toktok long pawa bilong kotim na kalabusim man.

Insait long wanpela ripot bilong en, komiti i tok dispela ekt bai daunim dispela kain pasin bilong paulim na stilim pablik mani.

Ripot i tok long dis-

pela taim, komiti bai i laik painimaut tu long wanem samting Dipatmen bilong Provinsal Afeas bai mekim long senisim lo bilong ol Provinsal Gavman. Dispela em sampela bilong ol senis em Pablik Akauns Komiti i bin mekim taim em i kibung wantaim dipat-

men long mun Oktoba 1991.

Wanpela bikpela wari bilong komiti nau em long we ol provinsal gavman i save lukautim ol rekot bilong mani na ol narapela samting ol i yusim long provins. Na long bipo yet i kam inap nau, no gat wanpela bikpela samting i

kamap yet bilong traim senisim dispela.

Olsem wanpela liklik rot bilong statim ol samting, komiti bai toktok long kirapim ol trening progrem bilong ol opisa husat i save lukautim wok bilong mani long ol provins. Olsem bai ol inap ranim na lukautim gut

mani bilong ol provinsal gavman.

Ripot i tok long dispela taim, komiti bai askim tu praim minista long tokaut long wanem samting em ol wok painimaut i bin kamap long Pos na Telekomyunikesen i kamapim. Na sapos i tru olsem dispela ol paulwok na stilpasin i bin kamap.

Komiti tu i no amamas long planti pablik bodi i save bagarapim nem na wok bilong Salaris na Kondisens

Monitoring Komiti Ekt. Olsem na long mun Oktoba neks yia, Pablik Akauns Komiti bai holim wanpela kibung wantaim siaman bilong Monitoring Komiti long lukim wanem samting ol inap mekim.

Ol arapela samting em komiti bai kirapim toktok long en em:

- dispela Burns Pik haiwe;
- ripot bilong Flai Riva provinsal gavman; na
- Galp provinsal gavman.

Ol 10-pela minista tu bai kot long nesanel ileksen

i kam long pes 13

Komisen - Angoram.

Wes Sepik provins

Clarkson Dikinsep wantaim Bob Netin, Vimuru lagata na Ilektrik Komisen - Telefomin; Andrew Ambasi wantaim Christopher Sambre, Bob Netin, Vimuru lagata na Ilektrik Komisen - Nuku; Rex Namah wantaim John Tekwie na fopela arapela man - Wes Sepik provinsal.

Is Niu Briten provins

Thomas Tobunbun wantaim John Kaputin na Ilektrik Komisen - Rabaul; Ereman Tobaining wantaim Francis Koimanrea na Ilektrik Komisen - Is Niu Briten provinsal; Oscar Tammur wantaim Rabbie Namaliu na Ilektrik Komisen - Kokopo; Patrick Pagun wantaim Alois Koki na Ilektrik Komisen - Pomio.

Wes Niu Briten provins

John Dako wantaim Lukas Waka na Ilektrik Komisen - Wes Niu Briten provinsal; Caspar Null wantaim Peterson Lowa na Ilektrik Komisen - Talasea.

Not Solomon provins

Raphael Bele wantaim Joseph Igilio na Ilektrik Komisen - Sentrel Bogenvil; Peter Kungka wantaim Michael Laimo na Ilektrik Komisen - Saut Bogenvil; James Togel wantaim Michael Ogio na Ilektrik Komisen - Not Bogenvil.

Sauten Hailans provins

Kinda Nakesi na Topa Mata wantaim Daniel Tulapi na Ilektrik Komisen - Kagua Erave; Damien Arabagali wantaim Herowa Agiwa na Ilektrik Komisen - Koroba Lake Kupiago; Anderson Pawa na Paul Popo wantaim Dick Mone na Ilektrik Komisen - Sauten Hailans provinsal; Alfred Kaiabe wantaim Balus Libe na Ilektrik Komisen - Komo Magarima; Pundia Kange wantaim Roy Yaki na Ilektrik Komisen - Ialibu Pangia; Joseph Kobil wantaim Michael Nali na Ilektrik Komisen - Mendi.

Enga provins

Ronald Rimbao wantaim Masket langalio na Ilektrik Komisen - Wapenamanda; Tenda Lau wantaim Anton Pakena na Ilektrik Komisen - Laiagap Pogera; Joe Tenge wantaim Albert Kipalan na Ilektrik Komisen - Wabag; Mana Pakena wantaim Ilektrik Komisen - Kompam Wabum; Cornelius Kakale wantaim John Pundari na Ilektrik Komisen - Kompam Ambum.

Westen Hailans provins

Michael Mel wantaim William Ekip Wii na Ilektrik Komisen - Anglimp Saut Waghi; Joel Pawa wantaim Robert Nangle na Ilektrik Komisen - Baiyer Mul; William Wii wantaim Yenibal Aipe na Ilektrik Komisen - Not Waghi; James Kuru Kupul wantaim Kimb Tai na Ilektrik Komisen - Jimi.

Simbu provins

Brown Sinamoi wantaim Yauwe Riyong na Ilektrik Komisen - Chuave; Ludger Mond wantaim Ben Okoro na Ilektrik Komisen - Sinasina Yoggomugl.

Isten Hailans provins

Yuntiyui Bao wantaim Avusi Tanao na Ilektrik Komisen - Kainantu; John Giheno wantaim Viviso Seravo na Ilektrik Komisen - Henganofi; Jerry Kavori wantaim Mathias Karani na Ilektrik Komisen - Lufa; Kerua Horace wantaim Sowia Gunia na Ilektrik Komisen - Dauo.



Kisim gutpela sindaun long pikinini bilong yu

Yu save lukautim gut pikinini bilong yu. Nau yu mas tingting tu long givim gutpela sindaun long pikinini long bihain taim.

Olsem yu mas opim wanpela pasbuk akaun wantaim Nabawan Haus Moni bilong yumi. Stat nau long sevim moni long payim skul fees, baim ol buk bilong skul na givim gutpela

sindaun long pikinini nau bai em i kamap strong.

Askim nau ol wokmanmeri long PNGBC long opim wanpela pasbuk akaun na ol arapela sevis em yu laikim.

Mipela ken halivim famili bilong yu kisim gutpela sindaun long bihain taim... emi tru!





□ BIKPELA pikinini bilong Kanage i stap long yunivesiti yet na Kanage i makim wanpela meri long ples pinis. Pikinini bilong Kanage i pinisim skul na i go long ples. Kanage i lukim em na amamas tru long pikinini bilong em bai maritim meri em i makim long en. Olsem na em i tokim pikinini bilong em. Yumi mekim pasin tumbuna na yu maritim dispela meri bilong ples. Tasol pikinini bilong em i gat wanpela meri tu long yunivesiti olsem na em i no laik long maritim ol meri bilong ples. Kanage i suvim pikinini bilong em i go na tupela i kros nau. Kanage i belhat na tokim pikinini bilong em, "Son when I said you wife it, you wife it, OK? and forget about wifing knowledge girls."

Bronco Herman,
KAVIENG.

□ Kanage na Pius i go raun long Mosbi taun. Bihain Kanage i tokim Pius olsem olgeta taim em i save flai aut-flai in long Mosbi tasol em i no save lukim Sea Park bilong Mosbi.

Wanpela taim tupela i go raun gen long Mosbi taun na bihain tupela i go long daun long Ela Beach. Tupela i go sanap antap long Sea Park na Kanage i lukluk i go daun long solwara na em i lukim planti pis swim insait long wara. Em i kirap na tokim Pius, Pius O Yak-Ga, Em i pisi o dorobin. Poro bilong Kanage i harim na em i paul stret long toktok bilong em.

Charlie Koru
BARAMANDI KANTRI

□ Wanpela taim Kanage go huk na meri bilong em i slip i stap long haus. Wanpela yangpela man i go na slip wantaim meri bilong Kanage. Kanage i kam bek na paitim dua bilong haus. Yangpela man i harim na kalap i go aut long windua.

Kanage i kam insait na hatim meri bilong em i go na em i tokaut long dispela manki ya. Kanage i go na tokim lapun mama bilong dispela manki. Lapun mama i kalap na tokim Kanage "Iarim em, em lainim draiv tasol ya." Man, taim Kanage i harim olsem het bilong em i paul stret. Druvin Kay KAVIENG

Kapul bilong Pangia kamap long man

BIPO tru long taim bilong ol tumbuna, wanpela yangpela meri wantaim brata bilong em i bin stap long wanpela liklik ples ol i kolim Kauo long Pangia distrik long Sauten Hailans provins. Nem bilong yangpela meri em Karue na man em Kali.

Tupela yangpela ya i liklik yet taim mama na papa bilong ol i dai. Na tupela i bin lukautim ol yet i go na ol i bikpela. Pastaim long mama na papa bilong tupela i dai, tupela i wokim ol gaden na planim planti kaikai arere long haus bilong ol.

Olsem na taim tupela dai, tupela yangpela ya i kisim ol dispela kaikai na lukautim tupela yet. Tupela i save stap amamas tasol bikos ol i gat olgeta samting olsem klos, abus na kaikai. Tupela i gat wanpela liklik pik tu i stap arere long haus.

Wanpela taim, Karue i tokim brata bilong em Kali olsem em i no save kaikai abus planti taim na i laikim sampela abus. Toktok bilong Karue i sutim bel bilong Kali na em i tokim susa bilong em long redim kaikai bilong tupela, na moning em bai go painim sampela abus. Karue i stretim samting bilong Kali na em i taitim rop long liklik pik na tupela i wokabaut i go long gaden.

Taim tupela i kamap Karue i pasim pik long diwai na em i go insait long gaden na painim kaikai.

Kali i go long bus na painim abus i stap. Klostu i laik tudak, Kali i kilim 5-pela kapul. Tasol em i gat bikpela laik yet long kilim wanpela pik. Olsem na em i stap i go inap ples tudak olgeta.

Em wokabaut hariap i kam lukim susa bilong em long



gaden. Karue i kisim olgeta kaikai na sindaun wetim em long tupela i go long ples. Tasol taim Kali i kamap, em i givim ol kapul long susa na tokim em long wokabaut bihainim em na em bai i go pas long ples. Em i go waswas pinis na sindaun

wetim susa bilong em long kam kukim kaikai na tupela kaikai. Em i sindaun wet i go longpela taim na em i belhat bikos em i hangre nogut tru.

Taim susa bilong em i kamap, Kali krosim em nogut tru. Karue i wari long dispela na putim het i go daun na

Krai. Em i tingting i go bek long mama na papa bilong tupela. Na no gut wanpela bilong tupela i bin mekim kain pasin olsem long em.

Kali i kirap kaunim ol kapul painim olsem wanpela i no stap. Olsem na em i askim susa bilong em, "Wanpela kapul i go we na yu kisim 4-pela tasol i kam?" Karue i no bekim toktok olsem na Kali askim em long kisim olgeta kapul i go long em.

Karue belhat na tromoi ol kapul antap long em na tokim em long kaikai olgeta kapul wantaim skin. Kali i harim olsem na i no mekim wanpela samting long susa bilong em. Bikos tupela tasol i stap long dispela ples.

Bihain em lukluk long bodi bilong susa bilong em na askim, "Susa, em wanem tupela samting i hangamap antap long bros bilong yu?" Na Karue i tokim em olsem em tupela susu bilong em.

Kali i lukluk long bodi bilong em gen na askim long ol narapela hap bilong bodi bilong susa bilong em. Susa bilong em i painim toktok i stap na hariap tru em i tasim bodi bilong em. Taim Kali i tasim susu bilong susa bilong em, olgeta samting insait long haus i senis na em yet i tainim i go kamap olsem wanpela bikpela man kapul.

Nau em i wokabaut i go insait long bus na lusim susa bilong em tasol i stap long haus. Nau Papua Niugini i gat planti kapul na planti i gat ol bikpela lek na han olsem ol man.

Ol i save long ples Kauo long Pangia distrik bilong Sauten Hailans provins.

Inni na Benjamin A,
Voco Point, LAE.

Meri gat ol kain kain kibung long apinun



Dia Laiplain,

Mi na meri bilong mi i wok long taun na mitupela i gat 4-pela pikinini. Tasol nau mi gat bikpela wari bikos mitupela i no sindaun gut wantaim Sampela taim mitupela i traim long stretim hevi bilong mipela yet tasol mi no save amamas long o bekim bilong en.

Meri bilong mi em i wanpela komiti memba bilong komyniti na sampela taim bihain long wok, em i save go long kibung bilong ol komiti. Mi lukim olsem em i putim planti taim bilong em long wok bilong komyniti na lilik taim wantaim mi na ol pikinini.

Long tingting bilong mi, mi ting olsem olgeta pikinini i mas save

gut olsem ol i gat mama na papa bilong ol i stap wantaim ol long olgeta taim.

PRIORITIES

Dia Pren, Gutpela long yu painim sampela rot bilong traim stapim hevi insait long famili.

Yu tok olsem meri bilong yu i no stap gut wantaim ol pikinini long haus bikos planti taim em i go long kibung bilong komiti bihain long wok na tu long sampela wiken. Na em i no save tingting long i stap wantaim yu na ol pikinini sampela taim.

Na tu yu tok olsem em i no mekim wok bilong em long haus. Bikos olgeta taim em i save lusim ol pikinini i stap wantaim yu na em i go aut long kibung.

I luk olsem meri bilong yu i mas go sampela taim long kibung na ol arapela taim long stap wantaim famili. I gutpela sapos em i stretim ol

taim bilong em wantaim yu na ol pikinini.

Em i mas tok save long yu na ol pikinini pastaim long wanem hap em bai i go. Na tu, long wanem taim em bai kam bek long haus na stap wantaim ol pikinini. Mipela i bilp olsem long sampela taim, meri bilong yu i save stap wantaim na lukautim ol famili. Bilong wanem tru na yu tok olsem em i no gutpela long em i go long kibung bilong komiti olgeta taim bihain long wok.


Yu bin tok olsem yu traim long toktok long dispela hevi wantaim meri bilong yu tasol yu no amamas long ol bekim bilong en. Na tu yu no klaim tingting bilong mipela long wanem samting yutu-

pela i bin toktok long en.

Wanem rot yu bin go long en long stretim hevi bilong yutupela. Yu bin askim em tu, long wanem na em i no save stap wantaim yu na ol pikinini long apinun. Na tu bilong wanem na em i mekim dispela kain pasin olgeta taim? O yu tokim em long wanem samting yu bin tingting long en?

Nau yet yu no bin tokim mipela long wanem hap yu save go long en bihain long wok. Sampela taim yu bin go aut long lukim ol wantok o pilai spot tu o nogat? Yu bin harim meri bilong yu i toktok tu long sampela yu bi mekim samting olsem o nogat?

LAIPLAIN



• Longpela bilding long Mosbi....Nupela opis bilong Eksais na Kastoms long Daun Taun Mosbi. Dispela em wanpela bilong ol bikpela bilding ol i sanapim long Mosbi siti.

Salim ol hevi na wari bilong yu i kam long LIFELINE, P.O. Box 6047, Boroko. Yu ken ringim mipela tu long telipon namba 26 0011. Mipela i no inap autim trupela nem bilong yu long hia.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik.advertais, telepon 25 2500 na askim long

PH: Miri Aiori - Ext. 203
John Iagata - Ext. 215
Kosinto Fosagu - Ext. 216
Bonner Hui - Ext. 202



**FAX NAMBA
I SENIS**

**STAT LONG 5 KLOK APINUN
LONG 14 OGAS, 1992**

Fax namba bilong Nesenel Disasta na Imejensi Sevises i bin senis. Olpela namba i bin 21 4861. Tasol **NUPELA NAMBA** nau em **25 0938**. Mipela i laik tok sori sapos dispela senis i bin kamapim sampela hevi.

TENKYU TRU



**KAM NA LUKIM MIPELA LONG
OLGETA SAMTING YU LAIKIM
LONG WOK WANTAIM LEKTRIK
PAWA**

- OL SPEAPAT
- OL TUL
- OL LEKTRIK SAMTING
- STRETIM OL TELEVISEN, REDIO na ol arapela samting bilong wok long pawa.

*MIPELA I STAP LONG KONA
BILONG WARDS ROT NA SPRING
GADEN ROT long HOHOLA,
N.C.D.*

**All the
league news
when it happens!
every week in your
Wantok & Times**



BUSINESS AWARDS

The Times, Air Niugini and Travelodge wishing to promote Excellence in Business in Papua New Guinea have joined together to present three prestigious Business Awards.

BUSINESSMAN - Sponsored by Ela Motors

BUSINESSWOMAN - Sponsored by Steamships Trading Company

SMALL BUSINESS - Sponsored by Australia - Papua New Guinea Business Council

The **BUSINESSMAN OF THE YEAR** will receive two return AIR NIUGINI tickets to Brisbane with six nights accommodation at the BRISBANE CITY TRAVELODGE and a trophy donated by ELA MOTORS.

The **BUSINESSWOMAN OF THE YEAR** will receive two return AIR NIUGINI tickets to Brisbane with six nights accommodation at the BRISBANE PARK ROYAL and a trophy donated by STEAMSHIPS TRADING COMPANY.

The **SMALL BUSINESS OF THE YEAR** will receive two return AIR NIUGINI tickets to Cairns with five nights accommodation at the PALM COVE TRAVELODGE and a trophy donated by the AUSTRALIA - PAPUA NEW GUINEA BUSINESS COUNCIL.

Nominations for these awards should be made on the form below and sent to: The Times Business Awards, P.O. Box 1982 BOROKO, N.C.D.

All nominations will be treated by the panel of judges in the strictest confidence.

"Businessman, Businesswoman and Small Business of the year"

Name of the Business person: Name of Business he or she operates:

Address of the Business he or she operates: Telephone:

Time since business commenced years

Nature of business:

Your reason for nominating he or she to be BUSINESS PERSON OF THE YEAR
(eg: Created new job, created new export market, found new uses for local produce and mentioned its special achievements)

.....
.....
.....

* Please tick the box below to identify the award you are nominating.

(1) Businessman (2) Businesswoman (3) Small Business

Nominated by
Name: Address: Telephone:

EXPORT AWARD:
The prize winner will receive two return air ticket to Brisbane courtesy of Air Niugini with six nights accommodation at DOCKSIDE PARK ROYAL APARTMENTS OF TRAVELODGE HOTELS.

Note: Growth in turnover, profitability, employment and the type of business are essential considerations. So be specific when nominating.

Nominations close on October 23rd 1992.

PAPUA NEW GUINEA EXPORT AWARD 1992

This annual competition for the Papua New Guinea Export Award is now on again.

The competition is open to exporting companies with at least 75 percent national ownership.

WHAT TO DO:
Provide supporting details of your company's export achievements in 1991, eg, volume percentage increases, new markets, new products, etc.

Send your details to: The Marketing Manager
Times of Papua New Guinea,
P.O. Box 1982,
BOROKO, N.C.D.

CLOSING DATE: 23rd October, 1992

PRIZE: The Award will be presented by His Excellency, The Governor General, at the Papua New Guinea - Australia Business Council Annual Dinner on 5th November, 1992.

For enquiries, ring telephone 25 2500 and ask for William Kotson

PROUDLY SPONSORED BY
SHELL PAPUA NEW GUINEA PTY LIMITED



BENSON & HEDGES SOFTBALL

Wantok

Ol Mosbi junia bai opim nesanel sempionsip

MESERY GUBAG i raitim

OL primia tim bilong Junia Sofbal Resis long Mosbi bai pilai long opim nesanel sempionsip long mun Septemba.

Na dispela em long kirapim bel bilong ol arapela senta long kamapim ol junia sofbal resis long ol provins bilong ol yet. Bikos ol representativ bilong Papua Niugini

ni long bihain em ol yangpela pipel bilong nau.

Na tu dispela kain progrem bai apim mak bilong sofbal insait long kantri na long ol intanesenel gem. Presiden bilong PNG Sofbal Fed-eresen, Jack Pidik i tok olsem.

Em i bin mekim ol dispela toktok long taim bilong givim ol tropi i go long ol tim husat i win long junia sofbal resisi long Sarere, Ogas 22 long Mosbi. "Mipela i bin toktok long kamapim dispela resis long

bipo yet. Na dispela yia em i namba wan taim bilong holim tru dispela resis," em i tok.

"Nau long stat bilong fainal, mi bin sindaun na lukluk long gem bilong yupela. Na mi lukim sampela gutpela pilai i kamap long sampela bilong yupela. Dispela i soim olsem yupela inap long pilai long ol taun na representativ gem," Pidik i tokim ol yangpela husat i pilai long dispela resis.

"Planti ol pilaia bilong ol sofbal klap i bin stap tu. Olsem na yupela i no ken kirap nogut sapos ol i kam askim sampela bilong yupela long pilai long ol sampela divisen bilong ol bihain. Bikos mi yet i bin amamas tru long lukim stail bilong gem bilong sampela bilong yupela," em i tok.

Ol lain husat i bin winim maina primiasip taitel em long anda 15 man Fuji na meri Marianville.

Anda 18 man em Gerehu haikul na meri em Gordons haikul. Junia Sofbal komiti i bin givim tu ol tropi i go long ol gutpela pilai long wan wan posisen bilong sofbal. Na ol lain husat i bin kisim tropi bilong ol nambawan pilaia em long anda 15 man em Bernard Junior (NGI), meri Aida Roberts (Malangan), anda 18 man em Henry Bae (Don Bosco) na meri em Leoni Agilio (Marianville).

Gerehu autim maina primiasip taitel bilong Mosbi junia sofbal resis

MESERY GUBAG i raitim

ANDA 18 divisen bilong ol Gerehu haikul man i bin autim maina primiasip taitel bilong junia sofbal long Sarere, Ogas 22.

Ol i winim Laloki haikul, 13-11. Tupela tim wantaim i bin kamapim wanpela naispela pilai tru. Long stat bilong gem yet, ol pilai bilong ol i bin smat tru.

Pitsa bilong Laloki i soim gutpela stail bilong pits na ol lain bilong em i no sotwin long autim ol beta bilong Gerehu. Gerehu tu i bin bet gut long taim ol i paitim bal.

Olsem na bal i wok long flai nabaut i go long ol aufilda taim ol i bet.

Laloki i pilai gut tru long olgeta eria tasol bekap pilai bilong ol tasol i bin mekim na ol i salim skin long Gerehu. Na tu ol i bin tromoi ol kranki bal na abrusim han bilong ol ketsa long bes. Olsem na ol mangi Gerehu i bin mekim sampela hom ran na go pas long tripela poin.

Bihain long dispela, ol i lokim ol Laloki na ol i no bin gat sans long salim ol beta bilong ol i go hom. Long namba 7

ining, Gerehu i win long tripela poin taim skoa i stap long 13-11.

Long ol narapela divisen, anda 15 man; Fuji winim De La Salle 12-8 na long anda 15 meri, Marianville 15 na

Nesanel sempionsip long Septemba

MOSBI bai banisim primiasip taitel bilong ol long Nesanel Sofbal sempionsip neks mun, Septemba 12-16 long asples bilong ol.

Ol tim husat bai stap insait long dispela resis i mas memba bilong Papua Niugini Sofbal Federesen. Rejistresen fi bilong wan wan klab husat bai pilai long sempionsip em K150.

Seketeri bilong PNGSF, Michael

Fuji 8. Anda 18 maina primiasip taitel bilong ol meri i bin dai long bros bilong ol Gordons taim ol i brukim bun wantaim ol Marianville. Gordons i winim Marianville 7 - 6.

Vaglia i tok olgeta tim i mas bringim namel long 14 na 17 pilaia. Dispela i no kaunim ol opisal bilong gem.

Bikos bai i gat sampela kain pilai long opim dispela sempionsip.



Bikpela amamas...Primia tim bilong Mosbi anda 18 junia sofbal resis, Gerehu haikul i amamas long bikpela win bilong ol long wiken. Nau ol bai redi long pilai na opim 1992 nesanel B&H taitel long neks mun.

Resis long Bomana i hat nau

FRANCIS ULIAU i raitim

TUPELA A gret gem bilong dispela wiken long Bomana op sisen sofbal resis bai i gutpela tru long lukim.

Namba wan gem em dispela pilai namel long Bomana 2 na Gordons long samting olsem hap pas 2. Na narapela em bikpela gem bilong Sande apinun namel long McGregor na Dog Unit.

Ol dispela gem i gutpela bilong lukim long wanem tupela tim namel long ol bai taitim bun tru bilong strong na win. Sapos Gordons na Dog Unit i win, tupela bai kalap i go antap wantaim Prontos long 12 poin. Long nau yet, tupela wantaim i gat 10 poin na i stap namba 5 (Gordons) na 6 (Dog Unit) ples.

McGregor i bosim namba tu ples long A gret lata wantaim 15 poin na Bomana 2 i stap long namba 4 ples wantaim 11 poin bihain long ol pilai bilong las wiken.

Narapela tim husat bai pait hat tu long win long dispela wiken em Prontos. Ol bai bungim lida bilong resis nau em Games Village (18 poin) long namba wan A gret gem long Sande apinun.

Ol meri long Prontos i mas malolo gut na kamap long pilai graun long Sande long wanem, tupela narapela las gem bilong ol long sisen i no isi gem. Ol bai bungim Bomana 2 husat i wok long ron klostu klostu long ol neks wik na long las Sande bilong sisen, ol bai bungim ol meri nogut bilong McGregor.

Na dispela tupela las gem bilong Prontos em i no isi. Sapos em i lus long wanpela, dispela inap bagarapim sans bilong ol long go insait long fainal.

Bihain tasol long gems komiti i rausim Wild Ducks long resis bilong A gret bikos ol i lus long fofit tripela taim, 4-pela tim nau bai laki long kisim ol tupela fri poin.

Namba wan em ol lain meri bilong Games Village 1. Long dispela wik em ol meri bilong Bomana 1 long bringim poin bilong ol long lata i go antap long 10 poin. Olsem na dispela tu i suvim ol lain

long Gordons na Dog Unit long strong na winim ol gem bilong ol. Bihain long neks wik, Gordons gen bai kisim tupela isi poin na go antap long 12 poin na las tru em Dog Unit.

Olsem na wantaim ol dispela kain liklik senis, Gordons na Dog Unit i gat bikpela sans yet bilong go insait long ol fainal. Bikpela askim nau i stap long ol meri Prontos na Bomana 2.

Olsem Prontos, Bomana 2 tu i gat ol bikpela gem i stap yet bilong pilai. Na em i mas win long kisim wanpela spes long fainal lista. Long dispela wiken, ol bai bungim Gordons 1. Na ol meri long Gee bareks tu i laik win, olsem na ol lain Bomana i mas strong.

Long neks wik, em bai bungim wankain strongpela salens i kam long ol hos nogut bilong Prontos. Ol meri long Bagita i save olsem ol i mas winim olgeta las tripela gem bilong ol, na ol i no inap givim sans. Olsem na Bomana 2 i mas painim sampela trik nabaut bilong paulim ai bilong ol pilaia bilong Prontos na salim ol beta bilong ol i kam hom.

Ating las gem bai i orait liklik bikos em bai bungim ol susa bilong en yet long tim wan. Sapos ol biksusa i marimari, ol inap givim tasol gem long ol liklik bilong ol na larim ol i go insait long fainal.


Long ol narapela bikpela samting, ol bos bilong resis i orait pinis long statim gen ol resis bilong ol junia tim.

BOMANA SOFTBALL ASSOCIATION

For all grades: SUNDAY 30/08/92

WEEK TIME	TWELVE GRADE	TEAM	GROUND
1 00pm	A	Bomana 3 vs Gordons 2	D2
1 00pm	B	Prontos vs G/Village 1	D1
2 30pm	A	Bomana 2 vs Gordons 1	D1
2 30pm	B	Kaugere vs G/Village	D2
2 30pm	Jnr	G/Village vs Gordons	D3
4 00pm	A	McGregor vs Dog Unit	D1

A Grade: Bomana 1 "Bye"
B Grade: Rebels "Bye"
Juniors: Bomana "Bye"



KOOL

1992 PNG SNOOKER TITLES



Madang 18 - 19 - 20 Sept

**1992 KOOL P.N.G.
SNOOKER TITLES**

**18 - 19 - 20 September
at MADANG**

Nominations are being accepted for the National Titles and should be forwarded with entry fee of K40 by the 7th of September to:-

President
Madang Club
P.O. Box 2, Madang.
Fax: 82 2694

Dress standards will be strictly enforced and P.N.G. Snooker Association Rules will apply.

ENTRY FORM

Name:.....

Club:.....

Contact:.....

Nominations will be accepted at the Committee's discretion.

This Tournament is proudly supported by:

BOROKO MOTORS, D & S
SEKO, M & S TSANG,
UNITED PACIFIC
DRILLING & ZORBA
ENGINEERING

ANZ, PNGBC, Westpac;
Air Niugini, PNG Bond Store,
Rabtrad, S.P. Holdings & Coastal
Automotive

PORT MORESBY SOCCER ASSOCIATION POINTS LADDER

Table with 8 columns: TEAMS, P, W, D, L, F, A, PTS. Lists Premier Division Week 17 results for teams like Uni, Guna, K. Andra, Rapatona, Westpac, Koupa, GFC, Amalapak, Sobou, BFC, B. Kumuls, Golo.

P/Reserve Division Week 18

Table with 8 columns: TEAMS, P, W, D, L, F, A, PTS. Lists P/Reserve Division Week 18 results for teams like Guna, GFC, Golo, Amalpak, Uni, K. Andra, BFC, Rapatona, Westpac, Sobou, Koupa, B. Kumuls.

U/19 Division Week 19

Table with 8 columns: TEAMS, P, W, D, L, F, A, PTS. Lists U/19 Division Week 19 results for teams like B. Kumuls, Westpac, GFC, Maset, Golo, Guna, Amalapak, Sobou, Rapatona, Uni, Koupa, Mt. Obree, Gala UTD, B. Mitas, K. Andra, BFC.

Womens Division Week 18

Table with 8 columns: TEAMS, P, W, D, L, F, A, PTS. Lists Womens Division Week 18 results for teams like Wanzesi, P.T.C, Sunam, Uni, Guna, G.F.C, Waliya, Amalapak, Sobou, K. Andra, B. Kumuls, Kula, Tarangau, Sogeri, B.F.C, T. Yellow p, P.M.G.H, Golo, Koupa.

First Division Week 17

Table with 8 columns: TEAMS, P, W, D, L, F, A, PTS. Lists First Division Week 17 results for teams like Verave, Moukasi, P.T.C, B. Mitas, Sunam, Maset, A. Bay, S.T.C, Wanzesi, Defence, Boroko UTD, Tarangau, Kula, P.S. Roots.

Second Division Week 17

Table with 8 columns: TEAMS, P, W, D, L, F, A, PTS. Lists Second Division Week 17 results for teams like Waliya, Mt. Obree, Kinhill, Hoods, Fisika, Gala UTD, P.M.G.H, Buresong, C. Bay, Tubi, T. Yellow p, B. Mitas, A. Bay.

PORT MORESBY SOCCER DRAW SATURDAY AUGUST 29, 1992. WEEK SEVEN ROUND 2

Table with 4 columns: TIME, DIVISION, GRD, FIXTURE. Lists soccer matches for Saturday August 29, 1992, including fixtures like Westpac vs Sobou, Wanzesi vs Kula, Waiya vs T. Yellow Page, and various reserve and women's fixtures.

SUNDAY AUGUST 30

Table of soccer fixtures for Sunday August 30, including matches like Bao-Mitas vs Kin Hill Krammer, Amason Bay vs Bao-Mitas, Boroko vs PS Roots, Guna vs K/Andra, and various reserve and U/19 fixtures.

Byes: Women Sogeri, Second Hood, Cloudy Bay, Fisika, Tubi, Mt. Obree. U/19 Division will play double games in order to catch up.

MT. HAGEN SOCCER ASSOCIATION RESULTS OF LAST WEEKEND MATCHES.

Table of results for Mt. Hagen soccer association, including matches like Kilibobo 2 W Westpac 0, Sunam 4 W BFC 1, H/United 2 F W/Tok 0, and Westpac 3 W Kilibobo 2.

FIXTURES FOR THIS WEEKEND SUNDAY 30th AUGUST 1992:

Table of fixtures for Sunday August 30, including Sunam v BFC Snr at 1:30 and Hagen v Wabag Friendly at 3:00.

MT. HAGEN SOCCER ASSOCIATION POINTS LADDER

Table of points ladder for Mt. Hagen soccer association, listing teams like Westpac, Tarangau, H/United, Kilibobo, Sunam, BFC, and W/Toks with their respective points.

Table showing results for Women's fixtures, including Sunam 12, H/United 11, Tarangau 11, W/Toks 5, and Kilibobo 1.

Table showing results for Jnr fixtures, including Sunam 13, H/United 12, Westpac 12, W/Toks 8, Kilibobo 7, and BFC 2.

RABAUL WINFIELD LEAGUE

Preliminary Final

Saturday 29th August, 1992

8.00pm Royals vs Crusaders

This game was cancelled last week due to a sit-in-protest by Brothers officials and players for the inclusion of the Crusader team to preliminary final.

Table of fixtures for Rabaul Winfield League, including matches like B Norths vs PTC Easts, B Tarangau vs Seagulls, B Bala vs Royals, A Norths vs PTC Easts, and A Bala vs Royals.

Sunday 12th July, 1992

Table of fixtures for Sunday July 12, 1992, including matches like B Muruks vs Crusaders, B Brothers vs Panthers, A Tarangau vs Seagulls, A Brothers vs Panthers, and A Muruks vs Crusaders.

Kokopo Show Ground Junior Grades

Saturday 11th July, 1992

Table of fixtures for Kokopo Show Ground Junior Grades, including matches like U/17 Muruks vs Crusaders, U/17 Tarangau vs Seagulls, U/17 Brothers vs Panthers, U/19 Muruks vs Crusaders, U/19 Tarangau vs Seagulls, and U/19 Brothers vs Panthers.

Sunday 12th July 1992

Table of fixtures for Sunday July 12, 1992, including matches like U/17 Norths vs PTC Easts, U/17 Royals vs Bala, U/19 Norths vs PTC Easts, and U/19 Royals vs Bala.

ENGA SOCCER ASSOCIATION RESULTS FOR WEEK-END 15th/16th AUGUST 1992

Competition games

Table of competition game results for Enga Soccer Association, including Juniors (Elcom/GPS 3 vs Buresong 0) and Seniors (Elcom/GPS 1 vs Magani 1, Luth. Yuth 1 vs Teachcom 1, Moku 0 vs Bursong 5, United 2 vs Tarakum 2).

ENGA SOCCER ASSOCIATION POINTS TABLE AS AT 24th AUGUST 1992:

Senior Men

Table of points table for Senior Men, listing teams like Buresong, Lutheran Yth, United, Tarakum, Teachcom, Elcom, Moku, and Magani with their respective P, W, D, L, G/F, A/G, G/D, and PTS.

Junior Men

Table of points table for Junior Men, listing teams like Lutheran Yth, Magani, Teachcom, Elcom/GPs, Moku, and Buresong with their respective P, W, D, L, G/F, A/G, G/D, and PTS.

Women

Table of points table for Women, listing teams like Lutheran Yth, Teachcom, Moku, Magani, United, and Tarakum with their respective P, W, D, L, G/F, A/G, G/D, and PTS.

ENGA SOCCER ASSOCIATION WABAG

Final play-off games for 29th/30th August sixth leg of the third round

SATURDAY AUGUST 29 GROUND NO.2

Table of fixtures for Saturday August 29, Ground No. 2, including Elcom/GPs vs Teachcom (Jr) at 3:00pm and L. Yuth vs Magani (Jr) at 4:30pm.

SUNDAY AUGUST 16 GROUND NO. 2

Table of fixtures for Sunday August 16, Ground No. 2, including Buresong vs L. Yuth at 3:00pm, 1st placed vs Tarakum at 4:30pm, and United vs 4th placed (Sr) at 4:30pm.

INTER-BANK NETBALL DRAW

Thursday, August 27, 1992.

Table of netball fixtures for Thursday August 27, 1992, including matches like ANZ vs Indosuez, Westpac(BKO) vs PNGBC(2), PNG(1) vs AGBK, and BSP vs BPNG.

Tuesday, September 1, 1992.

Table of netball fixtures for Tuesday September 1, 1992, including matches like BPNG vs AGBK at 5:15pm, Westpac vs BSP at 5:15pm, and PNGBC vs ANZ at 5:15pm.



Meri miksblut i gat stail long Madang

BEN TAUMAI i raitim

STORI BILONG PILAIA

WANPELA yangpela meri bilong tupela blut, Karkar long Madang na Goroka i driman tasol long werim jesi bilong Madang longs neks yia.

Em i save kamapim gutpela banis tru long tim bilong ol meri Waskia long Madang. Tasol ol selekta i no makim em long stap insait long trening skwat bilong Madang long dispela yia.

Dispela meri em:

Nem: ORCHY MAI

Krismas: 17 yia

Ples: Goroka na Karkar

Wok: Sumatin

Klap: Waskia, Madang

Posisen: Swipa na Stopa

Namba wan kik: Long las yia tasol

Laikim ol narapela spot: Soka na Basketbal.

Kosa bilong em, Sapub Mamos i tok Orchy em i wanpela gutpela pilaia tru. Na em i gat bilip olsem dispela yangpela skulmeri bai wokim nem na makim Madang long neks yia.

Em i tok, "Nau ol i no makim em, tasol em i orait. Bikos em bai stap na helpim Waskia long kik insait long Madang fainal resis."



Laden soka tonamen i gat nem long Madang

OL ogenaisa bilong Laden Soka tonamen long Bogia i singaut long PNG Futbal Asosiesen (PNGFA) long luksave long dispela tonamen.

Kodineta John Ignatius Zoromota i autim dispela toktok bikos dispela tonamen i wok long bungim ol pipel insait long Bogia Districk long Madang.

Zoromota i tok long dispela yia, sem tonamen bai kamap gen long Independens wiken.

Tonamen bilong dispela yia bai winim tru ol arapela yia bikos 7-pela senta ausait long Bogia bai salim tim bilong ol. OL senta ya em Lae, Wau, Goroka, Mendi, Kalibobo (Madang), Hagen na

Mendi.

Hagen em sempion tim bilong Laden tonamen las yia.

Zoromota i tok Bogia bai putim 7-pela tim long dispela resis. Ol tim ya em Kaiten, Vitos, Kamado, Brothers, Takarara, Lilau na Yawale.

Yaibobo bai salim tupela na Almani bai salim arapela 8-pela-

Sans bilong ol tim long Mosbi

LUKLUK long sans wan wan primia tim i gat long kik bilong dispela wiken long Mosbi soka.

Tupela gem long Sarere bai gutpela long lukim. Wanpela gem bai stap namel long Westpac na Sobou na arapela bai stap namel long Blu Kumuls na Amalpak Morobe United.

Gem namel long Westpac na Sobou bai wanpela strongpela kik tasol mi ting ol boi long beng bai winim dispela kik long 1 gol. Nara-

pela gem namel long Blu Kumuls na Morobe United bai mekim ol man i tingting planti husat tim tru bai win. Tasol i luk olsem tupela tim bai dro. Sapos yu lukluk bek long kik bilong ol long sampela wik i go pinis bai yu painaim aut olsem tupela wantaim i gat wankain strong.

Na long Sande bai i gat 4-pela gem, tupela namba wan gem bai stap namel long Guria na Kurti i go moa long pes 26

Ol meri karanas redi long kukim Rabaul

WINIS MAP i raitim

KAVIENG em wanpela long ol 8-pela senta husat bai salim tim bilong ol meri i go kik

long Rabaul. Ol bai kik long bikipela soka sempionsip bilong ol meri.

Dispela ol meri husat i stap long Kavieng skwat em Quin Jerry, Gelin Glin, Judy Tamalu, Merolyn Laurie, Serelyn Israel,

Emma Toitum, Leanne Mitiel, Rose Odai, Rebecca Taylor, Elizabeth Maikum, Mary Malai, Norma Kunukun, Clara Stanley, Belsie Lapan, Faith Joshua, Lassy Gilbert, Christin Mathias, Elva

Frank, Freda Mekin na Elizabeth Hoko.

Tim menesa Mary Odai na Haynes Peter em kosa.

Dispela em i namba wan taim bilong Kavieng long salim wanpela tim bilong ol

meri i go kik long ol bikipela sempionsip. Kavieng i no bin salim tim i go long ol arapela senta.

Tasol long dispela yia, ol meri karanas bai kirapim das long Rabaul taim ol i bungim ol biknem senta olsem Lae, Madang na Hagen. Ol arapela senta i mas was gut long ol susa bilong Kavieng bikos

dispela em i namba wan taim bilong ol long stap insait long ol bikipela kik.

Sapos ol arapela senta i pilai kaskas, Kavieng bai no inap marimari long ol. Bikos bikipela tingting bilong ol meri karanas em long autim sil na karim i go long Kavieng.

Kevieng i gat sans long autim dispela sil bikos ol i gat sampela

ol gutpela pilaia olsem Lassy Gilbert, Elizabeth Hoko na Emma Toitum (straika), Quin Jerry, Gelin Glin, Mary Malai (beklain), Leanne Mitiel, Christin Mathias, Freda Mekin, Rose Odai na Elva Frank (midfil).

Sapos ol dispela susa i putim het wantaim, ol arapela senta bai sup stret long Rabaul.

Kavieng statim anda 19 yut developmen

KAVIENG Soka Asosiesen (KSA) i wanpela namba wan senta long statim Anda 19 Yut Developmen bilong en.

Man husat i bin helpim long kamapim dispela anda 19 yut developmen em PNGA junia kosa, Joe Turia.

Turia i bin kamapim dispela tingting taim em i go long Kavieng long makim sampela yangpela pilaia long stap insait long PNGA anda 20 skwat.

Bihain long dispela, ol opisal bilong KSA i sindaun na lukim olsem em i wanpela gutpela tingting na ol i stat long lukluk long rot bilong kamapim anda 19 yut soka developmen.

Namba tu presiden bilong KSA, Warren Thomas i tok ol manki husat i bin stap long namba wan anda 19 tonimen long Kavieng bai stap yet. Na ol

bai kisim ol arapela manki ken bilong ol arapela distrik insait long Nu Ailan provins.

Long Septemba 16 taim ol i holim sampela gem wantaim ol lain long Taskul. Ol bai kisim sampela manki Taskul long stap insait long dispela anda 19 yut developmen.

Waram i tok dispela bai mekim isi long ol selekta. Bikos nau yet ol i save wokim tonimen na ol selekta i save go na kisim ol manki ol i laikim.

Tasol long nau ol bai makim tasol ol top pilaia insait long dispela yut developmen.

KSA bai kisim tu ol manki bilong ol arapela distrik olsem Namatanai, Musau, Tobar Na Lihir. Taim ol i gat inap mani long holim ol kik long dispela ol hap long selektim ol manki long stap insait long Kavieng yut developmen.

Guria risev tu i gat nem yet

PRIMIA risev tim bilong Guria i wanpela strongpela tim insait long Mosbi soka.

Guria i wanpela tim husat i wok hat tru long painaim rot i kamap anatap long poin lata. Long pinis bilong namba wan raun ol i stap long namba 7 ples. Tasol long kik bilong raun tu ol i lusim 7-pela ples na i wok long bosim namba wan ples. Long dispela wik ol i kisim ples bilong GFC na bosim namba

wan ples.

Kepten, Tony Wunum i tok ol boi bilong em i putim het wantaim long namba tu raun na ol arapel tim i mas lukaut long ol. Stat long raun tu ol pilaia i bin promes long go long fainal na winim sil. Olsem na ol i no laik promes bilong ol i lus nating.

Bikipela samting we i helpim Guria long holim namba wan ples long dispela wik em trening na hat wok wan

wan pilaia i wokim long taim bilong pilai.

Wunum i tok planti pilaia i save kamap long trening na ol i save harim tok bilong kosa.

Long kankain spot yu mas trening hat na harim toktok bilong ol kosa. Long dispela we tasol bai yu kamap gutpela spot man na winim samting em yu driman long kisim. Yu no inap win sapos yu no trening na bihainim

toktok bilong kosa.

Sapos Guria i laik bosim yet namba wan ples ol pilaia i mas wok hat moa. Bikipela tingting bilong go long fainals bai stap long han bilong Maino Vevao, Ray Saprak (straika), Ben Tony, Javis Hoibi, Fosing Wintha (midfil), Herman Gire (goli), Steven Api na Tony Wunum (Beks). Dispela ol lain i mas wok bung wantaim long helpim Guria long go long fainals.



B & H gol lig fainal bai kamap long Sande

MADANG RIPOT

MESERY GUBAG i raitim

WATABAG na Waskia i no bin pilai long B&H Gol Lig soka fainal long Madang long Sande Ogas 23.

Watabag i bin askim ol opisal long rausim gem. Bikos man

husat i save bosim graun ol i save trening long en, Vincent Kambual, i dai na ol i wok long stap long sori bilong em. Ol Watabag i save trening long Luteran De komyniti skul. Na Vincent Kambual i het tisa bilong dispela skul.

Ol opisal bilong Madang Soka Asosiesen i tok bikos long dispela hevi, ol i surikim gen gem i kam long dispela wiken. Tim husat i winim dispela gem bai go pilai long klap sempionsip long Wabag

long mun Septemba.

Long ol narapela samting i wok long kamap long MSA, olgeta gem bilong anda 19 bai pinis long dispela wik. Na ol opisal bai wokim poin lata bilong olgeta divisen husat i pilai insait long MSA.

Ripot i kam tu olsem sampela tim i no amamas long ples bilong ol long poin lata. Olsem na ol i apil i go long ol opisal bilong MSA long sekim gen ol rekot bilong ol.

Bikos ol i bilip olsem gol mak rekot bilong MSA i kranki liklik.

Wimem divisen i pinisim olgeta gem bilong ol long las wiken. Las gem long dispela raun i bin stap namel long Watabag na Kurti Andra. Na Watabag i bin winim dispela gem 1-0. Tasol dispela i no inap holim pasim ples bilong ol long stap insait long semi fainal.

Bikos tupela narapela tim i kism namba 3 ples wantaim ol long poin lata. Ol dispela tim em

Madang Blus na PTC. Wanpela opisal i tok olsem long gol mak, Madang Blus i winim PTC na Watabag. Olsem na i luk olsem ol bai stap insait long ol semi fainel gem.

Gem bilong olgeta divisen i pinis nau. Ol opisal bai bung long dispela wik na wokim dro bilong maina semi fainal. Dispela ol gem bai kamap long dispela wiken na neks wik.

Blu Kumul nogut o? Hagen go insait nau long ol eliminesen fainal

HENRY MORABANG i raitim

BLU KUMUL i soim olsem ol i nogut taim ol i autim tiket bilong Sobou 2-1 long bikpela kik resis long Mosbi soka las Sarere.

Tru win bilong ol plisman i no senisim poin lata, tasol ol i soim olsem ol tu i gat strong yet long pilai soka.

Pilaia husat i givim moa strong long tim em Justus Babo. Babo i pilai midfil bilong Blu Kumul.

Em i bin kamapim gutpela pilai stret long daunim midfil bilong Sobou. Olgeta taim em i kism bal, ol boi Blu Kumul i save pinis na redi tasol long sutim gol.

Babo yet i sutim namba tu gol bilong Blu Kumul long helpim tim i win.

Dispela bikpela pilai namel long Blu Kumul na Sobou i kamap gut tru. Ol Sobou i luk



• Dispela pilaia bilong Sobou long raithan i traime long stapim pilaia bilong Blu Kumul long kism bal. Sobou i no strong na Blu Kumul i winim ol 3-2.

olsem ol i ting, ol bai autim Blu Kumul olsem na planti ol biknem pilaia olsem Hubert Sareke na James Kome i no pilai strong.

Sareke i kism wok kosa long saillain na Kome i kam insait long namba tu hap. Tasol, Kome i no wokim wanpela senis liklik long Sobou.

Pilai i wok long go gut tru. Tasol, Sobou i pilai strong na sutim namba wan gol taim ol Blu Kumul i paul olsem ol kakaruk long gol eria bilong ol.

Dispela gol bilong ol i kam yet long James "Saina" Gasi. Gasi em wanpela intanesenel pilaia husat i save pilai long Difens klap tasol

dispela yia, em i joinim asples tim bilong em.

Gol bilong Gasi i kamap long wanpela kona kik. Gasi i no westim bal taim em i kism, em i sutim stret i go na golkipa bilong Blu Kumul i guria na lukim tasol umben i meknais.

Dispela gol i stap i go inap haptaim.

Insait long namba tu hap, kosa bilong Blu Kumul, Koibi na Abiang Kera i toktok strong long ol boi i mas yusim gut het na pilai.

Olsem na 15 minit i go insait long namba tu hap, Peter Livicha i pairapim net. Golkipa bilong Sobou, Willie Holan i guria tasol long lukim bal i pas long umben.

i go moa long pes 27

OLGETA eliminesen fainal bilong Hagen soka bai kamap long dispela wiken.

Tasol pastaim long ol fainal i kamap, asosiesen i laikim ol klap husat i no pinisim yet ol pilaia rejistresen fi long stretim. Ol opisal i laikim ol dispela klap long stretim ol dispela samting pastaim long kik i kamap long dispela wiken.

Ol i givim tok save i go pinis long ol dispela klap na em i wari bilong ol long stretim dispela samting wantaim ol opisal. Asosiesen i laikim ol klap husat i no stretim pilaia rejistresen fi long baim pastaim long olFraide, 4 Septemba. Bihain ol bai tokaut long

wanem foapela tim bai kik long fainal.

Bihain long kik bilong las wiken, primia tim bilong Westpac na Tarangau i stap nau long namba wan ples wantaim 14 poin. Na Hagen United wantaim Kalibobo i bosim namba tu ples long 13 poin.

Sunam i bosim namba wan ples long ol arapela tripela divisen.

Long wimem divisen, ol meri Manus i go pas long 12 poin, Hagen United na Tarangau i bihainim ol long 11 poin.

Long primia risev, Sunam i gat 17 poin na Tarangau 14. Na long junia divisen, Sunam yet i go pas wantaim 13 poin.

Sans bilong ol tim long Mosbi

i kam long pes 25

Andra na arapela bai stap namel long Golo na Yunivesiti.

Strong bilong Guria na Kurti Andra i wankain na i luk olsem tupela bai dro 1-1. Tasol mi gat bikpela bilip olsem Guria bai winim dispela gem long 2-1 skoa. Sapos Kurti Andra i no setim gut ol pilaia pastaim long kik i stat.

Yunivesiti bai winim Golo taim tupela i bung long Sande. Dispela bai wanpela isi win tru bilong Yuni. Yuni bai winim dispela kik long 4-0.

Tupela men gem long Sande bai stap nemel long GFC na BFC. Na arapela gem bai stap namel long Rapatona na Koupa.

Planti ol lain husat i lukim sampela gem bilong GFC na BFC bai tingting strong long GFC long winim dispela kik. Tasol yumi no ken daunim ol kande bilong Buang.

Na yumi mas save tu olsem long

sampela wik i go pinis ol tim husat i stap aninit long poin lata i bin bagarim sans bilong ol arapela tim i stap antap long lata. Olsem na mi bilip BFC bai holim lek bilong GFC na tupela bai dro 0-0.

Narapela gem namel long Rapatona na Koupa bai gutpela long lukim tu. Planti man bai tok dispela gem bai go long Rapatona. Tasol pastaim long yupela i toktok, yupela mas skelim strong bilong tupela sait wantaim.

Mi bilip Koupa bai winim dispela gem long 1-0. Sapos yu lukluk long pilai bilong Koupa long namba tu raun bai yu lukim olsem ol i bin dro wantaim Guria na long las wiken ol i winim Kurti Andra 2-0. Guria na Kurti Andra i stap namba tu na tri long poin lata na ol kas bilong Koupa i no seksek long ol olsem na Rapatona mas was gut.




• Goll bilong Sobou Willie Holan i mekim liklik stall long holim bal. Em i no bin was gut na Blu Kumul i sutim tupela gol na Sobou i beklm tasol wanpela. Dispela kik bilong Mosbi soka long las wiken. Foto Henry Morabang

HEVI BILONG MOSBI I NO BILONG PNGFA

LONG Wantok Niuspepa bilong las wiken, kosa bilong tim bilong ol meri Mosbi i sutim tok long PNGFA. Em i tok olsem PNGFA i mekim pasin nogut long i no larim meri tim bilong Mosbi long go long Rabaul.

Mi sanap nau makim PNGFA long givim bekim long dispela tok. Dispela tok bilong kosa i no tru. PNGFA i no pasim wanpela tim long kik resis long wanpela tonamen.

Em i ken lukim eksampel bilong Buka. PNGFA wok lukaut i stap long Mosbi. Ol Buka yet i strong long salim meri tim bilong ol i go long Rabaul. Ol i no tok-tok wantaim Mosbi. Nogat. Ol i stap toktok wantaim Goroka. Na



Goroka i salim tok bilong ol i kam long Mosbi.

PNGFA i stap skelim kain kain hevi bilong wan wan asosiesen o ol nupela asosiesen. Dispela hevi i stap nau wantaim ol meri tim bilong Mosbi em i bilong Pot Mosbi Soka Asosiesen yet long stretim.

Wankain samting tu bai kamap long tim bilong ol man. Sapos sinia tim bilong Mosbi i no stre-

tim tok wantaim Mosbi Asosiesen, em bai i no inap kamap long resis long Manus. Bikpela hevi tru i stap tu long Guria Klap bilong Mosbi. Em i Nesenel Klap Sempion. Sapos em i no stretim hevi bilong ol pilaia bilong Mosbi Guria, ol bai i no inap resis long Nesenel Klap Sempion taitel long dispela yia.

Sapos yu lukluk gut long tripela eksampel wantaim, bai yu lukim olsem Pot Mosbi Soka Asosiesen i mas givim sampela gutpela bekim long ol wari bilong yu, ol meri Mosbi, olgeta tim bilong Mosbi na olgeta pilaia bilong Mosbi. PNGFA i no gat bekim bilong ol dispela wari bilong yupela.

Wanpela narapela gutpela

eksampel long kliam tingting bilong yu em i olsem. Mosbi i gat samting olsem 7-pela bci i stap insait long Anda 20 Skwat i go long Tahiti. Husat tru i baim rot bilong ol, ol paspot, ples bilong slip na kaikai - Mosbi Soka Asosiesen i stap we? I gutpela sapos yu askim papamama bilong wan wan boi tu sapos ol i tromoi liklik mani long salim ol boi Mosbi i go o nogat.

Mi laik tokim kosa bilong ol meri Mosbi olsem i gutpela sapos em i ringim Presiden o mi yet long tokim em wanem samting PNGFA i wok long mekim nau long helpim ol pilaia long kantri. Wan wan ol pilaia i go long Tahiti i kostim PNGFA samting olsem K3,500. Sapos

yu bungim pe bilong olgeta 7-pela, pe bilong ol manki Mosbi bai kamap olsem K24,500.

Mosbi Soka Asosiesen i no soim pes long helpim ol dispela yangpela boi. PNGFA i no pasim ol dispela boi - nogat. PNGFA i gat strongpela tingting long helpim wan wan pilaia insait long dispela kantri. Tasol, mipela i no gat taim long helpim olgeta pilaia. Olsem na mipela i askim ol lokol asosiesen long mekim dispela wok wantaim mipela long kamapim wok soka i go het strong tru.

Bikpela hevi bilong Mosbi Soka i stap ples klia tru. Em i taim nau bilong olgeta pilaia, olgeta tim, na olgeta klap long sindaun na stretim dispela hevi kwiktiam.

Blu kumuls nogut o?

i kam long pes 26

Orait, tupela tim i strong i go na Babo i pasim maus bilong ol sapota bilong Sobou taim em i sutim namba tu gol. Dispela gol bilong Babo i helpim stret Blu Kumul long win.

Insait long ol arapela gem i kamap long Sarere, Rapatona i soim olsem ol tu i gat laik long PMSA taitel taim ol i autim Golo.

Golo i bin sutim namba wan go tasol ol

i no was gut na Rapatona i bekim na sutim tupela arapela.

Tripela biknem pilaia bilong Rapatona tasol i strong na helpim tim long win.

Fulbek Mame Kase-lau na tupela midfil pilaia, Toru Turia na Geoffrey Emang i sti-aim tim long win.

Long Sande, Koupa i autim trausis bilong ol Kurti Andra 2-0, Westpac i dro wantaim Guria 1-1.

Kurti Andra gen i pundaun long han bilong Koupa

KOUPA primia tim i wok long bagarapim sindaun bilong sampela tim husat i stap antap long poin lata.

Wanpela wik i go pinis, ol i bin dro wantaim Guria. Na long las wiken, ol i bagarapim ol rot bilong Kurti Andra. Koupa yet i bin winim dispela gem long brukim tupela kiau na Kurti Andra i no bekim wanpela.

Namba wan gol bilong Koupa i bin

kamap taim ol beklain bilong Kurti Andra i paul nabaut na wanpela bilong ol i laik rausim bal long mak. Tasol lek bilong em i kranks na bal i go insait long maus bilong umben.

Bihain long dispela go, ol pilaia bilong Kurti Andra i bungim het wantaim na wok hat tru long sutim gol. Francis Moyap i kisim sampela sans long sutim gol tasol lek bilong em i popaia long painim

maus bilong umben. Kawaten Pombuai tu i bin traim kirapim das long Bisini tasol ol pilaia bilong Koupa i katim olgeta spit bilong em.

Long namba tu hap, Koupa i putim sampela liklik pawa moa na

stapim Kurti Andra long sutim gol. Man husat i bin mekim gutpela wok long midfil em Patrick Kero. Kero i bin lukautim midfil bilong Koupa na tilim gut bal i go long wan ol pilaia bilong em.

Ol sumatin skulim kwin bilong Mosbi

WINIS MAP i raitim

KWIN bilong ol meri long Mosbi soka, Boral Gas Wanzesi i bin lus long Yunivesiti las wiken. Tasol ol i holim yet namba wan ples long poin lata.

Yunivesiti i kik strong tru long daunim Wanzesi. Ol sumatin i no bin givim sans na brukim tupela kiau insait long umben bilong Wanzesi.

Long namba wan hap, straika bilong Yuni, Rachael Towamwesi i painim rot i go insait long mak bilong Wanzesi na sutim namba wan gol.

Wanzesi i traim long bekim tasol ol sumatin i holim lek bilong ol inap referi i stapim gem long haptaim.

Ol meri bai brukim bun

i kam long pes 28

Asosiesen (PNGFA) i no larim ol.

PNGFA i stapim Mosbi bikos mama asosiesen bilong ol, Pot Mosbi Soka Asosiesen, i no stretim sampela dinau wantaim PNGFA. Dispela em mani bilong rejista long PNGFA wantaim ol pilaia registresen na ol narapela fi.

Kosa bilong ol meri Mosbi, Bobby Hemboring long las wik i sutim tok i go long PNGFA na PMSA. Em i tok PNGFA na PMSA i stapim laik bilong Mosbi long stap insait long sempionsip.

Long bekim dispela ol toktok bilong Hemboring, namba tu presiden bilong PNGFA, Gabriel Pise i tok dispela toktok Hemboring i mekim i no tru. Pise i tok, PNGFA i no pasim wanpela tim o senta long kik resis.

Em i tok ol meri Mosbi i ken stretim dispela hevi bilong ol wantaim PMSA.



• Pilaia bilong Rapatona wantaim bai i banisim tru birua bilong em long Golo long kisim bal. Dispela kain stail tasol na Rapatona i winim Golo 3-0. Dispela em kik bilong Mosbi soka long las wiken. *Poto Henry Morabang*

PMSA wokim ol mekim save lo bilong en yet

MOSBI Soka Asosiesen i tingting long mekim save long ol klap husat i brukim lo bilong pilai.

PMSA i laik rausim poin bilong ol tim husat i yusim wanpela pilaia long pilaim tupela gem long wanpela wiken.

Long kliam tingting, dispela i min olsem wanpela man i no ken kik long tupela divisen long wanpela wiken. Wanpela pilaia bilong anda 19 i no inap pilai gen long primia risev o wanpela primia risev pilaia i pilaia-long primia divisen.

Sapos yu kik pinis wantaim primia risev long Sarere, orait long Sande yu no ken kik wantaim ol primia. Nau yet planti klap i wok long brukim dispela bai lo bilong PMSA.

Na PMSA bai i no inap marimari long ol klap husat i save wokim dispela pasin. Seketeri bilong PMSA,

William Vui i tok ol bai stat rausim poin bilong ol tim taim ol i painimaut olsem dispela tim i yusim ol pilaia husat i kik pinis long arapela divisen long sem wiken.

Narapela samting, PMSA i tingting long yusim lo bilong em yet long givim PMSA i no inap yusim rivals lo bilong FIFA. Aninit long rivals lo bilong FIFA, wanpela pilaia husat i wokim liklik trabel bai kisim yelo kat. Na wanem pilaia i kisim ret kat bai kisim tri wik saspensen.

Ol eksekyuti bilong PMSA bai yusim lo bilong ol yet long mekim save long ol pilaia. PMSA yet bai makim wanem kain mekim save bai ol i givim long ol pilaia. Dispela i ken 1, 2 o sampela wik saspens em bihainim tasol rekot bilong wan wan pilaia.

BENSON & HEDGES SOCCER




BENSON & HEDGES SOKA

Wantok

Sans bilong Simon na Guria i popaia nau

STORI BILONG PILAIA



Nem: Ronald Simon
Krismas: 21 yia
Ples: Warabung
Provins: Is Sepik

Klap: Guria (Mosbi)
Posisen: Golkipa
RONALD Simon em wanpela yangpela man Sepik husat i wok long hatim skin long bikpela kik bilong Mosbi soka.

Ronald i bin stat kik long 1986, wantaim Don Bosco long skulbois soka. Long 1987 em i joinim GFC na kik wantaim ol long anda 19 divisen.

Long 1988, em i lusim GFC na i go joinim Guria na pilai long anda 19 long Mosbi.

Na long 1989, em i stat kik long primia risev tim bilong Guria. Tasol long 1990, Ronald i winim tingting bilong kosa na ol i makim em long kik long primia divisen. Long dispela taim, em i save pilai olsem risev Golkipa bilong Guria.

Long 1991, Ronald i bin was long umben bilong Guria taim Adam Wangu i kisim bagarap. Long dispela yia, Ronald i wok long bosim yet umben bilong Guria.

Ronald i no wanpela man nating. Em i gat namba tu long makim Mosbi na Papua Niugini long sampela bikpela kik. Long 1987, em i bin stap insait long Mosbi anda 19 skwat na i go pilai long Lae. Em i bin makim gen Mosbi long kik bilong anda 19 long 1989 long Goroka.

Ronald i bin winim lewa bilong ol nesenel selekta na ol i bin makim em long go kik long Fiji long bikpela kik bilong anda 23. Dispela em long 1991.

Guria soka klap i bin luksave long pilai bilong Ronald na long 1989, ol i givim em wanpela tropi olsem nambawan Golkipa.

Nau yet Ronald i tok em i no amamas long ol opisal bilong Mosbi

Soka Asosiesen. Em i tok seketeri biang PMSA, William Vui na ol lain opisa bilong em i no stretim ol samting wantaim Papua Niugini Futbol Asosiesen.

INSAIT SOKA

• Gerehu em junia sempion...p22

• Ol Wiken Spot Dro...p24

• Mosbi i no PNGFA...p27



PISE i toktok

• B&H Gol Lig resis...p26

• Laden soka tonaman long Madang...p25

• Koupa nekim Kurti Andra...p27

Ol meri Mosbi kik long tupela pul nau

NAMBA tu raun bilong ol meri long Mosbi soka bai narakain liklik long wanem i gat sampela senis i kamap pinis.

Las kik bilong raun wan bai kamap long dispela wiken na kik bilong raun tu long neks wiken. Liklik senis Mosbi Soka Asosiesen i mekim em long wokim tupela pul bilong ol meri.

Dispela tupela pul em pul A na pul B. Ol tim husat bai kik long pul A em Wanzesi, PTC, Sunam, Yunivesiti, Guria, GFC, Waliya, Morobe United na Sobou. Long pul B em Kurti Andra, Blu Kumuls, Kula, Tarangau,

Sogeri, BFC, T. Yellow Page, PMGH, Golo na Koupa.

Bikpela tingting long brukim tim bilong ol meri i go long tupela pul em long mekim ol kik i kamap strong. Nau yet kik bilong ol meri i no strong tumas bikos ol sampela strongpela tim i save bagarapim tru sans bilong ol arapela tim.

Stat long neks wiken, olgeta tim bilong ol meri bai i gat tupela gem long wanpela wiken. Seketeri bilong PMSA, William Vui i tok em i laikim ol meri long pinisim kik long wankain taim olsem ol primia na primia risev.

MOSBI JUNIA BAI OPIM NESENEL SEMPIONSIP...pes 22

Ol meri brukim bun nau

... Kavieng na Buka tu traim tasol

WINIS MAP i raitim

NESENEL soka sempionsip bilong ol meri i pulim 8-pela senta long pilai long dispela bikpela kik resis. Kik bai stat long Fraide, 28 Ogas i go inap long Sande 30 Ogas.

Dispela 8-pela senta husat i orait pinis long stap insait long sempionsip em Madang, Kavieng, Wabag, Hagen, Lae, Buka,

Kokopo na Rabaul.

Sampela bilong ol dispela senta i bin tokaut pastaim olsem ol i no inap kamap long sempionsip bikos ol i no gat mani.

Ol senta husat i bin tingting planti long salim tim i go long Rabaul pastaim em Madang, Hagen na Lae. Tasol nau i luk olsem ol i painim mani pinis.

I no gat planti toktok i bin kam long ol lain

long Kavieng na Buka. Dispela tupela senta i no bin tokaut olsem ol bai stap insait long sempionsip o nogat.

Tasol long dispela wik, Wantok i painimaut olsem ol tu bai traim bun bilong ol arapela biknem senta. Sapos ol inap, tupela i ken winim sil long han bilong Mosbi.

Wanpela samting bai rong long dispela sempionsip em ol lain husat i holim sil bai i no

inap kik. Mosbi i no inap kik long banisim dispela taitel na sil ol i bin winim bipo.

Mosbi i bin winim dispela sil long 1990 taim ol i autim Lae long gren fainal. Tasol long dispela yia, ol bai i no inap stap insait long kik bikos Papua Niugini Futbol i go moa long pes 27

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.





RUGBY

Mamba 63

Fonde Ogas 27, 1992

LIG NIUS

Mosbi
Brothers
rausim
mem
mogut...p3



Not Kwinslen na PNG lig bung long Winfield Kap resis...p2

• Joe Mirisa bilong Wests long Mosbi I bringim bal I kam long mak bilong Air Niugini. Kain strong I wokim na Wests I winim pilal, 24-18. Foto: Ivan Bayagau.

Winfield League '92

Ol boi Wewak i gat sans long Mendi Lig resis

Brothers rausim nem nogut

BARBARA TOMI i raitim

OL manki Bulldogs long ples Wawak bai sutim ol Tarangau long gren fainal bilong Mendi Winfield Lig long Sande Ogas 30.

Las wik-ol i bagaram-pim sindaun bilong Brothers 16-6 long mesa semi fainal. Olsem na ol boi Wawak bai soim Tarangau tu long Sande olsem las yia gren fainal bai i no inap wankain olsem bilong dispela yia.

Presiden Charles Kengi i tok ol boi bilong em i bin winim Tarangau tupela taim pinis. Na dispela gren fainal em bai namba tri taim long ol i bung. Na em i gat bikpela bilip olsem ol boi bilong em bai nekim Tarangau gen.

Kengi i tok long las yia, Bulldogs i pilai long gren fainal egensim Tarangau na Tarangau i nekim ol 8-2. Tasol klostu long pinis bilong sisen propa long dispela yia, Bulldogs i nekim Tarangau tupela taim. Wampela em long semi fainal na narapela em long las gem bilong sisen propa.

Dispela Sande, olpela Kumul na huka John Togola wantaim Nicko Warea bai lukautim gem long fran. Na faiv et Moses Kerry bai kisim bikpela helpim long insait senta Joe Raema. Sapos Tarangau i no stapim Togola wantaim Warea long fowat, em i luk olsem Bulldogs bai putim trai olsem wara.

Long strongim beklain na stapim ol pilaia bilong Tarangau long ron i go insait long mak bilong Bulldogs, fulbek Thomas Petrus yet bai i go pas long en.

Tasol Bulldogs i no ken lukluk long ol kain ol pilaia bilong em na putim ai long ol long winim dispela gem.

I LUK olsem 1992 A gret tim bilong Brothers ragbi lig klap long Mosbi i kamapim wampela bikpela samting tru, maski ol i lusim sans bilong go insait long gren fainal.

Ol i rausim pinis dispela nem nogut olsem Brothers em i wampela rap tim na i save bikhet nabaut.

Long bipo yet i kam inap nau, planti tim, klap, referi na pilaia i save pret long Brothers. Bikos oltaim ol i save gat nem bilong kamapim strong-pela birua futbol we ol i soim strong bilong ol tu wantaim. Na long dispela, planti sapota bilong ragbi lig i save les long ol.

Tasol long dispela yia, olgeta samting i senis. Ol i kisim nupela sponsa. Na wantaim dispela, em bikpela toktok bilong disiplin we i suvim ol pilaia long pilai stret aninit long ambrela bilong ol lo bilong ragbi lig.

Long bikpela gem bilong Mosbi Winfield lig las wiken, ol pilaia bilong Brothers i no wanbel tumas long kain referi em George Buka i mekim. Tasol ol i no mekim wampela samting o kamapim trabel. Taim dispela bel kros bilong ol i no inap stap insait moa, ol pilaia bilong Brothers i kirap isi tasol na lusim fil. Defence i bin go pas long dispela taim, 24-16.

Buka i bin givim ol 5-pela minit bilong senisim tingting na kam bek pilai, tasol ol pilaia bilong kosa konze Kara i no laik mekim olsem.

I luk olsem dispela bikpela pilai inap kamap gut tru sapos referi i no bin pasim pilai klostu klostu

bihainim dispela 5 mita lo.

Long taim bilong pilai, tupela tim wantaim i soim wankain strong long banisim mak na ron wantaim bal. Na dispela i kamap ples klia long haptaim bikos tupela tim wantaim i gat 16 poin long skoabot.

Tasol long namba tu hap, ol pilaia bilong Brothers i stat kros nabaut long referi na dispela i givim sans long Defence. Ol soldia boi i kamap hariap na putim wampela trai na tupela filgol long go pas, 24-16. Las 15 minit bilong pilai i bin stap yet tasol ol pilaia bilong Brothers i kirap lusim fil.



• Danny Moi bilong Fairdeal Wests i holim lek bilong Mark Agi bilong Air Niugini. Kain stail bilong takol i mekim ol pilaia bilong Air Niugini i sotwin nabaut. Wests i winim 24-18.

Driman bilong fulbek suvim soldia boi long A gret futbol

SAM YAKAM i raitim

MEKIM nem long ragbi lig i no bikpela samting. Tasol yu mas putim olgeta taim, tingting na laik bilong yu long gem na yu inap mekim nem.

Dispela em ol toktok bilong fulbek bilong Hastings Deering Defence long Mosbi Winfield Lig, Joe Uvilime. Uvilime i gat 19 krismas na em i bilong ples Hoba long Henganofi, Isten Hailans provins.

Em i bin stat pilai taim em i skul long Bumayong Luteran haikul long Lae. Long dispela taim, Uvilime i gat bikpela laik long pilai fulbek. Olsem na em i no givap long kamap long trening na tu long sampela toktok ol arapela sapota na ol wan-skul bilong em i mekim long em.

Dispela em long 1989 taim em i pilai long anda 17 bilong BP Defence long Lae. Taim Uvilime i pinisim skul long Bumayong Luteran haikul, em i go long Goroka Teknikel Koles.

Long Goroka Teknikel Koles, em i no pilai ragbi lig gen inap long wampela yia. Em i pinisim skul long Goroka Teknikel Koles na joinim Papua Niugini Difens Fos long 1991. Em i stap 6-pela mun long Goldi Bareks na trening tasol long kamap soldia boi. Olsem na em i no gat sans long pilai.

"Long dispela taim, tingting bilong mi i pas long pilai ragbi lig. Tasol mi no gat taim bikos klostu sisen propa bilong ragbi lig i pinis long Mosbi," Uvilime i tok.

Em i stap narapela

yia nating gen long 1991. Long dispela yia, Uvilime i suvim het long trening na kosa bilong risev gret i putim em long lainap bilong em.

Tasol bihain long tripela gem long risev gret, A gret kosa Gaius Kula i lukim gem bilong Uvilime na putim em long senisim olpela fulbek. Gaius i traim em long dispela posisen na lukim Uvilime i pilai gut long en. Olsem na em i askim em long stap na pilai long dispela posisen.

"Mi no bilip long mi yet long pilai fulbek long A gret long bikpela siti olsem.

Bikos mi lusim gem long tupela yia, na mi kalap long anda 21 i go long risev gret, na tripela gem tasol na mi



• Joe Uvilime saitstep long abrusim wampela pilaia. Dispela stail i mekim em kamap wampela gutpela fulbek bilong Defence.

kalap i go antap long A gret," Uvilime i tok.

Uvilime i tokim Ragbi Lig Nius olsem em i no pret bikos planti yangpela poro bilong em i mekim kain kain toktok. Sampela i tokim Uvilime, "trening

bilong ami pinis na yu pret long pilai risev o A gret." "Long dispela toktok, Uvilime i suvim het na putim olgeta tingting, laik na bilip long A risev. Tasol bihain long tripela gem kosa Kula i putim em i

go antap long pilai long A gret.

Taim ol arapela sinia pilaia i lukim gem bilong em olsem Kes Paglipari, Nelson John na Kula, ol i amamas na givim em planti gutpela toktok.

Defence i gat bikpela sans long winim Air Niugini

SAM YAKAM i raitim

HASTINGS Deering Defence bai nekim Air Niugini long dispela Sande sapos Air Niugini i mekim planti paul pilai. Na tu i no stretim hevi namel long ol yet.

Las wik Defence i wilwilim Brothers bikos ol pilaia bilong Brothers i mekim planti paul pilai long fil. Long Sande, Defence bai bungim Air Niugini. Na wanem tim i winim dispela gem bai bungim Wests long gren fainal.

Air Niugini i mas senisim stail na gem plen bilong em pastaim long em i bungim Defence. Defence i mas pilai wankain stail na bihainim wankain gem plen long

winim ol boi bilong balus.

Fulbek Joe Uvilime bai lukautim beklain wantaim hapbek Billy Soeve na faiv et Tony Daple.

Dispela bai i wampela strong-pela gem tru. Na Daple i mas painim olgeta liklik sans long kikim fil o penalti gol sapos em i laik Defence i win.

Las wik em i stiaim olgeta konvesen kik i go insait long mak. Na dispela i helpim Defence long winim dispela gem 24-18 pastaim Brothers i protes na lusim fil.

Kepten na seken rowa bilong Defence, Kes Paglipari i tokim Ragbi Lig Nius olsem Defence i gat gutpela lainap stat long resis bilong fainal. Dispela em bikos ol i laik soim sponsa bilong klap, Hastings Deering olsem mani

bilong ol i no inap go lus nating long dispela yia.

Long Sande tupela winga, Nelson John na James Miviri na risev winga Jack Uradok bai traim olgeta stail long putim trai. Na sapos Daple i stiaim bal gut long ol konvesen kik bilong em, Defence bai winim Air Niugini na bungim Wests long gren fainal neks wik.

Nau yet i luk olsem wankain pilai bai kamap long dispela Sande. Long fulbek em yangpela manki Goroka Joe Uvilime, lepwinga James Miviri, ausait senta George Kele, insait senta Apo Asorifa, raitwinga Nelson John, faiv et Tony Daple, hapbek Billy Soeve, prop Simon Patimos, huka Ronald Vue, prop em Kera Ngaffin, seken rowa Oscar

Oksap, seken rowa Kes Paglipari na lok em Steven Soki.

Kosa Gaius Kula i tok em bai mekim sampela senis long dispela lainap. Dispela em bikos em bai lukluk long fitnes na tu long trening bilong ol pilaia.

Air Niugini i mas lukluk tu long fitnes bilong ol pilaia. Las wik ol pilaia i wokabaut insait long fil na givim sans long Wests long putim tripela trai 15 minit pastaim long fultaim. Olsem na long Sande, kosa John Harangu i mas lukluk long dispela na senisim lainap bilong em.

Sapos ol i no senisim dispela kain stail, i luk olsem Defence bai nekim Air Niugini. Harangu i no stap long Ragbi Lig Nius i kisim toktok bilong em. Tasol dispela

Sande em i mas senisim sampela fowat pilaia. Nau yet i gat hevi i stap namel long ol pilaia opisal yet. Na ol i mas stretim bipo ol i bungim Defence.

Air Niugini fulbek Larry Saea bai i stap yet long posisen bilong em.

Long winga em Arua Ben Moide, ausait senta em Duffy Mase, insait senta em David Mune, raitwinga Magilo Ama, faiv et Simon Manet, hapbek Moale Nou, prop Steven Manas, huka Wardman Benard, prop Aisame Mihare, seken rowa Johnson Tia na lok em Joe Gisepe.

Dispela em i no fainal lainap bilong Air Niugini bikos kosa yet bai lukluk long ol pilaia.

Winfield League Results

LAE

A GRADE POINTS LADDER

CLUB	P	W	D	L	PA	PTS
Spiders	13	10	-	3	103	20
Tarangau	13	9	-	4	198	18
Royals	13	7	1	5	204	17
Brothers	13	7	1	5	251	17
Defence	13	6	-	5	238	16
Panthers	13	6	-	5	275	16
Magani	13	3	-	10	227	8
Tigers	13	1	-	12	158	2

RESULTS:

Defence	30	defeated	Magani	6
Panthers	28	defeated	Spiders	16
Brothers	12	defeated	Tarangau	11
Royals		forfeited	Tigers	

DRAW: A Grade

Sunday 30th August, 1992.
Brothers vs Royals
Spiders vs Tarangau

MATCH OF THE ROUND:

Spiders vs Tarangau

COMMENTS/QUOTES RE WEEKEND'S GAME/NEXT WEEKEND:
Both Spiders and Tarangau have suffered consecutive losses coming into the semi finals. Spiders have the edge over Tarangau having beaten them twice this season although Tarangau cannot be taken lightly as they always rise to the big game occasion.

GOROKA

DRAW: A GRADE

Sunday 30th August, 1992.

Uritoka Country vs Paragon Royals

RESULTS: 23/8/92

Uritoka Country 6 defeated Bilati Tarangau 4

COMMENTS/QUOTES RE WEEKEND'S GAME/NEXT WEEKEND:

The long awaited grand final of the Goroka winfield league is to be played this Sunday between Uritoka Country and minor premiers, Paragon Royals. Country fought their way into the grand final after beating Tarangau six points to four in the re-play of the major final. A week earlier country and Tarangau had slugged out a five all draw, giving us an indication of how closely matched these two teams are.

This Sunday grand final could well be the best match of the season. Royals have had a two week lay-off and should be fully fit and well rested. Country, however, have had the advantage of playing hard football each week and their match fitness could give them the edge.

PORT MORESBY

RESULTS:

Westis	24	defeated	Air Niugini	18
Defence	24	defeated	Brothers	16

DRAW:

Minor Semi Finals

Sunday 22nd August, 1992.

Air Niugini vs Defence

MATCH OF THE ROUND

Air Niugini vs Defence

COMMENTS/QUOTES:

As in final football - the team who makes the least mistakes will win this game.

MT HAGEN

A GRADE: GRAND FINAL

RESULTS:

Hawks 9 defeated Newtown Jets 2

RABAU

RESULTS:

Mid week - play off

Crusaders 22 defeated Brothers 18

Muruks 42 defeated Norths 10

Game between Royal and Crusaders was called off because Brothers protested by sitting on the field the match will be played during the week.

DRAW

Sunday 30th August, 1992.

Norths vs Winner of Royals and Crusaders to be played during the week.

KAINANTU

A GRADE POINTS LADDER

CLUB	P	W	D	L	PF	PA	PTS
Mobil Hawks	114	9	-	2	-	-	18
J.V. Brothers	13	8	-	5	-	-	16
Magani	12	6	1	-	-	-	13

RESULTS:

J.V. Brothers 14 defeated Magani 12

DRAW: A Grade: Preliminary Finals
Sunday 30th August, 1992.

Mobil Hawks vs J.V. Brothers

COMMENTS/QUOTES:

Mobil Hawks and Brothers meet each other in this years grand final this coming Sunday. Mobil Hawks has the advantage of one week rest over Brothers who has been playing all through the finals, many of their good players are nursing injuries. Mobil Hawks, are well conditioned for this match and is confident of getting into the final.

MADANG

DRAW: A GRADE

Sunday 30th August, 1992.

30/8/92 Diwai vs Royals
2/9/92 (Wednesday) Panthers vs Winner Royals/Diwai

RESULTS

Diwai 26 defeated Brothers 21
Man of the match Paul Wama (Diwai)
Tigers 10 defeated Panthers 8
Man of the match Nimex Tuna (Panthers)

COMMENTS/QUOTES:

Last weekends match saw Tigers with defensive football stop the Panthers from roaring into the grand finals as the scoreline can tell. Panthers now take on the winner of Diwai/Royals in a sudden death playoff midweek Wednesday 2/8/92 to see who meets Tigers in the Madang Winfield League grand final.

In the match of the round we see the more discipline students from Diwai take on another discipline force? In a do or die game I tip the students where discipline is a as concern however, Royals have capable players to have the game go their way with northern zone rep Eric Mamave and Skpper Rex Aduka.


NSWRL WINFIELD CUP

	P	W	L	D	F	A	Pts
BRISBANE	21	17	4	-	491	303	34
ST GEORGE	21	14	7	-	388	271	28
ILLAWARRA	21	13	7	1	310	244	27
WESTS	21	12	8	1	344	314	25
NEWCASTLE	21	12	8	2	341	256	24
EASTS	21	11	10	-	336	303	22
PENTRITH	21	11	10	-	266	297	22
MANLY	21	10	9	2	326	307	22
CANTERBURY	21	10	10	1	353	401	21
BALMAIN	21	10	11	-	388	384	20
CANBERRA	21	10	11	-	424	387	20
NORTHS	21	10	11	-	362	367	20
SOUTHS	21	7	14	-	413	477	14
CRONULLA	21	7	14	-	256	387	14
PARRAMATTA	21	6	15	-	260	475	12
GOLD COAST	21	5	15	1	276	415	9

DRAW

ROUND 22: AUGUST 28,29,30

ST GEORGE	V	WEST	KOGARAH OVAL
EASTS	V	SOUTHS	SYDNEY FOOTBALL STADIUM
PARRAMATTA	V	CANTERBURY	PARRAMATTA STADIUM
NORTHS	V	BALMAIN	NORTH SYDNEY OVAL
ILLAWARRA	V	BRISBANE	WOLLONGONG SHOWGROUND
CRONULLA	V	MANLY	CALTEX FIELD
GOLD COAST	V	PENTRITH	
NEWCASTLE	V	SEAGULLS STADIUM	
		CANBERRA	NEW CASTLE INT. SPORTS C.



• Fova Komane bilong Air Niugini i mekim save long birua bilong em. Dispela kain stall i pulim taim na Wests i winim Air Niugini long i go stret long gren fainal.



• Wane Koropa i takolim huka bilong Air Niugini Wardman Komane pundaun i go slip i stap. Na wan pilala bilong em Alsame Mihare i helpim em long sanap na pilal bol. Wests i winim Air Niugini 24-18.



• Lok bilong Fairdael Wests Gideon Kouoru i ranawe long tupela pilala bilong Air Niugini, Simon Manet na Arua Ben Moide long las wik. West i winim 24-18.

Making the big game bigger




• Ambangs tim bilong Kiunga Lig long risev gret. Ol tu i bin winim taitel olsem ol sempion tim bilong 1992 lig yia.



Lukautim gren fainal... Referi William Kitapson long namel wantaim tupela lainsmen bilong em, John Koba long lephan na Clement Premkit. Ol tripela i bin lukautim gren fainal bilong Kiunga. *Poto: Ian Kakarere.*

OL FAINAL I PAIA LONG OL PROVINS



Defence banisim Brothers... Kera Ngaffin bilong Defence long lephan i redi tasol long daunim Ben Bre bilong Brothers wantaim bal. Tupela i bin bung long Mosbi las wiken na Defence i go pas taim ol Brothers i lusim fil. *Poto: Ivan Bayagau.*



• Ol lain yangpela bilong Royals anda 19 tim long Kiunga i sanap wantaim flek na sain bilong ol bihain long pilai las wiken.




Brukim banis i go... Ol pilaia bilong Magani i brukim nau banis na ron i go insait long fil bilong bungim Souths long Kiunga. Ol i no laki na Souths i wilwilim ol na kisim primiasip taitel.



• Souths A gret tim bilong Kiunga husat i bilas gut tru na wet tasol long bungim Magani. Na driman bilong ol i kamap tru taim ol i rausim trasis bilong Magani long las wiken.



• Kepten bilong Souths long Kiunga Lig, David Mara i apim bikpela sil em ol i winim olsem 1992 primia tim. *Poto: Ian Kakarere.*



Evoa kisim tropi... Billy Evoa bilong Magani i kisim tropi long wanpela bikman bilong Kiunga lig bihain long bikpela gren fainal gem.

Tarangau bai yusim fowat pawa long win

LAE RIPOT

SAM YAKAM i raitim

OL fowat pilaia i mas senisim stail na pilai strong sapos ol i laik winim Spiders long Sande na go insait long gren fainal bilong Lae neks wik.

Dispela em tok lukaut bilong kosa bilong Tarangau, Mike Chaytors. Chaytors i tok long las wik, ol fowat pilaia i no takol na ron strong long brukim difens bilong Brothers. Na dispela i givim bikpela sans long Brothers long putim moa trai.

Olsem na ol boi bilong em i mas

stretim ol yet long fran pastaim long ol i bungim Spiders. Sapos Tarangau i winim dispela gem, em bai go stret long gren fainal.

Chaytors i tok ol beklain i stailim gut long las wik Sande egensim Brothers. Tasol em bai mekim liklik senis long ol posisen bilong ol pilaia long beklain. Nau yet Tarangau i gat planti biknem na gutpela pilaia olsem John Okul, Patrick Kiap, David Glipu na Peter Malagan husat inap givim bikpela het pen long Spiders.

Kosa bilong Spiders Russ Kaupa i tok em i gat bikpela bilip long ol boi bilong em. Tasol em i tok ol yet i mas pilai olsem tim long winim dispela gem. Bikpela bilip bilong em i stap long ol boi long fowat long stapim na brukim

difens bilong Tarangau.

Em i tok ol boi bilong em bai winim Tarangau long fowat. Kepten Mathias Kin wantaim Jacob Denny na Charlie Vee bai lukautim lain long fowat.

Long beklain em Krilix Joel wantaim Andrew Goime na Molet Nunu long stapim John Okul wantaim Tebby Beko na David Glipu.

Kaupa i tok Tarangau i gat sampela pilaia husat inap givim het pen sapos ol pilaia bilong em i sanap na givim ol sans long ron. Spiders i mas lukaut long Okul na Malagan bikos dispela tupela man i gat nem long putim trai. Malagan i gat spit na sapos ol pilaia bilong Spiders i sanap na givim em sans long ron, em bai inap givim ol bikpela het pen.

Kaupa i tok em bai yusim ol wankain pilaia husat i pilai long las Sande. Hia em lainap bilong Spiders: Fulbek Krilix Joel, lepwing Jacob Danny, ausait senta Andrew Goime, insait senta Charlie Vee, raitwinga Paul John, faiv et Molet Nunu, hapbek Claudi Ario, prop na kepten Mathias Kin, huka John Bob, prop Lawrence Gendi, seken rowa Ignas Simbai, seken rowa David Miamel na lok em Jack Namapo.

Kaupa i tok ol dispela pilaia i mas pilai bung long winim Tarangau bikos Tarangau bai yusim olgeta stail na strong long bekim dinau. Spiders wantaim Tarangau i bin pilai egensim ol yet tupela taim pinis. Na Tarangau i winim wanpela long pastaim na

bihain Spiders i winim narapela Olsem na long Sande, tupela bai bung long lukim husat em i strongpela tim long i go long gren fainal.

Hia em lainap bilong Tarangau: John Okul, James Cipa, Tebby Beko, Mike Kasri, Kelly Taul, Peter Malagan, David Glipu, Patrick Kiap, Joseph Komp, Joe Kewa, Thomas Kapil, Kutne Kaima, John Papa Jack Pakalu, John Henry Nande Kawa, Jim Kia, Robert Opo, Jack Sakaling na Naden Philip.

Tasol Chaytors i tok bihain long dispela wik, em bai mekim sampela senis long lainap pastaim long ol i bungim Spiders. Tarangau bai winim Spiders.

Hawks em Pait i bruk long Kiunga gren fainal

king bilong Hagen

GAVNA Jenerel (GG) bilong Papua Niugini, Sir Wiwa Korowi i bin statim gren fainal gem bilong Hagen Winfield lig namel long Hawks na Newtown Jets long Sande Ogas 23.

Dispela gem i kamap long Rabiamul Oval. Na moa long 9,000 sapota na ol manmeri husat i bin stap long Hagen So i kamap tu long lukim dispela gem. Hawks i winim Jets 9-2.

Ripot i tok dispela gren fainal i gutpela tru na i winim ol arapela bilong bipo. Jets i opim skoa 15 minit long namba wan taim referi Michael Luff i givim penelti long Hawks. Fulbek Willie Puri i kik na stiaim bai long 22 mita mak i go namel long tupela pos long bringim skoa i go antap, 2-0.

Kepten bilong Hawks John Pasingan i lukim olsem na em i traिम long painim olgeta liklik rot long putim trai o kikim penelti long

bukim kai bilong ol.

Faipela minit i stap long haptaim na Pasingan yet i go putim trai long kona. Kik bilong konvesen i abrusim pos tasol Hawks i go pas yet long 4-2 long haptaim.

Bihain long haptaim, tupela tim wantaim i traिम olgeta liklik tekniks long putim trai tasol difens bilong ol tu i strong tumas. Hawks i lukim olsem na senisim stail bilong ol gen long strongpela hatpel futpela. Dispela nau mekim Jets i kamapim planti rong long fil. Pasingan i mailim gut dispela tupela sans na kikim ol penelti gol long bringim skoa i go antap long 8-2.

Klostu long pinis bilong gem, Pasingan i lukim gen wanpela sans klostu long mak na kikim wanpela filgol long bringim skoa i go antap long 9-2 5-pela minit pastaim long fultaim.

IAN KAKARERE i raitim

BIKPELA pait namel long ol pilaia na sapota bilong Magani na Souths i stapim gren fainal bilong Kiunga long Sande Ogas 23.

Moa long 15 minit i stap yet taim pait i bruk. Ol pilaia i stat pait insait long fil na dispela i kirapim tingting bilong ol sapota long kam helpim. I no gat rot long stapim dispela pait olsem na ol plisman i tromoi smok bom long fil long traिम stapim pait.

Ripot i tok dispela pait i stat taim wanpela pilaia bilong Magani i nekim wanpela pilaia bilong Souths. Dispela i mekim ol pilaia bilong Souths i kros na paitim ol pilaia bilong Magani.

Ol sapota bilong Souths i bel hat tu long kain pilai olsem na ol i ron i go insait long fil long helpim ol pilaia bilong ol. Ol sapota bilong Magani i lukim olsem na ron i go insait tu long fil long helpim ol pilaia bilong.

Planti manmeri na ol pikinini i ranawe long smok bom. Tasol smok bom i no kisim planti manmeri bikos i no gat win long dispela taim.

Ol manmeri husat i stap stret long ples smok bom i pundaun long en i kisim bagarap liklik. Sampela i smelim liklik na ranawe nabaut olsem na ol i painim bagarap long skin bilong ol.

Ripot i tok insait long dispela gren fainal, ol pilaia i soim gutpela stail bilong ragbi lig winim ol arapela gren fainal bilong bipo. Ol pilaia husat i putim trai long dispela taim i soim planti gutpela stail long fil pastaim long ol i putim go trai. Magani i putim tripela na Souths i putim 5-pela.

Rait winga bilong Magani, Nicko smok Balus Mick i putim tupela gutpela trai long feshap. Dispela em long gutpela gem bilong faiv et Sessol lakoe na ausait senta Baila Mase. Tasol dispela stail bilong futbol i no stap longpela taim bikos Nicko i kisim bagarap na i go ausait long fil.

Stat long taim Nicko i kisim bagarap na i go ausait long fil, ol pilaia i no holim gut bal na mekim planti asua tru long fil. Na dispela i givim sans long Souths long kisim bal na putim ol trai.

Fav et lakoe i putim las trai bilong Magani.



• Ol bikman i raun sekhan long ol pilaia bilong Souths tim long Kiunga. Souths i bin winim taitel taim em i nekim Magani long A gret resis.

Tigers slip isi wetim gren fainal long Madang

BEN TAUMAI i raitim

TIGERS i amamas na sindaun wetim tasol gren fainal bihain long em i bomim Newtown Panthers, 10-8 long las wiken.

Olsem na Panthers bai bungim wina bilong Diwai na Royals.

Ol wailpusi i bin bungim ol wanblut bilong ol long mesa semi fainal bilong Madang Winfield Lig long Sande apinun.

Kosa bilong Tigers, John Jacobs i amamas

tru long ol boi bilong em bihain long gem na i tok, "Ol i pilai hat tru olsem na mipela i win."

Tasol wanwok bilong em long Panthers i gat narakain tingting. Kosa Andrew Limi i tok referi i bin wokim sampela bikpela asua long pilai graun olsem na Panthers i lus.

Tasol Jacobs i daunim dispela ol toktok na i tok, "Rap pilai em stail bilong Tigers long bipo yet, i no nau tasol."

Dispela bikpela win bilong Tigers inap popaia sapos Simon

Dennis i no bin mailim gut las konvesen na sutim i go namel long tupela golpos. Dispela bikpela senis i bin kamap taim 5-pela minit tasol bilong pilai i stap yet. Na Panthers i wok long go pas, 8-4.

Sampela minit bihain liklik, marasin boi bilong ol wailpusi, Michael Kela i flai long saillain i kam na go slip antap long trailain. Dispela nau i putim tupela tim wantaim long 8-8. Em nau kik bilong Dennis i kam na senisim skoa i go inap

long fultaim.

Narapela pilaia bilong Tigers husat i bin pilai gut tru long Sande em hapbek, Nimex Tuna. Kain gutpela na strongpela pilai bilong Nimex i mekim em i winim prais bilong Winfield sigaret kampani.

Long gem yet i bin gat strongpela futbol, stail pilai na planti tingting. Olsem na skoa tu i no bikpela long wanpela sait na liklik long narapela. Tupela i stap klostu klostu tru. Tasol Tigers

i win bikos kain pawa, strong na timwok bilong ol pilaia insait long fil i no senis liklik. Ol i holim dispela kain stail bilong namba wan hap i go inap long pinis bilong gem.

Narapela kain pilai olsem tu bai kamap namel long Royals na Diwai taim tupela i bung.

Strongpela fowatwok bilong Tigers namel long lok Raymond Hugo wantaim ol lain bilong em i bin bagarapim tru gemplen bilong bikpela fowat John

Manalau, Willie Chan, Eddie Bailey, Brian Peters, Earnest Salib na hapbek Paul Ewal. Na planti bilong ol tu i bin kisim bagarap bikos oltaim ol i laik kisim bal, ol masin nogut bilong Tigers i sanap pinis na wet tasol i stap.

Narapela man husat i bin kamapim gutpela pilai tu long helpim Tigers long ol taim nogut em 5/8 Kora Sipa. Long wanpela trai, em i bin bamim tripela beklain bilong

Panthers na bihain salim bal long James Tom long go slip antap long trailain.

Insait long dispela gem, liklik bel hevi i bin kamap namel long ol sapota bilong Panthers na referi. Long dispela hevi, referi i tok em i harim ol sapota i tok nogutim em. Olsem na em i lusim fil na go ausait. Tasol bihain seketeri bilong Madang Winfield lig, Opa Liriope i kam stretim toktok na gem i stat gen i go inap long fultaim.

Lewis lukluk long nupela wok olsem kosa bilong Seagulls

WALLY Lewis em i wanpela pilaia husat i save tingting na i ske- lim ol narapela samting tu.

Wanpela bikpela samting em long winim taitel bilong las tim long dispela sisen i no samting em Lewis i laik tingim. Bikos em i man husat i gat biknem na i no laikim dispela kain samting long kamap long em.

Nau em bikpela tingting bilong Lewis em long senisim na mekim dispela samting i kamap narakain gen taim em i tekova olsem fultaim kosa bilong Seagulls long neks yia.

I tru olsem nau Lewis i no gat moa sampela bilong ol paia na pawa husat em long bipo. Tasol namel long ol wan pilaia bilong em, Lewis em i king yet.

Long ol sampela wik i kam, Lewis i bin holim yet nem olsem wanpela top pilaia. Bikos oltaim em i man bilong tingting, kikim bal na i save tromoi stret bal i go long man.

Krismas bilong Wally Lewis nau em 32 yia. Tasol maski em i slek nau, pawa bilong em i stap strong yet olsem long ol yangpela de bilong em. Tasol sam-

pela samting tu i wok long dai nau.

Taim em i kisim wok kosa, em i no inap wari nau long lukautim em yet olsem bipo. Olgeta taim bilong em nau bai i go long wokim samting na bringim ol lain Seagulls long daunbilo bilong lata i kam antap.

Dispela em i no isi wok. Tasol taim Lewis i putim tingting long wok, dispela bai kamap

tru. No gat wanpela man bai lusim tingting long Wally Lewis olsem

wanpela biknem ragbi lig pilaia long fil. Planti pipel bilong Kwinslen i lukim olsem wanpela

nambawan pilaia tru bilong ol.

MATHEW GUNN
Rugby League Week.



MI na king...blrua kepten Mal Meninga (Raiders) na Wally Lewis (Gold Coast) i pundaun long graun na bihain olsem tupela olupela poro bilong bipo.



Winfield League '92



SPAKMAIK

MAN, WANTU OL I SANAP... HAI-
PILINS WANTAIM...

NAU MISTA SPIKA I KAUNIM IGO
NA OL LAIN BILONG PAIAS I WIN...

PAIAS I AMAMAS TRU NA EM
TOKIM OLGETA FLOWAS BILONG EM
OLSEM EM BAI SAUT...



NAU OLGETA I GO LONG LOLOATA AILAN...
MAIK I AMAMAS TRU, LONG WANEM, EM
IFES TAIM TRU LONG LUKIM AILAN, YAH...

MAN, OL I SPAK, SINGSING NA KAIKAI
WANTAIM... OL MAN LONG NARAPELA PLES
I PAINIM PIS I KEN HARIM OL I PATI...

NEKS DE OLGETA I GO WAS WAS LONG
NAMBIS... MAIK EM FES MAN TRU
LONG GO DAIV...



**RITIM NA SAVE...EM I TOK PLES
BILONG YUMI!!**

**Wantok - Niuspepa
bilong PNG stret**





REBO

LONG FRAIDE EM WOK I STAP NA OLPELA BOS BILONG EM LONG HET KWATAS MOSBI I OPIM DUA BILONG EM...



MAN, REBO INO BILIP OLSEM OLPELA BOS BILONG EM I KAM OLGETA LONG MOSBI LONG LUKIM EM HIA LONG KIUNGA.. TUPELA HOLIMPAS...



HARIAP TRU EM SINGAUT IGO LONG SEKETERI LONG MEKIMT ELA KAP KOPI...




NAU TUPELA DRING NA TOKTOK...



REBO ASKIM EM HUSAT TRU BAI KAM LONG HET KWATAS LONG KISIM PLES BILONG EM TAIM EM I GO TRENING...



EM TOKIM EM OLSEM EM BAI LUKAUTIM OPIS TAIM REBO I GO TRENING OL KIUNGA LIG TIM...



BOSCH	STANLEY	RE COIL	TIMKEN	UEBHERR	LOCTITE
PROTO	DOW CORNING	SIDCHROME	RN	Weller	Castrol
Unbrako	Ajax	BEAVER	CHESTERTON	SpanSet	DAWN
Eutectic Castolin Eutectic	Bearing Service Centre	MACNAUGHT	NACHI	CRC	Duffield

BISHOP BROTHERS

One Call, Gets Them All!

PORT MORESBY PH: 25 1088	LAE PH: 42 3799	MT HAGEN PH: 52 2266	RABAU PH: 92 3611	KIMBE PH: 93 5500	TABUBIL PH: 58 9066	PORGERA PH: 57 9346
-----------------------------	--------------------	-------------------------	----------------------	----------------------	------------------------	------------------------

Musik TELEVISION Komik

Wan Kantri bosim yet PNG Top 20

SINGSING bilong Barike, Wan Kantri i holim yet namba wan ples long PNG Top 20 em Redio Kalang i save skelim long olgeta Sarere. Inap long 6-pela wik nau, dispela singsing i bosim yet namba wan

PNG TOP 20 AS AT 15/8/92

NO.	SONG	ARTIST
1 (1)	Wan Kantri	Barike
2 (2)	Aiye Aiyo	Barike
3 (4)	Iwarwatut	Vincent Pia
4 (3)	Lonely Makuri	Basil Greg
5 (14)	Yu Tasol	JR. Kopex
6 (6)	Kulungi	JR. Kopex
7 (5)	Missing You	Voice In The Wind
8 (14)	Sori Pisup	Henry Kuskus
9 (7)	You Are The King	Voice In The Wind
10 (10)	Island B'Ville	Crisis Survivors Band
11 (15)	Milne Bay	Hollie Maea
12 (16)	Nambis	Henry Kuskus
13 (20)	T Vutung	Erex Suisui
14 (13)	Nuroue Ke lau	Telek
15 (0)	Meri Nipsco	Leonard
16 (19)	Tiare	Dokona Manoka
17 (0)	Meri Samarai	P.S. Duet
18 (18)	Tat Nambo	Aida Paska
19 (12)	Only Love	Cornestones
20 (0)	Oh Darling	JR. Sagothorns

• Ratings based on requests on Radio Kalang and net cassette sales.


ples. Long namba tu ples tu em narapela singsing bilong Barike yet long wankain album tasol. Na dispela singsing em Aiye Aiyo. Maski kaset i stap longpela taim nau long ol Pasifik Gol kona nabaut, dispela tupela singsing i bosim yet namba wan ples.

Ating wanpela samting we i helpim tupela singsing ya long bosim yet ol top ples em long kain musik na singsing bilong ol. Tru tumas, dispela singsing Wan Kantri i save kra olsem wanpela entem o nesenel singsing. Singsing Wan Kantri i stori na skelim olgeta samting i kamap long Papua Niugini. Na em i no lus tingting long hevi bilong Bogenvil. Long stori bilong en, dispela singsing i mekim olsem wanpela man i wokabaut raun long kantri long moning i go inap long apinun

na i singim. Narapela pawa ben husat i kalap i kam insait nau long PNG Top 20 na i go antap hariap tru em Junia Kopex. Wanpela singsing bilong ol i kalap long namba 14 ples i kam long namba 5 na narapela i stap yet long namba 6 ples olsem long las wik. I no long-taim, singsing Yu Tasol bai kalap i go antap kism ples bilong Iwarwatut bilong Vincent Pia o Lonely Makuri bilong Basil Greg.

I gat planti ol nupela na gutpela kaset i wok long kamap long olgeta musik studio bilong yumi long kantri. Sampela i wok long kamap long NBC, ol narapela long Pasifik Gol studio na ol arapela long Chin H Meen studio. Long nau yet i no gat wanpela i kam olsem long Tumbuna Tracks studio long Madang.

EMTV		FRIDAY 28TH AUGUST, 1992	
THURSDAY - 27TH AUGUST, 1992	6.00	TEST PATTERN AND MUSIC	12.30
6.00	TEST PATTERN AND MUSIC	6.27	STATION OPEN
6.27	STATION OPEN	6.30	ITN NEWS
6.30	ITN NEWS	7.00	TODAY SHOW
7.00	TODAY SHOW	8.58	EMTV TOKSAVE
8.58	EMTV TOKSAVE	9.00	STATION CLOSE
9.00	STATION CLOSE	1.04	STATION RE-OPEN
1.10	STATION RE-OPEN	1.07	CHIN H MEEN SUPER-SOUND NEW RELEASE
1.12	EM-TV TOK SAVE	1.12	EMTV TOKSAVE
1.15	MIDDAY SHOW WITH(PGR)	1.15	MIDDAY SHOW (PGR)
2.30	RAY MARTIN	2.30	SESAME STREET (G)
3.30	SESAME STREET	3.30	KIDS KONA
4.00	KIDS KONA	4.00	FAT CAT (G)
4.30	QUICK DRAW McGRAW	4.00	QUICK DRAW McGRAW
5.00	THE JETSONS (G)	4.30	THE JETSONS (G)
5.27	BEWITCHED	5.00	BEWITCHED
5.27	"Three Wishes"	5.27	"I Remember You Sometimes"
5.29	EMTV TOK SAVE	5.29	EMTV TOKSAVE
5.30	EMTV NEWS BREAK	5.30	EMTV NEWS BREAK
6.00	HOME AND AWAY	6.00	HOME AND AWAY (G)
6.30	NATIONAL EMTV NEWS	6.30	NATIONAL EMTV NEWS
7.00	A CURRENT AFFAIR	7.00	A CURRENT AFFAIR
7.25	SALE OF THE CENTURY	7.25	SALE OF THE CENTURY
7.30	CHIN H MEEN SUPER-SOUND NEW RELEASE	7.30	CHIN H MEEN SUPER-SOUND NEW RELEASE
8.00	NEIGHBOURS	7.30	NEIGHBOURS (G)
8.27	THE COSBY SHOW	7.55	NCDC NEWS
8.30	RUGBY UNION ROUND UP	8.00	HEY DAD (G)
9.00	ALL TOGETHER NOW	8.30	FRIDAY NIGHT (G)
9.30	THE GOLDEN GIRLS (PGR)	10.32	FRIDAY NIGHT MOVIE: "The Driver" (MAO)
10.00	MARRIED WITH CHILDREN	10.35	"The Driver" (MAO)
10.00	"Razor's Edge" (PGR)	00.00	NATIONAL EMTV NEWS
10.55	BURKE'S BACKYARD	00.27	REPLAY
11.00	CHIN H MEEN SUPER-SOUND NEW RELEASE	00.30	MEDITATION WITH PASTOR WALO ARNI
00.00	HAWAII 5-0 (PGR)	10.27	STATION CLOSE
00.00	"Engaged to be buried"	10.30	STATION OPEN
00.27	NATIONAL EMTV NEWS	12.00	SKY ROCK (G)
00.27	REPLAY		1989 SOUTH PACIFIC
00.30	MEDITATION WITH PASTOR WALO ARNI		
	STATION CLOSE		



WARNING!!

A man gets up in the morning washes himself with advertised soap, shaves with advertised foam & razor, brushes his teeth with advertised toothpaste, puts on his advertised designer label clothing, drives into work in his new advertised car, arrives and switches off his advertised burglar alarm, turns on his advertised till and waits for people to shop with him.

He receives a telephone call from a newspaper and gets them off the phone by saying he doesn't believe in advertising.



QUESTION: Why is it then when his business is close to crumbling he will advertise it for SALE?

ANSWER: **BE WISE AND ADVERTISE**

Call our advertising department for details of how you can reach thousands of our readers with your MESSAGE.

Tel: 25 2500

WANTOK

NIUSPEPA BILONG PAPAIA NIUGINI STREY
PNG's Tok Pisin newspaper

THE TIMES

THE TIMES
PNG's award winning newspaper

BUSINESS

reporting on the business community

SPORTS
Weekend

for complete sport coverage

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.